


Sjednice Vlade

Bosansko - podrinjskog kantona Goražde



Bosansko - podrinjski kanton
Goražde

2006. godina

Bosansko - podrinjski kanton

Goražde, 2006.

Sjednice Vlade

**BOSANSKO - PODRINJSKOG KANTONA
GORAŽDE**

u 2006. godini

Sadržaj

142.	sjednica	1
143.	sjednica	1
1.	sjednica	3
2.	sjednica	4
3.	sjednica	4
4.	sjednica	5
5.	sjednica	7
6.	sjednica	8
7.	sjednica	8
8.	sjednica	10
9.	sjednica	12
10.	sjednica	13
11.	sjednica	14
12.	sjednica	16
13.	sjednica	17
14.	sjednica	19
15.	sjednica	21
16.	sjednica	21
17.	sjednica	24
18.	sjednica	26
19.	sjednica	26
20.	sjednica	27
21.	sjednica	29
22.	sjednica	31
23.	sjednica	31
24.	sjednica	32
25.	sjednica	35
26.	sjednica	35
27.	sjednica	37
28.	sjednica	38
29.	sjednica	39
30.	sjednica	40
31.	sjednica	41
32.	sjednica	43

33.	sjednica	43
34.	sjednica	45
35.	sjednica	48
36.	sjednica	48
37.	sjednica	51
38.	sjednica	51
39.	sjednica	52
40.	sjednica	52
41.	sjednica	55
42.	sjednica	58
43.	sjednica	58
44.	sjednica	58
45.	sjednica	61
46.	sjednica	62
47.	sjednica	64
48.	sjednica	67
49.	sjednica	71
50.	sjednica	76
51.	sjednica	79
52.	sjednica	81
53.	sjednica	83
54.	sjednica	85
55.	sjednica	88
56.	sjednica	90

142. sjednica

Odobreni krediti za još 51-og studenta!

Članovi Vlade Bosansko-podrinjskog kantona Goražde, pod predsjedavanjem Salka Obhodaša, održali su 06.01.2006.godine svoju 142. redovnu sjednicu.

Na početku sjednice, Vlada je razmatrala materijale za 29. sjednicu Skupštine kantona. Razmatrana je i usvojena Odluka o razrezu poreza na dobit u godišnjem paušalnom iznosu za 2005. godinu koji će plaćati poreski obveznici, koji obavljaju djelatnost u okviru deset određenih deficitarnih privrednih djelatnosti. Osnovica poreza na dobit fizičkog lica, prema ovoj odluci, u godišnjem paušalnom iznosu iznosi 10% prosječne godišnje plaće ostvarene u Bosansko-podrinjskom kantonu Goražde u 2005. godini, a prema podacima Službe za statistiku BPK-a Goražde.

Nakon uvodnog obrazloženja resorne ministrice Emire Drakovac, Vlada je usvojila prijedlog dodatne liste studenata za studentski kredit u studijskoj 2005/06. godini, prema kojoj se nakon razmotrenih žalbi, ova lista proširuje za još 51-og studenta. Riječ je o studentima slabih materijalnih prihoda i visokog prosjeka ocjena, te studentima u čijoj porodici dvoje ili više djece studira. Tako se sada, na konačnoj listi studenata za dobivanje studentskog kredita, umjesto njih 123, nalazi 174 studenta, za što za deset mjeseci treba izdvojiti 178.500,00 KM.

Vlada je na ovoj sjednici donijela rješenje o imenovanju Osmana Somuna za savjetnika u Ministarstvu obrazovanja, nauke, kulture i sporta, te usvojila zaključak kojim se formira radna grupa za izradu prijedloga Uredbe o utvrđivanju platnih razreda i koeficijenata za plaće uposlenih u osnovnim i srednjim školama na području BPK-a Goražde od pet članova, čiji je predsjednik Osman Somun.

Istovjetna odluka donesena je i za izradu Uredbe o utvrđivanju platnih razreda i koeficijenata za plaće uposlenih u policiji BPK-a Goražde, a za predsjednika radne grupe imenovan je Nermin Džambegović.

Na kraju sjednice, Vlada je za realizaciju projekta "Zimske škole skauta- Vrtače 2006." odobrila Savezu izviđača BPK-a Goražde finansijska sredstva u iznosu od 2300,00 KM.

143. sjednica

Novi platni razredi i koeficijenti za uposlene!

Pod predsjedavanjem Salka Obhodaša, 17.01.2006.godine održana je 143. redovna sjednica Vlade Bosansko-podrinjskog kantona Goražde.

Na početku sjednice, članovi Vlade razmatrali su i usvojili nacrt Zakona o osnivanju javne ustanove Centar za stručnu obuku Goražde i poslali ga Skupštini na usvajanje.

Uz manje korekcije, razmatrane su i usvojene uredbe o utvrđivanju platnih

razreda i koeficijenata za plaće rukovodećih i ostalih državnih službenika i namještenika u kantonalnim organima državne službe, kao i uredbe o utvrđivanju platnih razreda i koeficijenata za uposlene u Ministarstvu unutrašnjih poslova BPK-a Goražde i uposlenih u obrazovnim ustanovama na području kantona. Usvajanjem ovih uredbi stvoreni su preduslovi za primjenu Općeg kolektivnog ugovora i najavljeno povećanje plaća kantonalnim budžetskim korisnicima. Ovom prilikom, donesen je zaključak da svi ministri i rukovodioci kantonalnih organa uprave u što kraćem roku urade dopunu postojećih pravilnika o unutrašnjoj organizaciji i sistematizaciji radnih mjesta, u skladu sa nedavno usvojenom Uredbom o dopunskim poslovima osnovne djelatnosti i poslovima pomoćne djelatnosti organa državne službe koje obavljaju namještenici, te da izrade dopunska rješenja za svoje namještenike, kako bi ovi mogli na vrijeme dobiti plaće za mjesec januar.

Razmatrajući materijale iz oblasti Ministarstva za boračka pitanja, Vlada BPK-a Goražde donijela je Odluku o u usvajanju Programa utroška sredstava sa ekonomskog koda „Nabavka građevina“, te dala svoju saglasnost za realizaciju Projekta izgradnje nove zgrade za zadovoljenje stambenih potreba boračkih populacija. Ocjenjujući da još oko 60 % pripadnika ove populacije nema riješeno stambeno pitanje, Ministarstvo za boračka pitanja planira u 2006. godini, pored već sagrađene zgrade „Lamela-H“, započeti realizaciju Projekta izgradnje nove zgrade za borbe, u kojoj bi novih 20-ak porodica pripadnika boračkih populacija sa prostora BPK-a Goražde dobilo svoje stanove.

Vlada je donijela Odluku po kojoj se Ministarstvu za boračka pitanja odobravaju novčana sredstva u iznosu od 2695,00 KM na ime naknade troškova banjsko-klimatskog liječenja 5 pacijenata, u RRC „Fojnica“ u Fojnici, dok su Ministarstvu obrazovanja, nauke, kulture i sporta odobrena novčana sredstva u iznosu od 18.050,00 KM za isplatu studentskih kredita za mjesec januar.

Vlada je na ovoj sjednici, usvojila izvještaje o radu ministarstava, službi i direkcija, te usvojila zaključak da se svi oni uvrste u zajednički izvještaj o radu Vlade u 2005. godini i pošalju Skupštini na razmatranje.

Do kraja sjednice Vlada BPK-a Goražde dala je saglasnost načelniku Službe za zajedničke poslove za potpisivanje Ugovora sa J.P. BH Pošta d.o.o. Sarajevo-Centar pošta Goražde o prijemu, prijenosu i uručanju poštanskih pošiljaka u vrijednosti od oko 9000,00 KM, kao i saglasnost Sadeti Odžak, pripadnici MUP-a Goražde, za odlazak u inostranstvo na seminar koji organizuje Evropski centar za sigurnosne studije.

Vlada je odobrila novčana sredstva u iznosu od 78.245,00 KM firmi „Hodo“ za isplatu neisplaćenog dijela okončane situacije po izvedenim radovima na izgradnji zgrade „Lamela-H“ u Goraždu. Donesena je i odluka o odobravanju novčanih sredstava Turističkoj zajednici BPK-a Goražde u iznosu od 4000,00 KM, kao i Odluka o odobravanju 2000,00 KM na ime liječenja teško oboljelog Vladimira Vukovića iz Goražda.

Vlada je na ovoj sjednici utvrdila visinu osnovice za plaće i naknade za topli

obrok uposlenih u kantonalnim organima uprave za mjesec januar 2006. godine, prema novim ugovorima, te donijela odluke o odobravanju novčanih sredstava Omladinskom kulturnom centru iz Goražda u visini od 2500,00 KM , i o pomoći Sindikatu radnika „Azota“ u visini od 5000,00 KM.

1. sjednica

Pravilnici usklađeni sa Zakonom o namještenicima

Nakon imenovanja, 20.01.2006. godine, pod predsjedavanjem Nazifa Uručija, održana je 1. konstituirajuća redovna sjednica Vlade Bosansko-podrinjskog kantona Goražde.

Na početku sjednice, razmatrane su i usvojene odluke o davanju saglasnosti na Pravilnike o unutrašnjoj organizaciji i sistematizaciji poslova ministarstava, uprava, službi i direkcija, a u vezi usklađivanja pravilnika sa Zakonom o namještenicima. Ministri i rukovodeći službenici zaduženi su da do 24.01. 2006. izmjenjene i ovjerene pravilnike dostave Ministarstvu za pravosuđe radi njihovog usaglašavanja, te da donesu odgovarajuća rješenja za svoje namještenike.

Vlada BPK-a Goražde dala je saglasnost Ministarstvu za privredu na izjašnjavaње o stečajnim planovima i stečajnom postupku privrednog društva “Servistrans” d.j.l. Goražde, te donijela rješenje kojim je državnog službenika Muhameda Hadžića ovlastila da obavlja poslove iz nadležnosti ministra za socijalnu politiku, zdravstvo, raseljena lica i izbjeglice do imenovanja novog ministra.

Vlada BPK-a Goražde odobrila je odluke Ministarstva za obrazovanje, nauku, kulturu i sport o dodjeli novčanih sredstava: JU Centar za kulturu u iznosu od 2000,00 KM za sufinansiranje manifestacije Dani Isaka Samokovlije “Sunce nad Drinom”; Sportskom savezu Goražde u iznosima od 13.000,00 KM za redovnu tranšu za mjesec januar i 2000,00 KM za finansiranje manifestacije “Izbor najboljeg sportiste u 2005. godini”; J.P. RTV BPK Goražde u iznosu od 5800,00 KM na ime finansiranja za mjesec januar; te sume od 1700,00 KM i 6300,00 KM JP Radio Prača i Centru za stručnu obuku Goražde na ime redovnog finansiranja.

Na kraju sjednice, Vlada Bosansko-podrinjskog kantona Goražde prihvatila je glavno pokroviteljstvo nad šahovskim turnirom, te za ovu svrhu odobrila 2000,00 KM organizatoru turnira, Srpskom građanskom vijeću –Pokret za ravnopravnost Goražde.

2. sjednica

Dogovor u granicama mogućnosti!

Vlada Bosansko-podrinjskog kantona Goražde na svojoj 2. redovnoj sjednici, održanoj 24.01.2006.godine pod predsjedavanjem Nazifa Uručija, formirala je tim za pregovore sa Kantonalnim odborom sindikata srednjeg obrazovanja, nakon odluke o stupanju u generalni štrajk svih uposlenih u srednjim školama na području ovog kantona, zakazan za 30. januar.

U sastavu ovog tima, pored ministricе Drakovac nalaze se i diplomirani pravnici Asim Plakalo i Amir Duhović.

Kantonalni odbor sindikata srednjeg obrazovanja uputio je 23.01.2006.godine Ministarstvu obrazovanja, nauke, kulture i sporta Odluku o pokretanju inicijative za mirno rješavanje spora, odnosno postupka pregovora sa nadležnim ministarstvom. U pregovarački tim ovaj sindikat nominirao je Safeta Begovića i Semira Huseinovića.

Prosvjetni radnici traže povećanje startne osnovice plaće za 20% , dok pregovarački tim Vlade zastupa nedavno usvojenu uredbu o utvrđivanju platnih razreda i koeficijenata za uposlenike u osnovnim i srednjim školama, kojom su plaće i ostale nadoknade kantonalnih budžetskih korisnika usklađene sa općim kolektivnim ugovorom. Primjenom ove uredbe i plaće prosvjetnih radnika povećane su u odnosu na raniji period, pa je za pretpostaviti da će pregovarački timovi, prije 30.januara, naći prihvatljivo rješenje i to rješenje u granicama mogućnosti Budžeta Bosansko-podrinjskog kantona Goražde čije je izvršenje, prije usvajanja federalnog budžeta, još neizvjesno.

3. sjednica

Utvrđena visina povećanja plaće po osnovu radnog staža!

Vlada Bosansko-podrinjskog kantona Goražde, pod predsjedavanjem Nazifa Uručija, održala je 30.01.2006.godine svoju 3. redovnu sjednicu na kojoj je, nakon uvodnog obrazloženja ministra finansija Milenka Grujića, usvojena Odluka o preusmjeravanju sredstava u izmjeni i dopuni Budžeta BPK-a Goražde za 2005. godinu za više budžetskih korisnika, s ciljem adekvatnog izvršenja budžeta u toj godini.

Članovi Vlade BPK-a Goražde usvojili su i Odluku o radnom vremenu u kantonalnim organima državne službe, kantonalnim ustanovama i stručnim službama Vlade kantona, po kojoj radno vrijeme u navedenim subjektima iznosi 40 sati u sedmici raspoređenih na pet radnih dana po osam sati.

Na ovoj sjednici, usvojena je i Odluka o utvrđivanju visine povećanja osnovne plaće po osnovu radnog staža službenika i namještenika kantonalnih organa

državne službe, kao i uposlenika drugih pravnih lica koja se direktno finansiraju iz budžeta Bosansko-podrinjskog kantona Goražde. Ova Odluka u skladu je sa Općim kolektivnim ugovorom za teritoriju Federacije BiH koji je stupio na snagu 08.09.2005.godine i prema kome je predviđeno da se osnovna plaća povećava za svaku godinu radnog staža kod tog poslodavca za 0,6 %, s tim da ukupno povećanje ne može biti veće od 20%.

Nakon uvodnog obrazloženja ministrice obrazovanja, nauke, kulture i sporta Emire Drakovac, Vlada BPK-a Goražde donijela je zaključak kojim je prihvatila Izvještaj pregovaračkog tima Vlade vezanog za uspješan završetak pregovora sa Sindikatom srednjeg obrazovanja i njihovu odluku o odustajanju od generalnog štrajka prosvjetnih radnika u srednjim školama ovog kantona. Ovom prilikom, Premijer BPK-a Nazif Uruči pohvalio je napore pregovaračkog tima Vlade za iznalaženje najprihvatljivijeg rješenja po obje strane i zahvalio se na konačnom razumijevanju prosvjetnih radnika za prilike u kojima se nalazi cjelokupan Kanton.

Na kraju sjednice, Vlada BPK-a Goražde usvojila je Odluku o isplati novčane naknade u iznosu od 700,00 KM članovima Komisije za tehnički nadzor realizacije prve faze projekta „Dom“.

4. sjednica

Usvojeni programi utroška sredstava u nekoliko ministarstava

Pod predsjedavanjem Nazifa Uručija 01.02.2006.godine održana je 4. redovna sjednica Vlade Bosansko-podrinjskog kantona Goražde.

Na početku sjednice, članovi Vlade dali su saglasnost na Program utroška sredstava Ministarstva za boračka pitanja sa koda „Udruženja građana“ utvrđenih Budžetom BPK-a Goražde za 2006.godinu u iznosu od 71.500,00 KM, a saglasnost je data i na programe utroška sredstava ovog ministarstva i sa koda „Nabavka opreme“ u iznosu od 2.500,00 KM i koda „Učešće u zajedničkim ulaganjima“ u iznosu od 120.000,00 KM.

Vlada BPK-a Goražde dala je saglasnost Ministarstvu za boračka pitanja da, u skladu sa Zakonom o javnim nabavkama, raspiše javni poziv za izbor najpovoljnijeg ponuđača za vršenje usluga banjско-klimatskog liječenja ratnih vojnih invalida, članova porodica šehida i poginulih boraca i demobilisanih boraca BPK-a Goražde, te da uputi Javni poziv za prikupljanje ponuda banaka za pružanje usluga deponovanja i plasmana budžetskih sredstava za dodjelu kredita za rješavanje stambenih potreba boraca i članova njihovih porodica. Visina sredstava koja će biti deponovana iz budžeta Ministarstva za boračka pitanja iznosi 100.000,00 KM.

Razmatrajući materijale iz oblasti Ministarstva za privredu Vlada BPK-a Goražde dala je saglasnost na Program utroška sredstava ovog ministarstva sa koda „Subvencije za poljoprivredu“ u iznosu od 150.000,00 KM, te donijela odluke o

otplati prispjelih rata za izmirenje duga za isporučenu električnu energiju „Fabrike vode“ u iznosima od 6.285,33 i 8.483,33 KM.

Nakon uvodnog obrazloženja vršioca dužnosti ministra Muhameda Hadžića, Vlada BPK-a Goražde donijela je Odluku o standardima i kriterijima za raspodjelu sredstava za rad udruženja planiranih u budžetu Ministarstva za socijalnu politiku, zdravstvo, raseljena lica i izbjeglice koja se finansiraju – sufinansiraju iz Budžeta BPK-a Goražde za 2006. godinu, kao i o načinu podnošenja zahtjeva za dodjelu sredstava, načinu doznačavanja sredstava i nadzoru nad njihovim utroškom. Odobreni su i programi utroška sredstava ovog ministarstva sa koda „Ostali grantovi pojedincima“ u iznosu od 60.000,00 KM, ekonomskih kodova 614233 i 6142331 (pomoć za rekonstrukciju i povratak i izdaci za alternativni smještaj), koda „Grantovi neprofitnim organizacijama (Crveni križ)“ u iznosu od 15.000,00 KM, i koda „Subvencije javnim ustanovama (Dom za stara i iznemogla lica)“ u iznosu od 15.000,00 KM.

Na ovoj sjednici, članovi Vlade donijeli su Odluku o odobravanju novčanih sredstava u iznosu od 7.800,00 KM za obezbjeđivanje alternativnog smještaja kroz nadoknadu za šestomjesečnu kiriju za 13 korisnika koji imaju pravo na privremeni smještaj, te Odluku o odobravanju novčanih sredstava u iznosu od 6000,00 KM za obezbjeđivanje šestomjesečne kirije za 10 bespravnih korisnika tuđe imovine koji, takođe, imaju pravo na ovaj smještaj.

Vlada je svojom Odlukom utvrdila i visinu novčanih sredstava za obezbjeđivanje kirije korisnicima alternativnog smještaja i bespravnim korisnicima tuđe imovine koja iznosi 100,00 KM po korisniku.

Vlada je predlažući na doradu vratila Pravilnik o dopunama Pravilnika o radu sa sistematizacijom radnih mjesta Službe za zapošljavanje BPK-a Goražde, uz obavezu da se uz pravilnik dostave i dodatni podaci utvrđeni na ovoj sjednici.

Razmatrajući materijale iz oblasti Ministarstva za obrazovanje, nauku, kulturu i sport, Vlada BPK-a Goražde usvojila je programe utroška sredstava ovog ministarstva sa ekonomskog koda „Izdaci za kulturu“ u iznosu od 50.000,00 KM, koda „Izdaci za sport“ u iznosu od 160.000,00 KM, koda „Izdaci za informisanje“ u iznosu od 150.000,00 KM i ekonomskog koda „Grantovi neprofitnim organizacijama“ u iznosu od 100.000,00 KM.

Vlada je sa ovog posljednjeg ekonomskog koda odobrila novčana sredstva Muškom rukometnom klubu „Goražde“ u iznosu od 20.000,00 KM.

U nastavku sjednice, usvojene su odluke o odobravanju grantova općinama Foča-Ustikolina i Pale-Prača za mjesec januar u iznosima od po 25.000,00 KM, te data saglasnost ministru Ministarstva unutrašnjih poslova da potpiše Ugovor o isporuci registarskih tablica i obrazaca saobraćajnih dozvola, u vrijednosti od 6.081,00 KM, kao i saglasnost ovom ministarstvu za upućivanje policijskog službenika na kurs za kontradiverzionu zaštitu, koji će se izvoditi na Policijskoj akademiji u Sarajevu.

Odbrena su i sredstva u iznosu od 1.491,01 KM izvođaču radova na poboljšavanju grijanja u zgradi Bosansko-podrinjskog kantona Goražde, te usvojen Izvještaj o

izvedenim radovima na sanaciji ove zgrade i data saglasnost za potpisivanje okončane situacije.

Vlada je na kraju svoje 4. sjednice dala saglasnost Arhivu BPK-a Goražde na Program utroška sredstava na ekonomskom kodu „Nabavka opreme“ u iznosu od 4.770,00 KM i donijela rješenje o ovlaštenju Muhidina Pleha, za obavljanje poslova direktora Kantonalnog stambenog fonda.

5. sjednica

Usvojen Program rada Vlade BPK-a Goražde za 2006.godinu

Na 5. redovnoj sjednici članovi Vlade Bosansko-podrinjskog kantona Goražde koja je održana 07.02.2006.godine, razmatrali su i usvojili svoj Program rada za 2006. godinu i uputili ga Skupštini BPK-a Goražde na usvajanje.

Na ovoj sjednici utvrđen je i prijedlog Zakona o naknadama plaća poslanika i plaća funkcionera koje bira, imenuje ili čiji izbor i imenovanje utvrđuje Skupština BPK-a Goražde, koji je po skraćenom postupku upućen u skupštinsku proceduru.

Nakon uvodnog obrazloženja ministra pravosuđa Midhata Bašića, Vlada je van snage stavila Uredbu o stručnom upravnom ispitu službenika srednje školske spreme, radi primjene novog Pravilnika o sadržaju i načinu polaganja stručnog ispita namještenika u organima državne službe u Federaciji BiH, kojim su propisani drugi uslovi polaganja ovog ispita.

Članovi Vlade BPK-a Goražde dali su saglasnost na Program utroška sredstava Vlade Bosansko-podrinjskog kantona Goražde sa ekonomskih kodova „Grantovi neprofitnim organizacijama“ i „Udruženja građana“ u iznosu od 150.000,00 KM.

Na ovoj sjednici donesena je Odluka o imenovanju Stručne komisije od 10 članova za pripremu i implementaciju Plana pripravnosti za pandemijsku gripu kod ljudi na nivou Kantona, a za predsjednika ove Komisije imenovan je epidemiolog prim.dr. Husein Prašo.

Nakon uvodnog obrazloženja ministra za privredu Ferida Buča, članovi Vlade BPK-a Goražde usvojili su i Operativni program održavanja cesta na području Bosansko-podrinjskog kantona Goražde kojim je planirana vrijednost radova na cestama BPK-a Goražde u iznosu od 630.000,00 KM. Usvojen je, takođe, i Plan rada Direkcije za ceste BPK-a Goražde za 2006. godinu, te data saglasnost ovoj direkciji na Uputstvo o postupku i načinu izvođenja radova na održavanju cesta, te na Operativni program održavanja prohodnosti regionalnih i lokalnih cesta na području Bosansko-podrinjskog kantona Goražde za zimu 2005/2006.

U nastavku sjednice, Vlada je usvojila Izvještaj pregovaračkog tima Vlade BPK-a Goražde o pregovorima sa Sindikatом osnovnog obrazovanja BPK-a Goražde, te donijela rješenje o razrješenju Vahida Kanlića sa dužnosti predsjednika Upravnog odbora Centra za stručnu obuku Goražde, a na njegovo mjesto imenovala dipl.ing.

maš. Muhameda Lagumdžiju.

Na kraju svoje 5. redovne sjednice, Vlada BPK-a Goražde odobrila je novčana sredstva Bošnjačkom planinarskom društvu „Goražde-Maglić“ u iznosu od 2.030,00 KM za rješavanje imovinsko-pravnih odnosa i Udruženja žena „Goraždanke“ u iznosu od 400,00 KM za obilježavanje prve godišnjice rada.

6. sjednica

Ministar urbanizma ovlašten za potpisivanje sudske nagodbe

Na 6. sjednici Vlade BPK-a Goražde, koja je pod predsjedavanjem Nazifa Uručija održana 15.02.2006. godine razmatrana je samo jedna tačka dnevnog reda: Prijedlog Odluke o ovlaštenju za potpisivanje sudske nagodbe.

Nakon uvodnog obrazloženja Premijera Nazifa Uručija, članovi Vlade usvojenom odlukom ovlastili su Vladimira Nedimovića ministra za urbanizam, prostorno uređenje i zaštitu okoline da u ime Vlade BPK-a Goražde potpiše sudsku nagodbu sa Općinom Goražde u vezi plaćanja novčane tražbine u iznosu od 229.512,00 KM po rješenju Općinskog suda u Goraždu od 26.12.2005.godine i rješenja Kantonlnog suda Goražde od 31.01.2006.godine.

Vlada je donijela odluku da se ovaj novčani dug izmiri putem sudske nagodbe u 10 jednakih jednomjesečnih rata, s tim da se u nagodbi naglasi da će Općina Goražde po zahtjevu Vlade BPK-a Goražde izvršiti legalizaciju izgrađenih stanova u roku od 60 dana od dana potpisivanja nagodbe.

7. sjednica

I u 2006. godini Vlada BPK-a zdravstveno osigurava radnike čiji status još nije riješen

Pod predsjedavanjem Nazifa Uručija, 17.02.2006. godine održana je 7. redovna sjednica Vlade Bosansko-podrinjskog kantona Goražde.

Na početku sjednice, članovi Vlade usvojili su Odluku o naknadi za obavezno zdravstveno osiguranje radnika koji to pravo ne ostvaruju po drugom osnovu za 2006.godinu i uputili ga u skupštinsku proceduru. Pravo na ovakav vid zdravstvenog osiguranja mogu ostvariti radnici koji su bili uposleni u privrednim društvima na području BPK-a Goražde, kojima u protekloj 2005. godini nisu uplaćivani doprinosi za zdravstveno osiguranje i čiji radno-pravni status nije riješen. Visina naknade po jednom osiguraniku utvrdiće se posebnim ugovorom sa Zavodom zdravstvenog osiguranja, na osnovu spiskova usaglašenih između Saveza samostalnih sindikata BPK-a Goražde i Ministarstva za pravosuđe, upravu i radne odnose.

Vlada je usvojila i Odluku o stavljanju van snage Odluke o ortopedskim i drugim

pomagalima koja se obezbjeđuju u Zavodu zdravstvenog osiguranja BPK-a Goražde s ciljem donošenja nove odluke sa inoviranim i kvalitetnijim sadržajem.

Razmatrajući materijale iz oblasti Ministarstva za boračka pitanja, Vlada BPK-a Goražde dala je saglasnost na Program utroška sredstava ovog ministarstva sa koda „Izdaci za kategorije boračkih populacija“ u iznosu od 600.000,00 KM, kao i saglasnost na Pravilnik o uslovima, kriterijima i postupcima odabira projekata apliciranih od boračkih udruženja koji će se sufinansirati iz Budžeta BPK-a Goražde, a koji je sačinilo Ministarstvo za boračka pitanja.

Vlada je odobrila novčana sredstva na ime naknade za rad Ljekarske komisije koja daje nalaz i mišljenje nadležnom organu koji u prvom stepenu rješava o pravima prema Zakonu o pravima branilaca i članova njihovih porodica u iznosu od 420,00 KM, te sredstva u iznosu od 5.900,00 KM na ime pomoći za rad udruženja boračkih populacija za mjesec januar 2006. godine.

Nakon uvodnog obrazloženja koje je dao ministar Nusret Sipović, Vlada BPK-a Goražde dala je saglasnost na Program utroška finansijskih sredstava iz budžeta Ministarstva unutrašnjih poslova za koda „Nabavka opreme“ u ukupnom iznosu od 120.000,00 KM.

U nastavku sjednice, Vlada BPK-a Goražde usvojila je Uredbu o utvrđivanju platnih razreda i koeficijenata za uposlenike u osnovnim i srednjim školama koji plaće ostvaruju iz Budžeta BPK-a Goražde i dala saglasnost na programe utroška finansijskih sredstava iz budžeta Ministarstva za obrazovanje, nauku, kulturu i sport sa ekonomskih kodova: „Ugovorene usluge“ u iznosu od 88.400,00 KM, „Izdaci za stipendije i subvencije“ u iznosu od 150.000,00 KM i „Ostali grantovi pojedincima“ u iznosu od 30.000,00 KM.

Saglasnost je data i na Izvještaj o radu za 2005. godinu i Program rada za 2006. godinu J.U. „Služba za zapošljavanje BPK-a Goražde“, kao i na Pravilnik o radu sa sistematizacijom radnih mjesta u ovoj službi.

Saglasnost Vlade BPK-a Goražde dobilo je i Ministarstvo za privredu na Program utroška sredstava sa ekonomskog koda „Ugovorene usluge“ u iznosu od 50.000,00 KM, dok su Ministarstvu za urbanizam, prostorno uređenje i zaštitu okoline odobrena sredstva u iznosu od 2.518,70 KM za plaćanje naknade za rad Komisije za tehnički prijem stambeno-poslovne zgrade u ulici „Zdravstvenih radnika“ 20-22 u Goraždu, a Službi za odnose sa javnošću BPK-a Goražde sredstva u iznosu od 488,50 eura za plaćanje godišnje članarine Asocijaciji evropskih gradova za kulturu „Les Rencontres“.

Na kraju svoje 7.sjednice, Vlada BPK-a Goražde zadužila je ministre u Vladi Nermanu Sofović i Emiru Drakovac, te direktoricu Službe za odnose sa javnošću Anku Ćurovac da u koordinaciji sa drugim institucijama sačine i predlože Vladi BPK-a Goražde Program obilježavanja 1.marta-Dana nezavisnosti BiH.

Vlada je zadužila Ministarstvo za pravosuđe, upravu i radne odnose da najkasnije do 27.02.2006.godine, za Vladu sačini cjelovit izvještaj o predmetnom sporu naplate novčane tražbine od strane Općine Goražde na ime rente za potkrovnne stanove. U izvještaju, kako je navedeno, posebno treba obraditi segment odgovornosti lica ili

institucija BPK-a Goražde koje su svojim eventualnim činjenjem ili nečinjenjem u ovom predmetnom sporu uticali na negativan ishod.

Ministarstvo za urbanizam, prostorno uređenje i zaštitu okoline zaduženo je da u saradnji sa drugim ministarstvima sačini Izvještaj o stanju i broju stanova koji se nalaze u vlasništvu Bosansko-podrinjskog kantona Goražde, naročito sa aspekta korisnika tih stanova, te takođe, izvjesti Vladu o stvorenim obavezama koje nisu izmirene, a odnose se na uplatu rente za građevinsko zemljište.

8. sjednica

Usvojena Lista esencijalnih lijekova

Na početku 8. redovne sjednice Vlade Bosansko-podrinjskog kantona Goražde, koja je pod predsjedavanjem Nazifa Uručija održana 02.03.2006.godine, usvojen je nacrt Zakona o održavanju zajedničkih dijelova zgrada i o upravljanju zgradama i upućen u skupštinsku proceduru.

Članovi Vlade razmatrali su Informaciju o korisnicima potkrovnih stanova u Vitkovićima i u „Titovoj ulici“ u Goraždu koju je na zahtjev Vlade sačinilo resorno Ministarstvo urbanizma, te usvojili Odluku o odobravanju novčanih sredstava ovom ministarstvu u iznosu od 2997,75 KM za realizaciju projekta rekonstrukcije kanalizacione mreže u stambeno-poslovnom objektu „Potkovica“ u Goraždu.

Usvojeni su i programi utroška sredstava iz budžeta Direkcije robnih rezervi BPK-a Goražde za 2006. godinu sa ekonomskih kodova: „ Nabavka opreme“ u iznosu od 6.200,00 KM, „Ugovorene i druge posebne usluge“ u iznosu od 5.500,00 KM i „Nabavka robnih rezervi“ u iznosu od 15.000,00 KM, kao i Izvještaj ove direkcije o radu kotlovnica za mjesec januar 2006.godine.

Vlada je upoznata i sa usaglašenim pregledom isplata izmirenja duga za električnu energiju „Fabrike vode“ d.o.o Vitkovići, koji su sačinili ministarstva privrede i finansija s ciljem da se u potpunosti sagleda pregled uplata po ugovorima. Iz ovog izvještaja vidljivo je da Vlada BPK-a Goražde kontinuirano ispunjava svoje obaveze prema „Fabrici vode“, a na sjednici je donesen zaključak da se formira komisija koja će sagledati sveukupno stanje, odnosno, dokle se stiglo sa izmirenjem obaveza koje su preuzeli Općina Goražde i Bosansko-podrinjski kanton Goražde prilikom pripajanja „Fabrike vode“ JKP „6.mart“ Goražde.

Članovi Vlade BPK-a Goražde, na ovoj sjednici, dali su Ministarstvu za privredu saglasnost na Program finansijskog nagrađivanja privrednih i drugih subjekata koji uvedu i certificiraju sistem upravljanja kvalitetom prema međunarodnim standardima za 2006.godinu. Sredstva za realizaciju ovog projekta obezbijediće se iz Budžeta BPK-a Goražde sa ekonomskog koda „Podsticaj investicija“. Najviši iznos nagrade za uvođenje ili certificiranje jednog sistema je 20.000,00 KM, a najniži iznos 5000,00 KM.

Usvojen je i Izvještaj o radu Ministarstva unutrašnjih poslova BPK-a Goražde za mjesec januar 2006.godine, te data saglasnost ovom ministarstvu za objavljivanje javnog poziva za upućivanje tri kandidata sa završenom višom ili visokom stručnom spremom na školovanje u drugu klasu polaznika Policijske akademije u Sarajevu u trajanju od šest mjeseci. Razlog za donošenje ove odluke je prevazilaženje dijela nastalih problema u funkcionisanju Sektora krim policije Uprave za policiju K MUP-a zbog sve učestalijeg odliva kadra-ovlaštenih policijskih službenika u druge agencije za provedbu zakona. Za realizaciju ove odluke biće potrebno izdvojiti sredstva iz budžeta Ministarstva unutrašnjih poslova BPK Goražde u iznosu od 6.900,00 KM.

U nastavku sjednice, Vlada BPK-a Goražde dala je saglasnost Ministarstvu za boračka pitanja na „Projekat poboljšanja statusa boračke populacije BPK-a Goražde“, te donijela odluku o odobravanju novčanih sredstava za realizaciju ovog projekta u iznosu od 30.000,00 KM. Novčana sredstva u iznosu od 750,00 KM odobrena su Udruženju žena kućne radinosti „Motiv“, kao i sredstva u iznosu od 1000,00 KM za nabavku 10 kompleta knjiga „Alija izbliza“, autora Adamira Jerkovića koji će biti podijeljeni Gradskoj i školskim bibliotekama. Poslije uvodnog obrazloženja ministricice Emire Drakovac, Vlada je odobrila isplatu novčanih sredstava iz budžeta Ministarstva za obrazovanje, nauku, kulturu i sport: Sportskom savezu BPK-a Goražde u iznosu od 12.000,00 KM; J.P. RTV BPK Goražde u iznosu od 8.200,00 KM, JP „Kulturno-informativnom centru“ Prača-Radio Prača u iznosu od 2.300,00 KM i Centru za stručnu obuku Goražde u iznosu od 6.000,00 KM na ime redovnih tranši za mjesec februar 2006. godine. Usvojena je i Odluka o odobravanju novčanih sredstava za isplatu studentskih kredita za mjesec februar 2006.godine u iznosu od 18.050,00 KM, kao i Odluka o odobravanju novčanih sredstava Muškom rukometnom klubu „Goražde“ u iznosu od 10.000,00 KM.

Vlada BPK-a Goražde na 8.redovnoj sjednici dala je saglasnost na programe utroška sredstava u budžetu Ministarstva za socijalnu politiku, zdravstvo, raseljena lica i izbjeglice sa ekonomskih kodova: „Subvencije javnim preduzećima-kantonalni Zavod zdravstvenog osiguranja“ u iznosu od 14.300,00 KM i „Subvencije javnim ustanovama- Zavod za javno zdravstvo“ u iznosu od 50.000,00 KM, te donijela Odluku o Listi esencijalnih lijekova koji se propisuju i izdaju na teret sredstava Zavoda zdravstvenog osiguranja BPK-a Goražde kao i načinu njihovog propisivanja i izdavanja.

Na kraju ove sjednice, razmatran je materijal za 30. sjednicu Skupštine Bosansko-podrinjskog kantona Goražde koja je zakazana za 10.03.2006. godine i usvojena Odluka o plaćanju članarine udruženju za promidžbu Instituta Evropskih regiona u iznosu od 500 eura, a data je saglasnost i na Program i Finansijski plan obilježavanja 1.marta-Dana nezavisnosti BiH.

9. sjednica

Dodijeljene koncesije za mini-hidrocentrale „Osanica 5“ i „Čemernica“

Pod predsjedavanjem Nazifa Uručija 09.03.2006.godine održana je 9. redovna sjednica Vlade Bosansko-podrinjskog kantona Goražde.

Na početku sjednice, članovi Vlade dali su saglasnost Školskom odboru MSŠ „Enver Pozderović“ u Goraždu za imenovanje Fikreta Terovića za direktora ove škole, a nakon toga formirali radnu grupu na čelu sa Mustafom Hošom koja ima zadatak da izvrši pripreme radnje za organizaciju završne smotre 43-ih Sandžačkih igara u Goraždu.

Vlada je odobrila Ministarstvu za boračka pitanja novčana sredstva u iznosu od 4000,00 KM za sufinansiranje Projekta poboljšanja statusa boračke populacije u 2006.godini, sredstva u iznosu od 3.234,00 KM za naknadu troškova banjsko-klimatskog liječenja 6 pacijenata- pripadnika boračkih populacija u RRC „Fojnica“ u Fojnici, te dala saglasnost Premijeru BPK-a Goražde za potpisivanje Sporazuma o utvrđivanju naknade za zdravstvenu zaštitu lica kojima je priznato svojstvo korisnika boračko-invalidske zaštite, kao i Sporazuma o saradnji sa humanitarnom organizacijom HELP za implementaciju projekta „Smanjenje siromaštva kroz podršku pokretanju malih biznisa“.

Usvojena je i Odluka o isplati novčanih sredstava Zavodu za javno zdravstvo BPK-a Goražde u iznosu od 5.000,00 KM za finansiranje troškova realizacije projekata od zdravstvenog značaja, kao i Odluka o isplati sredstava u iznosu od 1.036,00 KM za korišćenje banjskog i klimatskog liječenja dva socijalno ugrožena pacijenta u RRC „Fojnica“ u Fojnici.

Vlada je na ovoj sjednici usvojila Izvještaj o radu Kantonalnog pravobranilaštva i uputila ga Skupštini kantona na usvajanje, kao i zaključak o prihvatanju k znanju Izvještaja o radu Tužilaštva BPK-a Goražde, a razmatrana je i usvojena i Odluka o produženju Ugovora o sa Energoinvestom-Energo petrolom, djl Sarajevo o prodaji naftnih derivata za potrebe Policijske stanice u Prači.

Na prijedlog Ministarstva za finansije, donesena je Odluka o utvrđivanju osnove za plaću i naknade za topli obrok za mjesec februar 2006. godine. Prema ovoj odluci, osnovica za plaću za kantonalne budžetske korisnike je 308,00 KM, dok je naknada za topli obrok po jednom radnom danu 5,2 KM.

Nakon što su sa prošle sjednice bile povučene zbog dopune materijala, na 9. redovnoj sjednici Vlade BPK-a Goražde usvojene su odluke o dodjeli koncesija za projektovanje, izgradnju, korišćenje i prijenos MHE „Osanica 5“ na rijeci Osanici i MHE na rijeci Čemernici firmama: ŠEH-IN“ iz Goražda i „MIMS“ d.o.o. iz Sarajeva.

Vlada je usvojila i Odluku o dodjeli novčanih sredstava J.P. „Veterinarska stanica“ Goražde iznosu od 3000,00 KM za dijagnostička ispitivanja krvi životinja (100 muznih grla) u svrhu izdavanja mliječnih kartona.

Do kraja sjednice, usvojene su odluke o odobravanju grantova općinama Foča-

Ustikolina i Pale-Prača za mjesec februar u iznosima od po 25.000,00 KM, Izvještaj kantonalne Komisije za procjenu šteta od prirodnih i drugih nesreća na području BPK-a Goražde i Odluka o utvrđivanju naknade za rad ove komisije.

Vlada je odobrila i sredstva u iznosu od 450,00 KM za nabavku 30 komada dokumentarnog filma u „Okovima zla“, autora Safeta Garčevića uz zaključak da se ovo istorijsko svjedočanstvo o ratnom vremenu podijeli Gradskoj i školskim bibliotekama na području BPK-a Goražde, a sredstva u iznosu od 500,00 KM dobila je i goraždanska grupa „KUDA I ORATORIJ“ za promociju svog prvog albuma.

10. sjednica

I u 2006. godini Vlada zdravstveno osigurala radnike na tzv. “čekanju posla”!

Pod predsjedavanjem Nazifa Uručija 17.03.2006.godine održana je 10. redovna sjednica Vlade Bosansko-podrinjskog kantona Goražde na kojoj je razmatrano 11 tačaka dnevnog reda.

Na prijedlog Ministarstva za socijalnu politiku, zdravstvo, raseljena lica i izbjeglice, Vlada je usvojila Odluku o obimu prava osiguranih lica na korišćenje ortopedskih i drugih pomagala koja se obezbjeđuju na teret sredstava Zavoda zdravstvenog osiguranja BPK-a Goražde, kao i Odluku o odobravanju novčanih sredstava u iznosu od 2000,00 KM udruženju žena „Goraždanke“ za realizaciju projekta „Proizvodnja tkanih proizvoda i opreme za tkanje“.

Vlada je usvojila i Odluku o davanju saglasnosti na program utroška sredstava iz budžeta Centra za socijalni rad u iznosu od 1.750.000,00 KM, te Odluku o odobravanju novčanih sredstava za samoodrživost projekta „Naša realnost“ humanitarne organizacije „Pomoć za samu pomoć“ u iznosu od 5000,00 KM.

Članovi Vlade dali su saglasnost Premijeru BPK-a Goražde za potpisivanje Ugovora o utvrđivanju naknade za obavezno zdravstveno osiguranje socijalno ugroženih kategorija radnika sa prebivalištem na području BPK-a Goražde koji ne ostvaruju prava iz radnog odnosa, a nisu zdravstveno osigurani po drugom osnovu, za period od stupanja na snagu ove odluke do 31.12.2006.godine, kao i saglasnost na Uputstvo o pravu, obimu i načinu ostvarivanja prava na ovu zdravstvenu zaštitu.

Razmatrajući materijale iz oblasti Ministarstva za obrazovanje, nauku, kulturu i sport, Vlada BPK-a Goražde usvojila je odluke o odobravanju novčanih sredstava RTV BPK Goražde i Centru za kulturu Goražde za sanaciju štete izazvane poplavom u iznosima od po 6000,00 KM i 3000,00 KM. Sredstva od po 400,00 KM iz budžeta ovog ministarstva data su općinama Foča-Ustikolina i Pale-Prača za obilježavanje 10.godišnjice reintegracije u sastav Federacije, kao i Udruženju građana „Yildiz“ iz Goražda za realizaciju pozorišne predstave „U hladu jasmina“.

Vlada je usvojila i Odluku o odobravanju novčanih sredstava na ime pomoći za rad udruženja boračkih populacija u iznosu od 5.900,00 KM za mjesec februar 2006. godine, kao i Odluku o odobravanju 4.851,00 KM na ime naknade troškova banjско-klimatskog liječenja 9 pacijenata, iz kategorije boračkih populacija u RRC „Fojnica“.

Na ovoj sjednici, novčanim nagradama u iznosima po 500, 400 i 300 KM nagrađeni su radio-amateri Zaim Žuga, Elvir Hošo i Mersudin Krajišnik za izuzetne rezultate - I, II i VII mjesto u svijetu u takmičenju radio-amatera u kategoriji broja ostvarenih radio- veza.

Vlada je odobrila Radio klubu „Tehničar“ Goražde sredstva u iznosu od 5000,00 KM za dovršetak izgradnje i sanacije objekta u kojem je smješten ovaj klub, a sredstva u istom iznosu odobrena su i Fudbalskom klubu „Goražde“ kao pomoć za završetak sezone 2005-2006.

Na ovoj sjednici, razmatran je i usvojen Izvještaj o radu Ministarstva unutrašnjih poslova BPK-a Goražde za mjesec februar 2006. godine, te data saglasnost na izmjenu i dopunu Pravilnika o unutrašnjoj organizaciji i sistematizaciji radnih mjesta u Uredu interne revizije BPK-a Goražde.

Na kraju sjednice, Vlada je odobrila službena putovanja u inostranstvo: Premijeru radi prisustva Skupštini evropskih regiona u Vršcu- Srbija i Crna Gora, kao i ministru za privredu, radi prisustva privrednom sajmu u Tripoliju, u Libiji.

11. sjednica

Imenovan novi Upravni odbor Agencije za privatizaciju BPK-a Goražde

Članovi Vlade Bosansko-podrinjskog kantona Goražde, pod predsjedavanjem Načelnika Uručija održali su 30.03.2006.godine svoju 11. redovnu sjednicu.

Na početku sjednice, Vlada je dala saglasnost na programe utroška sredstava iz budžeta Ministarstva za privredu i to na programe: „Učešće u zajedničkim ulaganjima“ u iznosu od 150.000 KM, „ Isplate pojedincima“ u iznosu od 1000 KM , „Grantovi neprofitnim organizacijama“ u iznosu od 27.000 KM i program utroška sredstava na ekonomskom kodu „Subvencije javnim preduzećima“ , za izmirenje duga za električnu energiju „Fabrike vode „ u Vitkovićima u iznosu od 200.000 KM. Iz budžeta Ministarstva za privredu odobrena su, takođe, i sredstva Poljoprivrednoj zadruzi „Medina“ u iznosu od 3000 KM za realizaciju Programa pčelinje pogače za pčelare BPK-a Goražde.

Svojom odlukom Vlada je dala saglasnost na Rješenje o imenovanju predsjednika i članova Upravnog odbora Agencije za privatizaciju BPK-a Goražde na period od četiri godine i uputila ga Skupštini kantona na usvajanje. Za predsjednika Upravnog odbora ove agencije imenovan je Senad Čeljo, dok su članovi ovog odbora: Reuf Ratković, Enver Adžem, Mirsad Hubanić i Melida Hadžiomerović.

Razmatrana je i primljena k znanju Informacija Ministarstva za privredu o donošenju Uputstva o načinu eksploatacije riječnog materijala iz korita rijeke Drine, te data saglasnost na Program investicionih ulaganja u oblasti vodoprivrede na području BPK-a Goražde za 2006. godinu u vrijednosti od 190.000 KM.

Razmatrajući materijale iz oblasti Ministarstva za boračka pitanja, Vlada je donijela Odluku o odobravanju novčanih sredstava u iznosu od 18.000 KM na ime jednokratnih novčanih pomoći borcima i članovima njihovih porodica sa područja Bosansko-podrinjskog kantona Goražde. Njih stotinu dobiće pomoć od po 200 KM, a pojedinačnu odluku o dodjeli sredstava donijet će ministar za boračka pitanja na prijedlog komisije koja će izvršiti razmatranje pristiglih zahtjeva u skladu sa usvojenim Pravilnikom o postupku, uslovima i kriterijima za odobravanje ove pomoći.

Vlada je odobrila sredstva u iznosu od 4.170 KM Zavodu zdravstvenog osiguranja BPK-a Goražde na ime naknade za zdravstvenu zaštitu lica kojima je priznato pravo korisnika boračko-invalidske zaštite za mjesec januar i februar 2006. godine, kao i sredstva u iznosu od 1.600 KM za liječenje Mehmeda Krašića RVI II grupe i Vlada Vukovića, demobilisanog borca ARBiH.

U nastavku sjednice, članovi Vlade usvojili su Rješenje o imenovanju predsjednika i članova Drugostepene disciplinske komisije za policijske službenike MUP-a BPK-a Goražde, prema kome je za predsjednika komisije imenovan Predrag Bogunić, glavni inspektor. Ministarstvu unutrašnjih poslova BPK-a Goražde Vlada je dala saglasnost za raspisivanje javnog oglasa za upućivanje dva kandidata sa završenom srednjom stručnom školom na školovanje u 12. klasu polaznika Policijske akademije u Sarajevu, radi raspoređivanja i dobivanja čina policajac.

Vlada Bosansko-podrinjskog kantona Goražde na svojoj 11 sjednici usvojila je i odluke o odobravanju redovnih novčanih sredstava za mjesec mart: Sportskom savezu BPK-a Goražde- 12.000 KM, JP RTV BPK Goražde – 7000 KM, JP „Kulturno-informativnom centru“ Prača, Radio Prača- 2000 KM i Centru za stručnu obuku- 6000 KM. Na prijedlog Ministarstva za obrazovanje, nauku, kulturu i sport, Vlada je odobrila sredstva OŠ „Mehmedalija Mak Dizdar“ iz Vitkovića u iznosu od 7.500 KM za nabavku opreme-učila, 1.800 KM Osnovnoj muzičkoj školi „Avdo Smailović“ za finansiranje odlaska učenika škole na IX Federalno takmičenje u Livnu, kao i sredstva u iznosu od 500 KM Armini Krndžija i Amini Ćurovac za snimanje autorske kompozicije s kojom bi učestvovala na Festivalu zabavne muzike „Bihać 2006.“

Vlada je razmatrala i usvojila Izvještaj Radne grupe za pripremne radnje organizacije 43. Sandžackih igara koje će se održati u Goraždu 2006. godine, te donijela Odluku o imenovanju Organizacionog odbora ovih igara od 17 članova, na čijem se čelu nalazi Premijer BPK-a Goražde Nazif Uruči. Vlada je zadužila ovaj odbor da održi konstituirajuću sjednicu i na toj sjednici donese odluku o datumu održavanja 43. Sandžakih igara, o imenovanju Izvršnog odbora igara, te donese odluku o formiranju komisija koje će operativno raditi na organizaciji i kvalitetnoj

pripremi ove značajne sportsko-kulturne manifestacije.

Na ovoj sjednici, Vlada je utvrdila osnovicu za plaću zaposlenih lica koja se finansiraju iz Budžeta BPK-a Goražde i visinu naknade za topli obrok za mjesec mart 2006. godine, te usvojila odluke o odobravanju grantova općinama Foča-Ustikolina i Pale-Prača u iznosima od po 25.000 KM za isti mjesec.

Članovi Vlade BPK-a Goražde dali su i saglasnost na Odluku Upravnog odbora JU Služba za zapošljavanje BPK-a Goražde kojom se usvaja Izvještaj o realizaciji Programa „Javni radovi u 2005. godini“. Razmotrena su poslanička pitanja i inicijative sa 30. sjednice Skupštine BPK-a Goražde, te data zaduženja ministarstvima na koja se ova pitanja odnose da u što kraćem roku pripreme odgovore na pitanja i prosljede ih sekretaru Vlade BPK-a Goražde.

Na kraju sjednice, ministri Hadžić i Nedimović usmeno su informisali Vladu o dešavanjima oko pitke vode iz „Fabrike vode“ u Vitkovićima, odnosno, o stanju neisplaćenih renti za objekte koji su vlasništvo i čiji je investitor bio Bosansko-podrinjski kanton Goražde.

12. sjednica

Usvojena Odluka o kriterijima i raspodjeli prihoda od indirektnih poreza

Na 12. redovnoj sjednici koja je pod predsjedavanjem Nazifa Uručija održana 03.04.2006.godine i kojoj su kao gosti izvjestioci prisustvovali načelnici općina Goražde i Foča-Ustikolina, kao i predsjedavajući Skupštine BPK-a Goražde, razmatrana je samo jedna tačka dnevnog reda.

Nakon uvodnog obrazloženja koje su dali Premijer BPK-a Goražde i ministar za finansije Milenko Grujić, Vlada je razmotrila i usvojila Odluku o kriterijima i načinu raspodjele prihoda od indirektnih poreza koji se uplaćuju sa Posebnog računa Federacije BiH između Kantona i općina na području Bosansko-podrinjskog kantona Goražde.

Prema ovoj odluci, dio prihoda od indirektnih poreza koji pripadaju Kantonu doznačenih sa Posebnog računa FBiH, raspoređuje se između Kantona i općina, po osnovu poreza na promet u 2005. godini, kako slijedi:

<i>1. Kanton</i>	<i>87,93%</i>
<i>2. Općine</i>	<i>12,07%</i>

Dio prihoda iz stava 1. ove tačke raspoređuje se prema općinama Kantona, kako slijedi:

<i>1. Općina Goražde</i>	<i>95,69%</i>
<i>2. Općina Foča</i>	<i>2,66%</i>

3. Općina Pale 1,40%

Isti kriterij i način raspodjele primjenice se i za prihode od indirektnih poreza koji se odnose na naknade za puteve iz cijene naftnih derivata kako slijedi:

1. Kanton 58%

2. Općine 42%

Dio prihoda iz stava 1. ove tačke raspoređuje se prema općinama Kantona kako slijedi:

1. Općina Goražde 93,69%

2. Općina Foča 3,28%

3. Općina Pale 3,03%

Ova Odluka primjenjivat će se do usvajanja novog Zakona o pripadnosti javnih prihoda u Federaciji Bosne i Hercegovine.

13. sjednica

Odobrena isplata studentskih kredita za mjesec mart!

Vlada BPK Goražde održala je 07.04.2006. godine svoju 13. redovnu sjednicu kojom je predsjedavao Premijer Nazif Uruči i na kojoj je razmatrano ukupno 25 tačaka dnevnog reda.

Iz oblasti Ministarstva za obrazovanje, nauku, kulturu i sport razmatrani su prijedlozi odluka o odobravanju novčanih sredstava, te su donesene tri odluke kojima su odobrena novčana sredstva kako slijedi: za isplatu studentskih kredita za mjesec mart odobrena su sredstva u iznosu od 18.050,00 KM, KUD „Azot“ Vitkovići dobio je sredstva u iznosu od 1.000,00 KM na ime učešća na Međunarodnom festivalu djeteta koji se održava u Izmiru, dok su J.U. „Centar za kulturu“ Goražde dodijeljena sredstva u iznosu od 4.300,00 KM na ime pomoći za finansiranje manifestacije „Aprilski dani kulture“. Vlada je na ovoj sjednici, takođe, donijela i Zaključak o odobravanju upotrebe službenih vozila Kantona za prijevoz učenika osnovnih i srednjih škola sa područja Kanotna na federalna takmičenja iz pojedinih predmeta.

Razmatrajući materijale iz oblasti Ministarstva za socijalnu politiku, zdravstvo, raseljena lica i izbjeglice, Vlada kantona donijela je Odluku o odobravanju novčanih sredstava u iznosu od 1.000,00 KM Udruženju građana oboljelih od cerebralne dječije paralize i distrofije na ime finansijske podrške obilježavanja desete godišnjice postojanja ovog udruženja, dok su Zavodu za javno zdravstvo BPK Goražde odobrena sredstva u iznosu od 20.000,00 KM za finansiranje Projekta prevencije i ranog otkrivanja karcinoma grlića materice. Za realizaciju projekta „Podrška porodici“, kojeg zajednički realiziraju SOS Kinderdorf International-predstavništvo

u BiH, Ministarstvo za socijalnu politiku i Ministarstvo za obrazovanje BPK Goražde, odobrena su sredstva u iznosu od 5.000,00 KM. Na ime pomoći za rad Regionalnog odbora za povratak u jugoistočnu Bosnu odobrena su novčana sredstva u iznosu od 1.000,00 KM, dok su Crvenom križu BPK Goražde dodijeljena sredstva u iznosu od 4.000,00 KM. Obzirom da se Udruženje žena „Goražde“ ovom ministarstvu obratilo sa zahtjevom za dodjelu sredstava na ime pomoći za obilježavanje godišnjice rada Udruženja, Vlada je na ovoj sjednici donijela odluku kojom je podržala njihov zahtjev. Kao zadnju tačku dnevnog reda koju je predložilo ovo ministarstvo, Vlada je razmatrala i zahtjev za dodjelu sredstava na ime pomoći za liječenje dječaka Denisa Čarkića iz Goražda oboljelog od cerebralne dječije paralize, te je donijela odluku o odobravanju 1.000,00 KM u ovu svrhu.

Na prijedlog Ministarstva za boračka pitanja, Vlada je razmatrala i usvojila odluku o plaćanju pristiglih računa za liječenje pripadnika boračkih populacija u RRC „Fojnica“ u ukupnom iznosu od 4.736,00 KM. Na ime redovne mjesečne tranše za pomoć u radu četiri udruženja boračkih populacija na području BPK Goražde, Vlada je na ovoj sjednici donijela odluku o odobravanju sredstava u ukupnom iznosu od 5.900,00 KM, te odluku o odobravanju sredstava u iznosu od 700,00 KM na ime sufinansiranja troškova prijevoza boračkih populacija na skup podrške „Ženama Srebrenice“ u Tuzlu, čije održavanje je planirano za 11.04.2006. godine.

U daljem toku sjednice, Vlada je razmatrala materijale iz oblasti Ministarstva za urbanizam, prostorno uređenje i zaštitu okoline, te je donijela Zaključak o usvajanju Izvještaja o radu komisije za provođenje procedure prodaje poslovnih prostora u stambeno-poslovnom objektu „Lamela H“ i Zaključak kojim je ovlastila Premijera BPK Goražde da potpiše anex Ugovora o izvođenju dodatnih radova na izgradnji stambeno-poslovnog objekta „Lamela H“ u Goraždu sa firmom „Hodo“ d.o.o.

Na ovoj sjednici, razmatrani su i materijali iz nadležnosti same Vlade, među kojima i Izjašnjenje Vlade BPK Goražde o prethodno izvršenoj reviziji Budžeta kantona za 2005. godinu, za koje je data saglasnost da se kao jedinstven stav Vlade BPK dostavi Uredu za reviziju budžeta/proračuna F BiH, te je doneseno Rješenje o imenovanju Komisije za provođenje postupka izbora i imenovanja direktora Agencije za privatizaciju BPK Goražde. Vlada je u nastavku sjednice dala saglasnost Premijeru BPK Goražde da potpiše anex Ugovora o osiguranju imovine BPK Goražde u trajanju od 90 dana do završetka postupka izbora najpovoljnijeg ponuđača u skladu sa Zakonom o javnim nabavkama BiH, te je usvojila Izvještaj o službenom putovanju delegacije BPK Goražde u Vršac (SCG) radi prisustva zasjedanju Skupštine evropskih regiona.

Na prijedlog Ministarstva za privredu, razmatran je i usvojen Izvještaj o dosadašnjim efektima dodijeljenih koncesija za eksploataciju šljunka na području BPK Goražde, a u okviru ove tačke dnevnog reda ovom ministarstvu dato je i zaduženje da u roku od 30 dana za Vladu kantona sačini kompletnu informaciju o dosada

dodijeljenim koncesijama u BPK Goražde.

Na ovoj sjednici, Vlada je razmatrala i dala svoju saglasnost na dva programa koja je predložila Služba za zapošljavanje BPK Goražde, a radi se o Programu mjera podsticaja zapošljavanja nezaposlenih osoba sa prostora BPK Goražde u 2006. godini i Programu zapošljavanja osoba sa invaliditetom na području BPK Goražde.

Kao zadnju tačku predloženog dnevnog reda, Vlada je na svojoj 13. redovnoj sjednici razmatrala i dala saglasnost na Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta Kantonalne uprave civilne zaštite.

14. sjednica

Sindikatu „Azota“ odobrena jednokratna novčana pomoć!

Vlada Bosansko-podrinjskog kantona Goražde održala je 17.04.2006.godine svoju 14. redovnu sjednicu, na kojoj je razmatrano 13 tačaka dnevnog reda.

Na početku sjednice, članovi Vlade donijeli su Odluku o utvrđivanju iznosa dječijeg dodatka na prostoru BPK-a Goražde koji se finansira iz Bužeta kantona u visini od 17 KM, kao i zaključak po kojem Vlada prihvata nastavak investicije za realizaciju druge faze projekta „Dom“ i daje saglasnost ministru za socijalna pitanja, zdravstvo, raseljena lica i izbjeglice za potpisivanje protokola o nastavku implementacije ovog projekta.

Javnoj ustanovi Dom za stara i iznemogla lica Vlada BPK-a Goražde odobrila je novčana sredstva u iznosu od 5000 KM kao pomoć za realizaciju projekta zagrijavanja prostorija Doma, a Kantonalnom zavodu zdravstvenog osiguranja odobrena su sredstva u iznosu od 2.070 KM na ime naknade za zdravstveno osiguranje lica kojima je priznato svojstvo korisnika boračko-invalidske zaštite za mjesec mart 2006.godine.

Vlada je odobrila Ministarstvu za boračka pitanja da iz svog budžeta izdvoji novčana sredstva u iznosu od 10.000 KM za sufinansiranje dijela troškova izgradnje Memorijalnog centra –šehidskog spomen mezarja „Kovači“ u Sarajevu, sredstva u iznosu od 6000 KM za finansiranje dijela troškova Projekta psihološke i psihosocijalne pomoći boračkih populacija sa prostora BPK-a Goražde, kao i sredstva u iznosu od 2500 KM za sufinansiranje troškova zajedničkog Projekta poboljšanja statusa boračke populacije za mjesec mart 2006. godine, koji je apliciran od udruženja boračkih populacija ovog kantona.

Na ovoj sjednici, Vlada BPK-a Goražde vratila je na doradu Izvještaj Centralne popisne komisije uz obavezu Ministarstva finansija i ove komisije da u roku od sedam dana sačini novi, potpuniji izvještaj.

Nakon utvrđivanja kriterija za izbor i imenovanje direktora Agencije za priva-

tizaciju, Vlada BPK-a Goražde usvojila je rješenje po kojem je za direktora Agencije za privatizaciju na period od dva mjeseca, do raspisivanja javnog konkursa, imenovala sadašnjeg direktora dipl. ing. Huseina Bijedića.

Razmatrajući materijale iz oblasti Ministarstva za privredu, članovi Vlade BPK-a Goražde dali su saglasnost ministru za privredu Feridu Buču da potpiše Ugovor o izgradnji obaloutvrde desne obale rijeke Drine u Goraždu-završna faza, te usvojili njegov izvještaj sa putovanja u Libiju u periodu od 31.03.-04.04.2006. godine.

Vlada je odobrila jednokratnu novčanu pomoć Sindikatu UNIS HI „Azot“ Vitkovići u iznosu od 3000 KM za obilazak bolesnih i obezbjeđenje paketa sa hranom za najugroženije radnike.

Ministarstvu za prostorno uređenje, urbanizam i zaštitu okoline Vlada je odobrila sredstva u iznosu od 6.479 KM za sanaciju olučnih horizontala u zgradama u ulici „Zaima Imamovića“ broj: 8-10 i 18-20 u Goraždu. Usvojen je i izvještaj o radu Ministarstva za unutrašnje poslove BPK-a Goražde za mjesec mart 2006. godine, te odobren službeni put Premijeru BPK-a Goražde u Nizozemsku na zasjedanje Skupštine Evropskih regiona.

Vlada je donijela Odluku o pokretanju postupka za izbor najpovoljnijeg ponuđača za osiguranje imovine Bosansko-podrinjskog kantona Goražde, te donijela rješenje o imenovanju Komisije za provođenje ovog postupka. Donesena je i Odluka o poništavanju kompletnog postupka za LOT 7 i LOT 8 –odabir najpovoljnijeg ponuđača za pružanje usluga održavanja motornih vozila i pružanje usluga sukcesivne isporuke sredstava za održavanje higijene i artikala za čajnu kuhinju. Za navedene lotove ponovit će se postupak odabira najpovoljnijih ponuđača putem otvorenog postupka.

U nastavku sjednice, Vlada BPK-a Goražde dala je saglasnost Premijeru BPK-a Goražde za potpisivanje Protokola o saradnji na realizaciji Projekta rekonstrukcije elektrodistributivne mreže na području povratničkog naselja Kolijevke u općini Goražde, a sredstva u iznosu od 20.000 KM za ovu namjenu Vlada će obezbijediti iz svog budžeta .

Članovi Vlade BPK-a Goražde na svojoj 14. redovnoj sjednici dali su saglasnost direktoru Direkcije za robne rezerve da izvrši popunu upražnjenog radnog mjesta, pomoćni radnik-ložać, te donijeli rješenje o imenovanju Komisije za nominiranje kandidata za upražnjenu poziciju člana Upravnog odbora Federalnog zavoda za penzijsko i invalidsko osiguranje sa područja Bosansko-podrinjskog kantona Goražde.

Na kraju ove sjednice, Vlada je zadužila Ministarstvo za pravosuđe, upravu i radne odnose da u saradnji sa Kantonalnom službom za zapošljavanje utvrdi mogućnost zapošljavanja pripravnika u organima uprave BPK-a Goražde, a prema Programu mjera podsticaja zapošljavanja nezaposlenih osoba, odnosno, da se utvrdi mogućnost odrađivanja pripravničkog staža za kandidate sa visokom stručnom spremom u organima uprave BPK-a Goražde.

15. sjednica

Odobrena dodatna sredstva za sanaciju gradskih ulica

Vlada Bosansko-podrinjskog kantona Goražde na 15. redovnoj sjednici održanoj 20.04.2006.godine odobrila je iz svog budžeta kantonalnom Ministarstvu za privredu dodatna sredstava u iznosu od 150.000 KM za projekat sanacije dvije važne gradske ulice: „Ruždije Islamagića“ i „Zaima Imamovića“. Radi se o ulicama koje se trenutno nalaze u lošem stanju, a projektom sanacije, čija je vrijednost 330.000 KM, predviđena je odvodnja površinskih voda kao i polaganje nove asfaltne podloge.

U narednoj fazi, uslijediće raspisivanje ponovnog Javnog poziva za odabir izvođača radova, a kako je rečeno na sjednici kantonalne Vlade, radovi bi trebali biti završeni do polovine jula ove godine, do početka dvije značajne sportsko-kulturne manifestacije: 43. Sandžačkih igara i devetog po redu internacionalnog Festivala prijateljstva.

U nastavku sjednice, članovi Vlade odobrili su Muškom rukometnom klubu Goražde sredstva u iznosu od 10.000 KM, za nastavak takmičenja u okviru rukometne Premijer lige BiH.

16. sjednica

Povratnicima odobrena sredstva za sanaciju puteva i ugradnju građevinskog materijala

Vlada Bosansko-podrinjskog kantona Goražde održala je 28.04.2006.godine svoju 16. redovnu sjednicu na kojoj je razmatrano 11 tačaka dnevnog reda.

Na početku sjednice, članovi Vlade odobrili su Zemljoradničkoj zadruzi „Agropodrinje“ sredstva u iznosu od 3.000 KM za realizaciju Programa introdukcijskog zasada jabuke, te dali saglasnost Ministarstvu za privredu na izmjene i dopune programa za korišćenje sredstava sa ekonomskih kodova „Subvencije javnim preduzećima“, „Učešće u zajedničkim ulaganjima“ i „Grantovi neprofitnim organizacijama“ iz budžeta za 2006. godinu. Usvojene su i redovne odluke o otplati prispjelih rata za izmirenje duga za isporučenu električnu energiju „Fabrike vode“ d.o.o. Vitkovići u iznosima od 8.483 i 6.285 KM, dok su JP RTV BPK-a Goražde odobrena novčana sredstva u iznosu od 5.000 KM za realizaciju programa pod nazivom „Podsticaj razvoja poljoprivrede u Bosansko-podrinjskom kantonu (medijska podrška)“.

Zbog neizmirenja obaveza iz Ugovora o koncesiji, Vlada je na ovoj sjednici donijela Odluku o raskidu Ugovora o koncesijama za eksploataciju šljunka iz korita rijeke Drine na lokalitetu „Ispod mosta“ u Ustikolini zaključenog sa JKP „Izvor“ iz Ustikoline. Usvojen je i Izvještaj o utrošku sredstava u 2005. godini sa ekonomskog

koda „Subvencije javnim preduzećima“, te odobrena novčana sredstva Kantonalnom šumsko - privrednom preduzeću „Bosansko-podrinjske šume“ d.o.o Goražde u iznosu od 41.199 KM za sufinansiranje Projekta proširene biološke reprodukcije na području Bosansko-podrinjskog kantona Goražde. Davanjem saglasnosti za prijem jednog namješetnika, te Odlukom o dodjeli jednokratne novčane pomoći Sindikatu UNIS HI „Azot“ Vitkovići u iznosu od 10.000 KM, završeno je razmatranje materijala iz oblasti Ministarstva za privredu.

Uvodno obrazloženje o materijalima iz oblasti Ministarstva za obrazovanje, nauku, kulturu i sport dala je ministrica Emira Drakovac, nakon čega je Vlada donijela Odluku o odobravanju novčanih sredstava J.U. Mješovita srednja škola „Enver Pozderović“ u iznosu od 600 KM za učešće dramske sekcije ove škole na 4. Festivalu srednjoškolskog dramskog stvaralaštva BiH u Konjicu. Vlada je odobrila i novčana sredstva Općini Foča-Ustikolina u iznosu od 2.300 KM za realizaciju projekata iz oblasti kulture, te dala saglasnost Školskom odboru J.U. OMSŠ „Avdo Smailović“ iz Goražda na imenovanje Belkise Vehabović za direktora ove škole. Usvojeno je i rješenje o razrješenju Selima Imamovića člana Školskog odbora J.U. Osnovne škole „Hasan Turčalo-Brzi“ Ilovača, kao i rješenje o imenovanju Hasiba Adilovića za novog člana ovog odbora.

Vlada je odobrila redovna novčana sredstva za mjesec april: Sportskom savezu BPK-a Goražde u iznosu od 12.000 KM, JP RTV BPK Goražde u iznosu od 7.000 KM, KIC Prača Radio Prači u iznosu od 2.000 KM, kao i 6.000 KM Centru za stručnu obuku Goražde.

Članovi Vlade na ovoj sjednici razmatrali su i usvojili Izvještaj o radu Ministarstva unutrašnjih poslova BPK-a Goražde za period januar-mart 2006.godine. Data je i saglasnost ministru unutrašnjih poslova za potpisivanje Ugovora o zakupu međumjesnog telekomunikacijskog voda, dok je Uredba o izmjeni i dopuni Uredbe o utvrđivanju platnih razreda i koeficijenata za uposlenike ovog ministarstva vraćena predlagачu na doradu, uz obavezu da se ispoštuje procedura oko donošenja uredbi, te obezbijede neophodna mišljenja.

Ministar unutrašnjih poslova BPK-a Goražde Nusret Sipović dobio je saglasnost od Vlade kantona za potpisivanje ugovora o nabavci uniformi i dijelova uniformi za potrebe Jedinice za podršku Uprave policije sa firmom „Kotex“ iz Tešnja u vrijednosti od 8.424 KM, kao i za potpisivanje ugovora o nabavci dva kompleta za ronjenje za potrebe iste jedinice sa firmom „Bejuti sport“ iz Mostara u vrijednosti od 10.000 KM.

Vlada je odobrila Ministarstvu za socijalnu politiku, zdravstvo, raseljena lica i izbjeglice da sa svog ekonomskog koda „Izdaci za raseljena lica i izbjeglice (pomoć za rekonstrukciju i povratak)“, dodjeli Općini Foča-Ustikolina sredstva u iznosu od 2.000 KM za sanaciju lokalnih puteva u mjestima Jabuka- Modro Polje- Bešlići-Zbič- Kozarevići, a ista suma sredstava dodijeliće se i Općini Pale-Prača za sanaciju lokalnih puteva u mjestima Datelji-Komrani, Prača- Brdarići, Hrenovica-Vinča i Podgrab-Modrik.

Vlada je u nastavku svoje 16.redovne sjednice, dala svoju saglasnost na projekt Stručnog tima Vlade BPK-a Goražde za izradu Programa preventivne borbe protiv bolesti ovisnosti i zloupotrebe droga pod nazivom „Čuvajmo našu djecu“. JU Centar za socijalni rad dobio je, takođe, saglasnost Vlade za formiranje Savjetovališta za probleme braka, porodice, djece i adolescenata, sudjelovanje u postupcima na suzbijanju ovisnosti o alkoholu, drogama i drugim opojnim sredstvima. Savjetovalište će djelovati kao zasebna Služba- organizaciona jedinica pri JU Centar za socijalni rad BPK-a Goražde, a obavljat će savjetodavne- terapijske poslove u okviru primarne, sekundarne i tercijarne prevencije za sve populacione skupine stanovništva na području ovog kantona.

Sa ekonomskog koda „Izdaci za raseljena lica i izbjeglice“resornog ministarstva, Vlada je odobrila sredstva za sanaciju i obnovu infrastrukture u mjestima povratka u iznosu od 4.400 KM povratnicima: Edhemu Kanliću, Saitu Hasoviću, Mirsadu Musiću, Sulejmanu Oglečevcu i Avdi Plehu, dok je sredstva u sveukupnom iznosu od 16.400 KM, za ugradnju građevinskog materijala i stvaranje minimalnih uslova za stanovanje dobilo 12 povratnika .

Nakon uvodnog obrazloženja koje su dali Emina Gabela i Esad Imamović, Vlada BPK-a Goražde donijela je Odluku o usvajanju izmjena i dopuna Izvještaja Centralne popisne komisije Bosansko-podrinjskog kantona Goražde o stanju materijalnih sredstava, opreme, zaliha materijala, rezervnih dijelova, sitnog inventara, novčanih sredstava, obaveza i potraživanja sa stanjem dana 31.12.2005.godine.

Vlada je donijela Odluku o utvrđivanju osnovice za plaću i naknade za topli obrok zaposlenih lica u kantonalnim organima uprave, kantonalnim ustanovama i drugim pravnim licima koja se finansiraju iz Budžeta BPK-a Goražde za mjesec april 2006. godine, prema kojoj je osnovica za plaću u iznosu od 308 KM, (osim za zaposlene u KMUP-a čija se osnovica utvrđuje na osnovu Uredbe o utvrđivanju platnih razreda i koeficijenata za uposlenike ovog ministarstva), a naknada za topli obrok 5,2 KM po jednom radnom danu.

Razmatrajući materijale iz oblasti Ministarstva za boračka pitanja, Vlada BPK-a Goražde odobrila je novčana sredstva u iznosu od 16.450 KM za jednokratne novčane pomoći borcima i članovima njihovih porodica sa prostora ovog kantona, kao i sredstva u iznosu od 539 KM za troškove banjско-klimatskog liječenja jednog pripadnika boračke populacije u RRC „Fojnica“ u Fojnici.

U nastavku sjednice, Vlada je dala saglasnost na program obilježavanja manifestacije „Dani otpora“ i odobrila sredstva u iznosu od 13.585 KM za njegovu realizaciju. Odobreni su u redovni grantovi Općinama Foča-Ustikolina i Pale-Prača za mjesec april u iznosima od po 25.000 KM, kao i sredstva u iznosu od 2.630 eura za plaćanje članarine Bosansko-podrinjskog kantona Goražde za 2006. godinu u Asocijaciji „Skupštine evropskih regiona“, sa sjedištem u Strazburu u Francuskoj.

Vlada je odobrila 1.000 KM Srpskom građanskom vijeću –Pokret za ravnopravnost Goražde za realizaciju projekata i aktivnosti u 2006. godini, te sredstvima u iznosu od 400 KM nagradila Admira Pozderovića za osvojeno treće mjesto na

Svjetskom takmičenju inovatora u Parizu.

Na kraju sjednice, članovi Vlade BPK-a Goražde usvojili su Izvještaj kantonalnog Ministarstva za urbanizam, prostorno uređenje i zaštitu okoline o izgradnji stambeno-poslovnog objekta „Lamela-H“, te ovlastila ministra za urbanizam dipl. pravnika Vladimira Nedimovića za potpisivanje kupoprodajnih ugovora o prodaji stanova u stambeno-poslovnoj zgradi u ulici “Zdravstvenih radnika” 20-22 u Goraždu sa 21 licem, korisnicima stanova u ovoj zgradi.

Odlukom o davanju saglasnosti Službi za zajedničke poslove kantonalnih organa BPK-a Goražde za servisiranje i nabavku šest novih protivpožarnih aparata S-9, završena je 16. redovna sjednica Vlade Bosansko-podrinjskog kantona Goražde.

17. sjednica

Odobren Sporazum o obaveznom zdravstvenom osiguranju svih učenika

Premijer BPK-a Goražde, Nazif Uruči predsjedavao je 17. redovnom sjednicom Vlade Bosansko-podrinjskog kantona Goražde koja je održana 11.05.2006.godine.

Vlada je na početku sjednice, dala ovlaštenje Ministarstvu za privredu za pregovore za dodjelu koncesije na MHE „Kolina 4“ putem samoincijativne ponude, te ovlastila Premijera BPK-a Goražde da potpiše ugovore o koncesiji za MHE „Čemerica“ i MHE „Osanica 5“ sa odabranim firmama „MIMS“ iz Sarajeva i „Šeh-in“, iz Goražda.

Članovi Vlade odobrili su Udruženju građana farmera proizvođača mlijeka „Farmer“ iz Goražda 1.500 KM za redovne aktivnosti, te dali saglasnost ministru za privredu za prijem dva namještenika u Upravi za šumarstvo. Donesena je takođe, i Odluka o odobravanju sredstava za finansiranje nadzora na Projektu izgradnje obaloutvrde desne obale rijeke Drine u Goraždu, završna faza u iznosu od 4.845 KM.

Nakon uvodnog obrazloženja ministrice za obrazovanje, nauku, kulturu i sport Emire Drakovac, Vlada je dala saglasnost Premijeru BPK-a Goražde za potpisivanje Sporazuma o utvrđivanju naknade za obavezno zdravstveno osiguranje redovnih učenika osnovnih i srednjih škola koji nisu osigurani po drugom osnovu. Vlada je odobrila i novčana sredstva u iznosu od 18.050 KM za isplatu studentskih kredita za mjesec april 2006.godine, kao i sredstva u iznosu od 7.248 KM Osnovnoj školi „Mehmedalija Mak Dizdar“ u Vitkovićima za kupovinu opreme-učila. Savez za sport i rekreaciju invalida BPK-a Goražde dobio je od Vlade sredstva u iznosu od 2.000 KM za učešće na KUP- u i državnim takmičenjima, dok su sredstva u iznosu od 5.100 KM dodjeljena Sportskom savezu BPK-a Goražde za takmičenje sportista reprezentativaca koji učestvuju na međunarodnim takmičenjima. Vlada je odobrila da se iz budžeta Ministarstva za obrazovanje, nauku, kulturu i sport odvoje i novčana sredstva u iznosu od 4.000 KM za sufinansiranje projekta „Brdska trka Ustikolina

2006., kao i sredstva za troškove prijevoza i džeparca za učenike Srednje tehničke škole „Hasib Hadžović“ iz Goražda, medicinske struke- učesnike Medicinskih susreta škola Federacije BiH u Konjicu. Ovo ministarstvo će po odobrenju Vlade, Osnovnoj školi „Fahrudin Fahro Baščelija“ iz Goražda izdvojiti sredstva u iznosu od 750 KM za finansiranje projekta saradnje osnovnih škola Gornje-drinske regije, a sa 1.500 KM finansiraće i redovne aktivnosti Udruženja tehničke kulture BPK-a Goražde. Odobrena su, takođe, i sredstva Nogometnom klubu „Drina“ u iznosu od 2.000 KM za učešće na Međunarodnom takmičenju u malom nogometu na plaži u Ulcinju.

Članovi Vlade BPK-a Goražde dali su svoju saglasnost Ministarstvu za boračka pitanja na Pravilnik o postupku, uslovima i kriterijima za odobravanje jednokratne pomoći borcima i članovima njihovih porodica sa područja ovog kantona, te usvojili Odluku o odobravanju novčanih sredstava u iznosu od 5.900 KM za pomoć u radu udruženja boračkih populacija za mjesec april 2006. godine. Sa sredstvima od 750 KM Ministarstvo za boračka pitanja sufinansiralo je troškove prijevoza članova Udruženja logoraša Goražde na obilježavanje „Dana logoraša „ i „Dana pobjede nad fašizmom“ koje će se održati u Brčkom. Odobrena su novčana sredstva u iznosu od 6.900 KM na ime jednokratne pomoći dobitnicima najvećih ratnih priznanja „Zlatni ljiljan“ za isplatu hedija od po 100 KM živim i članovima porodica podshumnih dobitnika ovih najvećih ratnih priznanja, kao i sredstva u iznosu od 4.851 KM na ime naknade troškova banjско-klimatskog liječenja 9 pacijenata u RRC „Fojnica“ iz kategorije boračkih populacija.

Vlada je dala saglasnost Premijeru BPK-a Goražde za potpisivanje kupoprodajnih ugovora sa kupcima poslovnih prostora u stambeno-poslovnoj zgradi „Lamela H“ u Goraždu, te odobrila sredstva u iznosu od 1.600 KM na ime naknade za rad Stručnog tima Vlade BPK za izradu i provedbu Programa preventivne borbe protiv bolesti ovisnosti i zloupotrebe droge. Odobrena su, takođe, sredstva u ukupnom iznosu od 1.630 KM, odnosno po 10 KM za 163 člana školskih sekcija za prevenciju bolesti ovisnosti, a ove nagrade, kako je planirano, biće uručene na završnoj manifestaciji svih školskih sekcija 17.maja 2006.godine.

Za organizaciju manifestacije „Sportom protiv droge“, odnosno proljetnog krosa učenika osnovnih i srednjih škola sa područja BPK-a Goražde, koji će se održati 11.05.2006. godine, Vlada je dodijelila Sportskom savezu BPK-a Goražde sredstva u iznosu od 1.000 KM . Za učešće na Sportskim igrama zdravstvenih radnika kliničkih centara i bolnica BiH „Medicinijada 2006“ koja se održava u Neumu od 25.05.-28.05.2006. godine, Vlada je odobrila 1.000 KM kantonalnom Sindikatu radnika uposlenih u zdravstvu BPK-a Goražde, dok je na ime jednokratne pomoći Fikreti Delizaimović iz Goražda, za nabavku lijekova odobreno 300 KM.

Do kraja 17. redovne sjednice, članovi Vlade BPK-a Goražde odobrili su sredstva u iznosu od 10.000 KM Muftijstvu goraždanskom za redovne aktivnosti u 2006. godini, te dali saglasnost Ministarstvu unutrašnjih poslova da provede postupak nabavke terenskog motornog vozila i motocikla za policijsko patroliranje.

18. sjednica

Dato privremeno ovlaštenje za potpisivanje akata

Jedna tačka dnevnog reda bila je sadržaj 18. redovne sjednice Vlade Bosansko-podrinjskog kantona, održane 15.05.2006.godine, kojom je predsjedavao Premijer Nazif Uruči.

Na ovoj sjednici, usvojena je Odluka kojom se ministrica za boračka pitanja Nermana Sofović ovlašćuje za potpisivanje akata iz nadležnosti Vlade Bosansko-podrinjskog kantona Goražde u periodu od 16.05.2006. godine do 20.05.2006.godine, odnosno, za vrijeme koliko će Premijer BPK-a Goražde Nazif Uruči biti na službenom putovanju u Nizozemskoj.

19. sjednica

Usvojena Odluka o upisu učenika u prve razrede srednjih škola

Vlada Bosansko-podrinjskog kantona Goražde održala je 25.05.2006.godine svoju 19. redovnu sjednicu kojom je predsjedavao Premijer kantona Nazif Uruči.

Na početku sjednice, članovi Vlade odobrili su redovna novčana sredstva za mjesec maj 2006.godine: Sportskom savezu BPK-a Goražde – 12.000 KM; JP RTV BPK Goražde-7.000 KM; JP KIC Radio Prača -2.000 KM; Centru za stručnu obuku Goražde – 6.000 KM, kao i sredstva u iznosu od 3.340 KM za isplatu nagrada najuspješnijim učenicima i nastavnicima osnovnih i srednjih škola za školsku 2005/2006 godinu.

Vlada je usvojila Odluku o upisu učenika u prvi razred srednjih škola za školsku 2006/2007 godinu. Ovom odlukom utvrđen je broj odjeljenja u tri goraždanske srednje škole. Tako je u Mješovitoj srednjoj školi „Enver Pozderović“ predviđen upis učenika u 2 odjeljenja Gimnazije i po jedno odjeljenje za zvanja ekonomski i poljoprivredni tehničar. Srednja tehnička škola „Hasib Hadžović“ planirala je da upiše po jedno odjeljenje tehničara drumskog saobraćaja, hemijskih tehničara biotehnološkog smjera, medicinskih sestara-tehničara i arhitektonskih tehničara. Srednja stručna škola „Džemal Bijedić“ u narednoj školskoj godini upisaće učenike u prve razrede : tekstilne struke-zanimanje krojač, trgovinske struke-zanimanje prodavač, mašinske struke-zanimanje automehaničar i mašinske struke-zanimanje mašinbravar/zavarivač.

Na ovoj sjednici, Vlada je odobrila redovne grantove općinama Foča-Ustikolina i Pale-Prača u iznosima od po 25.000 KM za mjesec maj 2006.godine, te utvrdila osnovicu za plaću i naknadu za topli obrok kantonalnim budžetskim korisnicima za isti mjesec.

Usvojena je Odluka o odobravanju dodatnih novčanih sredstava za realizaciju projekta izgradnje gromobranske instalacije u zgradama u ul.Zaima Imamovića

8-10 i 18-20 u Goraždu u iznosu od 3.537 KM, kao i Odluka da se za najpovoljnijeg ponuđača za pružanje usluga izrade projektne dokumentacije za izgradnju stambeno-poslovnog objekta „Lamela H-1“ u Goraždu izabere tuzlanska firma „Modus-ing“ d.o.o.

Članovi Vlade na ovoj sjednici dali su saglasnost Općinskom sudu Goražde za raspisivanje javnog konkursa i javnog oglasa za upražnjenja tri radna mjesta u Zemljišno-knjižnom uredu, jednog sa visokom i dva sa srednjom stručnom spremom, a usvojena je i Odluka o utvrđivanju liste nominiranih kandidata za člana Upravnog odbora Federalnog zavoda za PIO/MIO od četiri člana.

Vlada je na ovoj sjednici, usvojila i Izvještaj Premijera BPK-a Goražde sa službenog putovanja u Holandiju na zasjedanje Skupštine evropskih regiona, te dala saglasnost na Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta u Kabinetu Premijera.

Na kraju sjednice, usvojena je Odluka o dodjeli novčanih sredstava privrednim i drugim subjektima koji uvedu i certificiraju sistem upravljanja kvalitetom prema međunarodnim standardima. Ovom Odlukom odobrena su sredstva u iznosu od 65.000 KM i to : UNIS Ginex d.d. Goražde - 20.000 KM; Pobjeda Rudet d.d. Goražde - 15.000 KM; Pobjeda Sport - 15.000 KM i TAG Tvornica alata d.d. Goražde – 15.000 KM.

20. sjednica

Odobrena sredstva od 50.000 KM Kantonalnoj bolnici na ime sufinansiranja Programa nabavke neophodne medicinske opreme!

Vlada BPK Goražde održala je 31.05.2006. godine svoju 20. redovnu sjednicu kojom je predsjedavao Premijer, Nazif Uruči.

Iz oblasti Ministarstva za obrazovanje, nauku, kulturu i sport Vlada je razmatrala nekoliko prijedloga o dodjeli novčanih sredstava. Tako su odobrena sredstva u iznosu od 2.390 KM Komisiji za polaganje stručnih ispita nastavnika u osnovnim i srednjim školama na području Kantona, sredstva u iznosu od 2.100 KM Sportskom savezu BPK Goražde na ime organizacije učešća učenika osnovnih i srednjih škola na finalnom takmičenju „Malih olimpijskih igara 2006“ u Vogošći i na „Atletskom mitingu – Sarajevo 2006“, te sredstva u iznosu od 500 KM Biciklističkom klubu Goražde na ime sufinansiranja „Biciklističke utrke BiH“ koja će se održati u Goraždu 10.06.2006. godine. Vlada je, takođe, donijela Odluku o odobravanju novčanih sredstava u iznosu od 10.320,40 KM Sportsko-kulturno privrednom centru Goražde na ime sanacije ulične i reflektorske rasvjete na sportskim terenima u naselju 1. Maj, te usvojila i Zaključak kojim je naložila resornom ministarstvu da započne sa aktivnostima na donošenju kantonalnog Zakona o visokom obrazovanju, kojim bi se omogućilo otvaranje odjeljenja visokoškolskih

ustanova na području našeg Kantona.

Razmatrajući materijale iz oblasti Ministarstva za privredu, Vlada je donijela Odluku o stavljanju van snage Odluke o mjerama zaštite državne imovine u privrednom društvu „Motel bazeni“ d.o.o. Vitkovići, Odluku o odobravanju novčanih sredstava u iznosu od 25.000 KM Općini Goražde na ime finansiranja projekata na području ove općine, (finansiranje projekta asfaltiranja puta na relaciji Dedova voda- Podborovići), te Odluku kojom su Hujdur Safetu odobrena novčana sredstva u iznosu od 1.000 KM za nadoknadu štete za zaklane ovce. Vlada je, dalje, donijela Odluku o pristupanju postupku za dodjelu koncesija za izgradnju i korištenje malih hidroelektrana na rijeci Prači, dok je Kantonalna komisija za koncesije na ovoj sjednici Vladi predočila Informaciju o dodijeljenim koncesijama na području kantona, a kantonalna Direkcija robnih rezervi Informaciju o nabavci i utrošku lož ulja u sezoni 2005/2006. godina.

Vlada je, na prijedlog ovog ministarstva, donijela Zaključak o davanju saglasnosti Premijeru BPK Goražde za zaključivanje Ugovora o izvođenju radova na sanaciji asfaltnih kolovoza i cestovnih objekata na regionalnim i lokalnim cestama na području BPK Goražde sa privrednim društvom „Goraždeputevi“ d.d. Goražde u vrijednosti od 189.856,30 KM, kao i Zaključak o davanju saglasnosti Premijeru BPK Goražde za zaključivanje Ugovora o izvođenju radova na redovnom održavanju i sanaciji regionalne i lokalnih cesta na području BPK Goražde sa privrednim društvom „Goraždeputevi“ d.d. Goražde u ukupnoj vrijednosti od 98.819,70 KM, te dala saglasnost ministru za privredu za službeno putovanje u inostranstvo.

Na prijedlog Ministarstva za boračka pitanja Vlada je donijela Odluku o isplati jednokratne novčane pomoći u ukupnom iznosu od 14.400 KM borcima i članovima njihovih porodica u BPK Goražde, Odluku o odobravanju novčanih sredstava u iznosu od 40.429,40 KM Općini Goražde na ime naknade za dodijeljeno zemljište i naknade za pogodnost za izgradnju stambeno-poslovnog objekta u naselju Biserna u Goraždu, te Odluku kojom su odobrena sredstva u iznosu od 3.000 KM Savezu RVI „Sinovi Drine“ Goražde na ime sufinansiranja troškova zajedničkog Projekta poboljšanja statusa boračke populacije. Udruženju „Veterana rata, zelenih beretki i patriotske lige“ BPK Goražde Vlada je odobrila sredstva u iznosu od 1.000 KM na ime pomoći u finansiranju rada ovog udruženja, a na zahtjev Organizacije porodica šehida i poginulih boraca odobrena su i sredstva u iznosu od 1.000 KM za liječenje Uglješa Arnele, djeteta šehida-poginulog borca. Na ime naknade za zdravstvenu zaštitu lica kojima je priznato svojstvo korisnika boračko-invalidske zaštite, Kantonalnom zavodu zdravstvenog osiguranja odobrena su sredstva za mjesec april u iznosu od 2.100 KM, te sredstva u ukupnom iznosu od 3.920 KM na ime plaćanja pristiglih računa za banjsko-klimatsko liječenje predstavnika boračkih populacija sa područja BPK u RRC „Fojnica“. Kao pomoć u sufinansiranju dijela troškova RVI na KUP prvenstvu u malom nogometu, Vlada je Savezu za sport i rekreaciju invalida BPK Goražde odobrila novčana sredstva u iznosu od 200KM, te je dala saglasnost Ministarstvu za boračka pitanja da izvrši popunu

jednog upražnjenog radnog mjesta.

Vlada je donijela Odluke kojima je data saglasnost Službi za zajedničke poslove kantonalnih organa uprave za izradu prilaza zgradi Vlade BPK za iznemogla i invalidna lica, te saglasnost za obilježavanje parking prostora ispred ove zgrade.

Pored Odluke o isplati novčanih sredstava Zavodu za javno zdravstvo BPK Goražde u iznosu od 7.000 KM za finansiranje troškova realizacije projekata utvrđenih posebnim programom i Odluke o isplati novčanih sredstava JZU Kantonalna bolnica Goražde u iznosu od 50.000 KM za sufinansiranje Programa nabavke neophodne medicinske opreme, Vlada je na prijedlog Ministarstva za socijalnu politiku, zdravstvo, raseljena lica i izbjeglice donijela i Odluku o isplati novčanih sredstava Kantonalnom zavodu zdravstvenog osiguranja u iznosu od 6.720 KM na ime finansiranja obaveznog zdravstvenog osiguranja socijalno ugroženih kategorija radnika sa poručja Kantona, koji ne ostvaruju prava iz radnog odnosa, a nisu zdravstveno osigurani po drugom osnovu. Vlada je, takođe, donijela Odluku o davanju saglasnosti na Program utroška sredstava iz oblasti zdravstvene zaštite, te donijela Zaključak o prihvatanju informacije ovog ministarstva o provedenoj proceduri izbora članova Upravnog odbora JZU Kantonalna bolnica Goražde.

Vlada je u nastavku sjednice, razmatrala i prijedloge Ministarstva za finansije, nakon čega je donijela dvije Odluke o preusmjeravanju sredstava u budžetima OŠ „Fadil Fako Đozo“ i u budžetu Općinskog suda u Goraždu, te Odluku o usvajanju Izvještaja o izvršenju budžeta BPK Goražde za 2005. godinu i njegovom upućivanju u skupštinsku proceduru.

Nakon razmatranja dopisa Foruma mladih BPK Goražde vezanog za implementaciju Projekta postavljanja koševa na području našeg kantona, Vlada je donijela Zaključak kojim je obavezala dva resorna ministarstva i sekretara Vlade da započnu sa potrebnim aktivnostima u cilju što brže realizacije ovog projekta.

Do kraja ove sjednice, Vlada je donijela Zaključak o usvajanju Izvještaja o radu Ministarstva unutrašnjih poslova BPK Goražde, te dala ovlaštenje direktoru Uprave za inspeksijske poslove, Midhatu Hadžiomeroviću da obavlja poslove iz nadležnosti veterinarskog inspektora do popune ovog upražnjenog radnog mjesta.

21. sjednica

Odobren program organiziranog ljetovanja djece boračkih populacija!

Vlada Bosansko-podrinjskog kantona Goražde održala je 31.05.2006.godine svoju 21. redovnu sjednicu kojom je predsjedavao Premijer, Nazif Uruči.

Na početku sjednice, nakon niza sugestija i mišljenja članova Vlade, usvojen je prijedlog Zakona o osnivanju javne ustanove Centar za stručnu obuku i dat u skupštinsku proceduru. Na prijedlog ministricе obrazovanja, nauke, kulture i sporta Emire Drakovac, Vlada je usvojila Odluku o upisu 30 učenika u pripremni

i 25 učenika u prvi razred Osnovne muzičke škole „Avdo Smailović“ za školsku 2006/2007 godinu, kao i Odluku o odobravanju novčanih sredstava u iznosu od 18.050 KM za isplatu studentskih kredita za mjesec maj 2006.godine; Odluku o odobravanju jednokratne novčane pomoći Aneli Trgo i Amri Prutina u iznosima od 1000 i 300 KM za uplatu školarine završnog semestra na Koledžu i za uplatu preostale rate školarine na Fakultetu humanističkih nauka u Mostaru, kao i Odluku o odobravanju 2000 KM Općini Goražde za organizaciju Festivala pjesme i sevdaha „Rade Jovanović“. Vlada je odobrila sredstva u iznosima od po 500 KM rock grupi „Defile zvuka“ za snimanje video spota i Lejli Hrelja za učešće na festivalu „Bihać 2006;“a odobreno je i 2400 KM učenicima generacije u školskoj 2005/2006 godini- za 7 učenika generacije osnovnih škola 2100 KM za uplatu ljetovanja u Ulcinju i 300 KM za isplatu novčane nagrade učenicima generacije srednjih škola.

Članovi Vlade BPK-a Goražde dali su svoju saglasnost Ministarstvu za boračka pitanja na Program organizovanog ljetovanja djece boračkih populacija u saradnji sa izviđačkim odredom „Igman“ iz Hadžića u Ulcinju od 02.07. do 11.07. 2006. godine, a odobreno je i po 600 KM Savezu RVI „Sinovi Drine“ i Udruženju demobilisanih boraca Armije BiH za održavanje izborne i izvještajne Skupštine.

Vlada je razmatrala i materijale iz oblasti Ministarstva za urbanizam, prostorno uređenje i zaštitu okoline i donijela Odluku o visini potrebnih prihoda za zadovoljenje stambenih potreba za treći kvartal ove godine, te odbila prigovor firme „Elektra“, d.o.o. iz Sarajeva na njenu Odluku o izboru najpovoljnijeg ponuđača za izradu projektne dokumentacije stambeno- poslovnog objekta Lamela-H 1 u Goraždu. Razmatran je i Izvještaj Komisije o provedenoj proceduri izbora kvalifikovanih ponuđača za izgradnju ovog stambeno- poslovnog objekta, te donesena Odluka o obustavljanju ovog postupka i njegovom obnavljanju jer je od četiri firme koje su dostavile svoje ponude samo jedna ispunjavala sve uslove iz Zakona o javnim nabavkama BiH.

U nastavku sjednice, članovi Vlade usvojili su Odluku o izmjeni i dopuni Programa utroška sredstava iz budžeta Ministarstva unutrašnjih poslova za ekonomski kod „Nabavka opreme“, te razmatrali prijedlog Uredbe o izmjenama i dopunama Uredbe o utvrđivanju platnih razreda i koeficijenata za uposlenike MUP-a koji se odnosi na položajni dodatak za ministra i Komesara policije ali ga nisu usvojili, već su je uputili na Skupštinsku komisiju za budžet, finansije i administrativna pitanja u čijoj je nadležnosti donošenje ovakvih i sličnih akata. Zbog tehničkih nedostataka, sa dnevnog reda Vlade povučeno je razmatranje Zaključka o davanju saglasnosti za isplatu dnevnica za službeno putovanje policijskog službenika Sade-te Odžak na seminar u Njemačkoj, u iznosu od 5.037 KM.

Na ovoj sjednici, Vlada BPK-a Goražde dala je saglasnost ministru za finansije Milenku Grujiću za popunu radnih mjesta u ovom ministarstvu za mjesta: pomoćnik ministra za finansije, šef računovodstva i stručni saradnik za informacijski sistem, dok se procedura prijema pripravnika diplomiranih ekonomista odlaže do izmjene Pravilnika o sistematizaciji radnih mjesta u ovom ministarstvu. Vlada je

usvojila takođe i zaključak po kojem se Ministarstvo za pravosuđe zadužuje za iznalaženje zakonskih mogućnosti za prijem u pripravnički status svih visokoo- obrazovanih kadrova koji se nalaze na Birou za zapošljavanje Goražde.

Na kraju 21. redovne sjednice Vlada BPK-a Goražde odobrila je Organizaci- onom odboru za obilježavanje 11.jula 1995. godine, 11. godišnjice genocida nad građanima Srebrenice „zaštićene zone UN“ i ukop idendifikovanih nastradalih osoba iz jula 1995. novčana sredstva u iznosu od 5000 KM. Razmatrana je i infor- macija Ministarstva za privredu o stavljanju van snage svih odluka vezanih za po- ništenje privatizacije HI „Azot“ koja je pravomoćnim presudama pobijena i čitav postupak okončan. Ovo ministarstvo će i dalje podržavati radnike u ostvarivanju njihovih prava, ali su nažalost, sva redovna i vanredna pravna sredstva iscrpljena kad je riječ o ovom sporu, istaknuto je ovom prilikom.

22. sjednica

Data saglasnost za potpisivanje ugovora o održavanju i sanaciji ulica

Premijer BPK-a Goražde Nazif Uruči predsjedavao je 22. redovnom sjednicom Vlade Bosansko-podrinjskog kantona Goražde koja je održana 09.06.2006.godine

Na ovoj sjednici, Vlada je dala saglasnost za potpisivanje Ugovora o redovnom održavanju puteva od kantonalnog i regionalnog značaja sa privrednim društvom „Goraždeputevi“ d. d. Goražde, te ovlastila Premijera BPK-a Goražde da zaključi Ugovor sa istom firmom o izvođenju radova na sanaciji ulica “Zaima Imamovića” i “Ruždije Islamagića” u vrijednosti od 325.448 KM. Sredstva za realizaciju ovih ugovora obezbijediće se iz budžeta Ministarstva za privredu, Direkcije za ceste.

Vlada je dala saglasnost i ministru za privredu da zaključi Ugovor sa privred- nim društvom „Saraj Inžinjeri“ d.o.o. iz Sarajeva o izradi Glavnog izvedbenog projekta mosta na rijeci Drini, lokalitet Osanica u općini Goražde, u iznosu od 28.980 KM.

Na kraju sjednice, članovi Vlade razmatrali su i usvojili Program obilježavanja manifestacije „Grebak-put života“ u Bosansko-podrinjskom kantonu za 2006. go- dinu, te odobrili troškove za realizaciju ovog programa u iznosu od 9.600 KM.

23. sjednica

Vladi neprihvaljivo bilo kakvo samovoljno preduzimanje radnji !

Na 23. redovnoj sjednici Vlade Bosansko-podrinjskog kantona Goražde, održanoj 13.06.2006.godine, razmatrana je samo jedna tačka dnevnog reda „ Informacija Nadzornog odbora „Bazne hemije“ d.d. Vitkovići o nastavku poslovnih aktivnosti u „Baznoj hemiji“ d.d. Vitkovići.“

Uvodno obrazloženje po ovoj tački dao je Premijer BPK-a Goražde Nazif Uruči, te nakon diskusije u kojoj su učestvovali svi članovi Vlade, usvojen je slijedeći Zaključak:

„Povodom Informacije Nadzornog odbora „Bazne hemije“ d.d.Vitkovići Vlada BPK-a Goražde zauzela je stav i o njemu će upoznati sve relevantne institucije.“

U dopisu koji je upućen na adresu Nadzornog odbora Bazne hemije d.d. Vitkovići stoji:

Vašim aktom broj: 01-06/06 od 08.06.2006. godine, obavijestili ste Vladu Bosansko-podrinjskog kantona Goražde o Vašoj namjeri nastavka poslovnih aktivnosti u „Baznoj hemiji“d.d. Vitkovići.

Vezano za tu Vašu informaciju, stav Vlade Bosansko-podrinjskog kantona Goražde je da ni jednom radnjom ili postupkom Vi niti bilo ko drugi ne smije dovesti do incidentnih situacija, odnosno do narušavanja javnog reda i mira, tim prije što u Vašem dopisu naglašavate da se može očekivati reakcija radnika i da postoji realna mogućnost izazivanja incidenta.

Vlada Bosansko-podrinjskog kantona Goražde smatra da je potrebno u potpunosti ispoštovati sve pravosnažne sudske presude i rješenja i kretati se u okviru zakonskih ovlaštenja, te Vas još jednom upozoravamo da bilo kakvo samovoljno preduzimanje radnji kojima bi moglo doći do narušavanja javnog reda i miru nisu prihvatljive za Vladu Bosansko-podrinjskog kantona Goražde.

Sa ovim stavom Vlade BPK-a Goražde, pored Nadzornog odbora „Bazne hemije“, upoznati su : Sindikat UNIS HI „Azota“, MUP BPK-a Goražde, Kantonalno tužilaštvo i Skupština Bosansko-podrinjskog kantona Goražde.

24. sjednica

Milion maraka kreditnih sredstava boračkoj populaciji za rješavanje stambenog pitanja!

Zbog uočenih nepravilnosti, ministrica za boračka pitanja odbila staviti svoj potpis na rang listu dobitnika stanova u Lameli-H

Vlada Bosansko-podrinjskog kantona Goražde održala je 19.06.2006.godine svoju 24. redovnu sjednicu kojom je predsjedavao Premijer, Nazif Uruči.

Razmatrajući na početku sjednice materijale iz oblasti Ministarstva za boračka pitanja, članovi Vlade usvojili su Odluku o odobravanju novčanih sredstava za rad udruženja boračkih populacija za mjesec maj 2006. godine u iznosu od 5.900 KM. Za sufinansiranje troškova zajedničkog Projekta poboljšanja statusa boračke populacije za isti mjesec odobreno je 2.400 KM, a za sufinansiranje dijela troškova „Projekta obilaska šehida i poginulih boraca“ u 2006. godini odobrena su sredstva u iznosu od 5.000 KM.

Vlada je primila k znanju Informaciju komisije za provođenje postupka izbora najpovoljnijeg ponuđača za pružanje usluga deponovanja plasmana budžetskih sredstava za dodjelu kredita borcima i članovima njihovih porodica sa prostora BPK-a Goražde za rješavanje stambenih potreba. Kao najpovoljnijeg ponuđača Komisija je izabrala Raiffeisen banku- Filijalu Goražde koja je kao iznos učešća banke u sufinansiranju ponudila 900.000 KM, te je Vlada zadužila Ministarstvo za boračka pitanja da u saradnji sa odabranim pružaocem usluga, Raiffeisen bankom –Filijala Goražde provede proceduru i sačini nacrt Ugovora o deponovanju i plasmanu budžetskih sredstava i dostavi ga na verifikaciju Premijeru kantona. Tako će, skupa sa 100.000 KM koliko je predviđeno u budžetu Ministarstva za boračka pitanja, iznos kreditnih sredstava namijenjenih rješavanju stambenih problema boraca i članova njihovih porodica u 2006. godini iznositi milion KM, što je do sada najveći iznos.

Razmatran i usvojen je, takođe, Izvještaj o utrošku sredstava za Projekt psihološke i psihosocijalne pomoći boračkih populacija sa prostora BPK-a Goražde, a na zahtjev ministrice za boračka pitanja Nermane Sofović, Vlada je razmatrala stav ministrice koja je odbila staviti svoj potpis na konačnu rang listu dobitnika stanova u zgradi za borce Lamela-H u Goraždu zbog uočenih i neotklonjenih nepravilnosti koje su imale prvostepena i drugostepena Komisija prilikom bodovanja kandidata za dodjelu stanova.

Vlada je tim povodom, zadužila ekspertnu grupu pravnika da do slijedeće sjednice Vlade, razmotri zakonsko rješenje i utvrdi šta se u ovom slučaju može poduzeti, odnosno, kakve posljedice može proizvesti odbijanje verifikacije ove liste od strane ministrice.

Članovi Vlade BPK-a Goražde u nastavku sjednice su odobrili novčana sredstva za otplatu duga za isporučenu električnu energiju „Fabrike vode“ u Vitkovićima u iznosima od 8.483 i 6.285 KM, kao i službeno putovanje u Njemačku Zaimu Žugi, referentu za telekomunikacije Ministarstva za privredu radi posjete Međunarodnom sajmu radio- tehnike i telekomunikacijske opreme.

Nacrt Zakona o policijskim službenicima Bosansko-podrinjskog kantona Goražde, nakon razmatranja, niza sugestija i primjedbi vraćen je na doradu, dok su usvojene odluke o davanju saglasnosti za nabavku opreme i Program utroška finansijskih sredstava sa ekonomskog koda „Grantovi neprofitnim organizacijama“ Ministarstva unutrašnjih poslova, na kojem je 5000 KM planirano za obilježavanje 15.jula- Dana policije BPK-a Goražde. Članovi Vlade usvojili su i Izvještaj o radu K MUP-a za mjesec maj 2006. godine u kojem je stanje sigurnosti ocijenjeno zadovoljavajućim.

Vlada BPK-a Goražde je na svojoj 24.redovnoj sjednici dala saglasnost na Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta u Ministarstvu za finansije, a izmjene se odnose na odobravanje prijema dva pripravnika diplomiranih ekonomista i jednog informatičara. Razmatran je i u skupštinsku proceduru dat Nacrt Zakona o visokom obrazova-

nju Bosansko-podrinjskog kantona Goražde. Ovaj zakon, prema riječima resorne ministrice Drakovac, neophodno je donijeti radi stvaranja zakonskih okvira za otvaranje isturenih odjeljenja visokoškolskih ustanova u BiH, a konkretno, kako bi se stvorili uslovi da se najesen u Goraždu otvori odjeljenje Ekonomskog fakulteta Univerziteta u Sarajevu. Iz budžeta Ministarstva obrazovanja, nauke, kulture i sporta, Vlada je odobrila Sportskom savezu BPK-a Goražde sredstva u iznosu od 5.000 KM za učešće sportista na ovogodišnjim MOSI igrama.

Razmatrajući materijale iz oblasti Ministarstva za socijalnu politiku, zdravstvo, raseljena lica i izbjeglice, Vlada je dala saglasnost ministru ovog ministarstva Muhamedu Hadžiću i direktorici Centra za socijalni rad Almi Delizaimović za učestvovanje na stručnom usavršavanju na dvogodišnjem postdiplomskom studiju iz oblasti socijalnog rada, te odobrila novčana sredstva u iznosu od 2.500 KM za sanaciju i obnovu infrastrukture (putne komunikacije i vodovodne mreže) u povratničom selu Novoseoce, općina Sokolac. Vlada je dala saglasnost i na Program utroška sredstava u budžetu Ministarstva za socijalnu politiku, zdravstvo, raseljena lica i izbjeglice za 2006. godinu sa ekonomskog koda „Kapitalni grant“ u iznosu od 530.000 KM. Ova sredstva će se koristiti za realizaciju nastavka projekta „Dom“, (462.300 KM); za realizaciju projekta Federalnog ministarstva zdravstva „Proširenje zdravstvenih usluga“ u okviru projekta „Jačanje zdravstvenog sektora“ (17.700 KM) i za realizaciju sufinansiranja Projekta „Opremanje Kantonalne bolnice Goražde“ (50.000 KM).

Na ovoj sjednici, Vlada je donijela odluke o dodjeli novčane pomoći udruženjima građana i to : Udruženju građana za pomoć mentalno retardiranim osobama-1.500 KM, Udruženju građana oboljelih od cerebralne dječije paralize i distrofije-1.500 KM, Udruženju građana civilnih žrtava rata-1.500 KM, Udruženju slijepih i slabovidnih građana- 1.500 KM i Udruženju građana kućne radinosti „Motiv“- 500 KM. Za provođenje Projekta sistematskog pregleda aktivnih sportista Sportskom savezu BPK-a Goražde iz budžeta Ministarstva za socijalnu politiku, zdravstvo, raseljena lica i izbjeglice, odobrena su sredstva u iznosu od 2.340 KM. Sredstva u iznosu od 800 KM odobrena su i za polaganje arhivističkog ispita za namještenike Službe za zajedničke poslove, Hadžić Admiru i Nermini Kostić.

Do kraja ove sjednice, Vlada BPK-a Goražde odobrila je 10.000 KM Fondaciji „Pravda za BiH“, 600 KM Ženskom rukometnom klubu „Goražde“ za učešće u finalu prvenstva BiH za mlade kadetkinje, 4.000 KM mjesnoj zajednici Fočanska Jabuka za izgradnju spomen obilježja, 2.000 KM Šahovskom klubu „Goražde“ za nastup na takmičenju Premijer lige BiH u šahu, te 500 KM za nabavku 10 komada knjige „Uloga JNA u agresiji na Bosnu i Hercegovinu“, za Gradsku i školske biblioteke.

25. sjednica

Regres za godišnji odmor 323 KM!

Premijer Bosansko-podrinjskog kantona Goražde Nazif Uruči predsjedavao je 25. redovnom sjednicom Vlade BPK-a Goražde koja je održana 22.06.2006.godine.

Na početku sjednice, članovi Vlade dali su saglasnost ministru za privredu da sporazumno raskine Ugovor o pružanju usluga za izradu izvedbenog projekta vi-sećeg mosta na rijeci Drini zaključenog sa privrednim društvom „Saraj Inžinje-ring“ iz Sarajeva. U obrazloženju ovog zaključka stoji da je naknadnim analizama Ministarstvo za privredu utvrdilo da se za neznatno veća sredstva može izgraditi kontinuirana laka spregnuta ili čelična konstrukcija mosta sa 30 tona nosivosti, koji bi zadovoljavao sve vrste drumskog saobraćaja što je neuporedivo sa aspekta potreba i njegove funkcije. Vlada je stoga, dala saglasnost ministru za privredu da izvrši proceduru odabira najpovoljnijeg ponuđača za izradu Glavnog izvedbenog projekta mosta na rijeci Drini u naselju Osanica, prema izmjenjenom projektnom zadatku.

Nakon uvodnog obrazloženja pomoćnika ministra za finansije Emine Gabele, Vlada BPK-a Goražde donijela je Odluku o visini regresa za godišnji odmor u iznosu od 323 KM za uposlenike Bosansko-podrinjskog kantona Goražde, što odgovara prosjeku plaće kantonalnih budžetskih korisnika za mjesec maj 2006. godine, umanjenog za 50%.

Na kraju sjednice, članovi Vlade donijeli su rješenje o imenovanju dosadašnjeg direktora Agencije za privatizaciju Huseina Bijedića, dipl. inženjera tehnologije na istu funkciju, na period od dva mjeseca.

26. sjednica

I ove godine odobrena sredstva za ljetovanje djece u Ulcinju!

Vlada Bosansko-podrinjskog kantona Goražde kojom je predsjedavao Premijer Nazif Uruči održala je 27.06.2006. godine svoju 26. redovnu sjednicu.

Na početku sjednice, nakon uvodnog obrazloženja koje je dao ministar finansija Milenko Grujić, Vlada je usvojila Dokumentat okvirnog budžeta BPK-a Goražde za period 2007-2009.godina i prosljedila ga federalnom Ministarstvu finansija. Usvojena je osnovica za obračun plaće i naknada za topli obrok za mjesec juni 2006. godine u istom iznosu kao i predhodnih mjeseci, te data saglasnost Ministarstvu finansija da u skladu sa Zakonom o državnoj službi u Federaciji BiH, putem javnog konkursa izvrši prijem dvoje diplomiranih ekonomista u svojstvu pripravnika.

Na ovoj sjednici, članovi Vlade BPK-a Goražde utvrdili su prijedlog Zakona o policijskim službenicima Bosansko-podrinjskog kantona Goražde i u skladu sa

članom 147. Poslovnika o radu Skupštine BPK-a Goražde uputili ga Skupštini na razmatranje po hitnom postupku.

Odobrena su i sredstva u visini od 2.156 KM na ime naknade troškova banjsko-klimatskog liječenja 4 pacijenta, pripadnika boračkih populacija u RRC "Fojnica", te sredstva u iznosu od 2.090 KM Zavodu zdravstvenog osiguranja na ime naknade za zdravstvenu zaštitu lica kojima je priznato svojstvo korisnika boračko-invalidske zaštite. Vlada je, takođe, odobrila i novčana sredstva u iznosu od 21.200 KM za realizaciju projekta odlaska djece boračkih populacija iz BPK na ljetovanje u Ulcinj. Ovom prilikom, zaposlenici Ministarstva za boračka pitanja Elvedini Džambegović odobreno je službeno putovanje u Crnu Goru kao licu odgovornom za odlazak, boravak i povratak djece pripadnika boračkih populacija iz BPK-a Goražde na ljetovanje u Ulcinju od 02.07. – 11.07. 2006. godine.

Vlada je dala saglasnost Kantonalnom šumsko privrednom društvu "Bosansko-podrinjske šume" d.o.o. Goražde da izvrši statusnu promjenu u skladu sa Zakonom o javnim preduzećima u Federaciji BiH, kao i saglasnost za nabavku opreme u Ministarstvu za privredu. Usvojen je i Izvještaj o provedenom postupku za izbor najpovoljnijeg ponuđača za pružanje usluga deponovanja i plasmana budžetskih sredstava za realizaciju Programa utroška sredstava "Učešće u zajedničkim ulaganjima" koje je provela Komisija Ministarstva za privredu, te data saglasnost Premijeru BPK- a Goražde da zaključi Ugovor o pružanju usluga deponovanja i plasmana budžetskih sredstava za realizaciju ovog programa sa izabranim ponuđačem-Raiffeisen bankom d.d. Goražde, u kojoj Vlada BPK-a Goražde deponuje sredstva u iznosu od 100.000 KM.

Nakon uvodnog obrazloženja direktorice kantonalne Službe za zapošljavanje Nafije Hodo, Vlada BPK-a Goražde dala je svoju saglasnost na prijedlog Programa "Javni radovi 2006." i Programa "Sufinansiranje projekata samozapošljavanja 2006-I" ove službe.

U nastavku sjednice, članovi Vlade BPK-a Goražde usvojili su Odluku o odobravanju grantova općinama Pale-Prača i Foča-Ustikolina u iznosima od po 50.000 KM za mjesec juni 2006. godine, te odobrili redovne tranše za mjesec juni RTV BPK-a Goražde u iznosu od 7.000 KM, Radio Prači- 2.000 KM; Centru za stručnu obuku-6.000 KM, te Sportskom savezu BPK-a Goražde u iznosu od 12.000 KM. Pored redovnih sredstava, Vlada je odobrila Sportskom savezu i sredstva u iznosu od 5.650 KM za pripremu nogometnog stadiona "Azot" za održavanje Sandžačkih igara, te dala saglasnost Komisiji za takmičenje 43-ih Sandžačkih igara da pokrene postupak nabavke opreme i sredstava za potrebe ovih igara.

Do kraja sjednice, Vlada BPK-a Goražde je odobrila da Ministarstvo za socijalnu politiku, zdravstvo, raseljena lica i izbjeglice iz svog budžeta izdvoji sredstva u iznosu od 3.000 KM za troškove ljetovanja djece iz socijalno ugroženih porodica u Ulcinju, a odobrena su i sredstva u iznosu od 500 KM Samiru Obarčaninu za učestvovanje na Radijskom festivalu Zenica 2006.

27. sjednica

Odobren Ugovor o izradi glavnog izvedbenog projekta mosta na rijeci Drini u Osanici!

Vlada BPK-a Goražde održala je 05.07. 2006.godine svoju 27. redovnu sjednicu, kojom je po ovlaštenju Premijera predsjedavao ministar za privredu Ferid Bučo.

Na početku sjednice, Vlada je odobrila Mljekari "Milgor" d.o.o. Goražde 10.000 KM na ime jednokratne pomoći, te dala saglasnost ministru za privredu da zaključi Ugovor o pružanju usluga izrade glavnog projekta regulacije rijeke Prače u naseljima Prača i Hrenovica sa privrednim društvom "Saraj Inžinjeri" d.o.o. Sarajevo u ukupnoj vrijednosti od 29.916,90 KM. Ministar za privredu dobio je od Vlade, takođe, saglasnost da zaključi Ugovor o pružanju usluga nadzora na izvođenju radova na sanaciji ulica "Zaima Imamovića" i "Ruždije Islamagića" sa privrednim društvom "MEDIXON" d.o.o. Sarajevo u ukupnoj vrijednosti od 9.336 KM, kao i saglasnost za potpisivanje Ugovora o pružanju usluga izrade glavnog izvedbenog projekta mosta na rijeci Drini u naselju Osanica, općina Goražde sa privrednim društvom "Saraj Inžinjeri" d.o.o. Sarajevo, u vrijednosti od 28.980, 90 KM. Sa dnevnog reda povučen je Izvještaj Direkcije za ceste Ministarstva za privredu BPK-a Goražde o aktivnostima na sanaciji puta Hrenovica – Mesići koji je vraćen predlažu na doradu.

Vlada BPK-a Goražde odobrila je na ovoj sjednici novčana sredstva u iznosu od 5.900 KM na ime pomoći za rad udruženja boračkih populacija za mjesec juni 2006. godine, te dala saglasnost ministru za boračka pitanja za potpisivanje Ugovora o izradi projektne dokumentacije za izgradnju stambeno-poslovne zgrade "Lamela H-1" u naselju Biserna Goražde sa firmom "MODUS-ING" d.o.o iz Tuzle.

Članovi Vlade donijeli su Odluku o odobravanju novčanih sredstava u iznosu od 700 KM na ime sufinansiranja dijela troškova za učešće ekipe RVI na Državnom prvenstvu u sportskom ribolovu koje će se održati u Bijaču od 01.-02.07. 2006. godine., kao i Odluku o odobravanju novčanih sredstava u iznosu od 1.000 KM za sufinansiranje dijela troškova za izgradnju spomen obilježja Hajr česme poginulim borcima Mjesne zajednice Goražde III.

Odobrena su i sredstva u iznosu od 3.234 KM za troškove banjsko-klimatskog liječenja 6 pacijenata u RRC iz kategorije boračkih populacija, kao i sredstva u iznosu od 5.000 KM povodom obilježavanja Dana uspostave Ministarstva unutrašnjih poslova BPK-a Goražde.

Vlada BPK-a Goražde odobrila je ministrima za boračka pitanja i socijalnu politiku službeno putovanje u Crnu Goru u periodu od 07.07.-09.07.2006. radi obilaska djece pripadnika boračkih populacija, djece iz socijalno ugroženih porodica i djece učenika generacije koji borave na ljetovanju u Ulcinju, dok je ministrici za obrazovanje, nauku i kulturu, te ministru za prostorno uređenje i urbanizam odobreno službeno putovanje u Srbiju, u Novi Pazar radi dogovora oko pripreme

Sandžačkih igara.

Na ovoj sjednici doneseno je i Rješenje o razrješenju Samira Džeba sa dužnosti Policijskog komesara u Ministarstvu unutrašnjih poslova BPK-a Goražde, te usvojena Odluka kojom se za vršenje dužnosti Policijskog komesara ovlašćuje Načelnik sektora uniformisane policije MUP-a Predrag Bogunić.

U nastavku sjednice, članovi Vlade odobrili su 1.500 KM Udruženju građana Yildiz BPK Goražde za učešće na manifestacijama u Bugojnu, Ilijašu i Sarajevu, sredstva u iznosu od 18.050 KM za isplatu studentskih kredita za mjesec juni 2006. godine, kao i sredstva u iznosu od 29.000 KM Preduzeću za građenje, trgovinu i usluge "Okac" za troškove izmještanja podzemnog visokonaponskog elektro kabla radi izgradnje zgrade "DOM".

Vlada je dala saglasnost OŠ "Hasan Turčalo Brzi" u Ilovači da u skladu sa Zakonom o javnim nabavkama pokrene proceduru i izvrši nabavku ogrijevnog drveta za matičnu i tri područne škole, dok je Služba za zajedničke poslove kantonalnih organa BPK-a Goražde od Vlade dobila saglasnost na Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta, kao i saglasnost za nabavku tri klima uređaja.

28. sjednica

Usvojen vanredni rebalans Budžeta BPK-a Goražde za 2006. godinu

Vlada Bosansko-podrinjskog kantona Goražde održala je 10.07. 2006. godine svoju 28. redovnu sjednicu kojom je predsjedavao Premijer Nazif Uruči.

Nakon uvodnog obrazloženja ministra za finansije Milenka Grujića i diskusije svih članova, Vlada je usvojila Odluku o izmjenama i dopunama Bužeta za 2006. godinu i uputila ga Skupštini na usvajanje. Cilj ovog vanrednog rebalansa budžeta je raspoređivanje povećanog priliva sredstava u budžet kantona, koji će se kako je odlučeno, usmjeriti za prema općinama u sastavu kantona i u projekte za koje će pristići sredstva putem donacija. Za finansiranje općina rebalansom su utvrđena sredstva u iznosu od 800.000 KM i to: po 150.000 KM za grantove općinama Foča-Ustikolina i Pale-Prača, po 150.000 KM za finansiranje projekata u ovim općinama, te 200.000 KM za projekte u općini Goražde.

Članovi Vlade BPK-a Goražde u nastavku 28. redovne sjednice odobrili su 21.744,68 KM na ime naknade za priključak električne energije na stambeno-poslovni objekat "Lamela H" u Goraždu, kao i sredstva u iznosu od 12.000 KM za obezbjeđivanje alternativnog smještaja kroz nadoknadu za šestomjesečnu kiriju za 20 korisnika koji po imovinskim zakonima i Zakonu o raseljenim osobama imaju pravo na privremeni smještaj. Odobrena je i isplata 3.400 KM Zavodu zdravstvenog osiguranja BPK-a Goražde za finansiranje obaveznog zdravstvenog osiguranja socijalno ugroženih kategorija radnika koja ne ostvaruju prava iz radnog odnosa,

za mjesec maj 2006. godine.

Nakon prijedoga koji je dao ministar za privredu Ferid Bučo, Vlada je usvojila i Odluku o utvrđivanju visine naknade za rad u upravnim i nadzornim odborima, skupštinama društava i drugim organima upravljanja u javnim preduzećima, ustanovama, zavodima i agencijama, te drugim institucijama čiji je osnivač BPK-a Goražde ili se finansiraju iz Budžeta BPK-a i vanbudžetskih fondova koje imenuje i razrješava Vlada. Naknada za rad u ovim organima utvrđuje se u iznosu od 70 KM za predsjednika i po 50 KM za članove, po održanoj sjednici.

Vlada je dala saglasnost na Program utroška finansijskih sredstava iz Budžeta Kantonalne uprave civilne zaštite za 2006. godinu sa ekonomskog koda- Nabavka opreme, te odobrila sredstva u iznosu od 700 KM za troškove prijevoza pripadnika boračkih populacija sa prostora BPK-a Goražde u Memorijalni centar u Potočarima. Na ovoj sjednici imenovana je i zvanična delegacija Bosansko-podrinjskog kantona Goražde koja će otputovati na obilježavanje 11-te godišnjice genocoida nad građanima Srebrenice.

Do kraja sjednice, članovi Vlade BPK-a Goražde usvojili su Odluku o isplati naknade za godišnji odmor sudaca i tužitelja za 2006. godinu u visini od 1.200 KM, kao i Odluku o odobravanju novčanih sredstava u iznosu od 5.000 KM Turističkoj zajednici BPK-a za sufinansiranje manifestacije "Drina-Prača, nove turističke destinacije"

29. sjednica

Odobrena sredstva za ugradnju građevinskog materijala

Redovna, 29. sjednica Vlade Bosansko-podrinjskog kantona Goražde, kojom je predsjedavao Premijer Nazif Uruči održana je 14.07.2006.godine.

Na početku sjednice, članovi Vlade dali su saglasnost na Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta u Ministarstvu za privredu BPK-a Goražde. Usvojen je Izvještaj Nadzornog organa o dosadašnjoj realizaciji ugovorenih radova na sanaciji saobraćajnica u ulici "Zaima Imamovića" i Ruždije Islamagića, te data saglasnost Premijeru BPK-a Goražde da zaključi Anex Ugovora o izvođenju radova na sanaciji ovih ulica sa privrednim društvom "Goraždeputevi" d.d. Goražde. Vlada je dala saglasnost i za plaćanje dva avansna računa ovoj firmi u iznosima od po 65.089 KM i 67.250 KM.

Na ovoj sjednici odobrena je jednokratna pomoć Sindikatu H.I. "Azot" Vitkovići u iznosu od 3.000 KM, te doneseno Rješenje o imenovanju Komisije za rješavanje o dopunskim pravima boraca i članova njihovih porodica sa prostora Bosansko-podrinjskog kantona Goražde u drugom stepenu u sastavu: Emir Pilav, predsjednik, te Emir Hodović, Melhudina Čamo, Ružica Skoko i Amir Duhović, članovi.

Vlada BPK-a Goražde odobrila je isplatu novčanih sredstava u iznosu od 50.000 KM kantonalnom Zavodu zdravstvenog osiguranja Goražde kao dio duga po Ugovoru o zajmu od 30.08.2002. godine, te sredstva u iznosu od 67.900 KM korisnicima građevinskog materijala za obnovu i rekonstrukciju stambenih jedinica na ime finansijske pomoći za njihovu ugradnju. Korisnici ovih sredstava potpisat će pojedinačne ugovore sa Ministarstvom za socijalnu politiku, zdravstvo, raseljena lica i izbjeglice kojim će se riješiti njihov status obezbjeđenjem minimalnih uslova za stanovanje.

U nastavku sjednice, članovi Vlade razmatrali su dnevni red za zasjedanje Skupštine BPK-a Goražde, te nakon uvodnog obrazloženja koje je dao Premijer BPK-a Nazif Uruči, usvojili Zaključak kojim se zadužuje Ministarstvo za obrazovanje, nauku, kulturu i sport da prilikom utvrđivanja dnevnog reda Skupštine BPK-a Goražde zatraži da se Nacrt Zakona o visokom obrazovanju koji je upućen prema Skupštini kantona u skladu sa članom 147. Poslovnika Skupštine razmatra po hitnom postupku.

Vlada BPK-a Goražde odobrila je Organizacionom odboru 43. Sandžačkih igara sredstva u iznosu od 50.000 KM za finansiranje neophodnih obaveza u pripremi ove sportske manifestacije, te odobrila upotrebu službenog kombija za prijevoz rukometašica Rukometnog kluba "Goražde" u Neum radi boravka u ljetnom kampu koji organizuje Rukometna škola "BSD" Grada Sarajeva.

Do kraja sjednice, Vlada je odobrila 1.000 KM Savezu izviđača BPK-a Goražde za nabavku izviđačkih uniformi za članove udruženja, 500 KM Mjesnoj zajednici Rešetnica-općina Goražde za svečano otvaranje puta Dedova voda-Podborovići-Rešetnica; 1.000 KM KUD-u "Polet" iz Ustikoline za redovne djelatnosti, te 1.000 KM Mjesnoj zajednici Berič-općina Goražde za uređenje prostorija mjesne zajednice.

30. sjednica

Razmatrani amandmani na Prijedlog Zakona o visokom obrazovanju

Redovna 30. sjednica Vlade BPK-a Goražde, kojom je predsjedavao Premijer Nazif Uruči održana je 17.07.2006.godine u pauzi skupštinskog zasjedanja.

Na ovoj sjednici razmatrani su Amandmani Kluba poslanika SDP-a na prijedlog Zakona o visokom obrazovanju, te donesena Odluka o prihvatanju amandmana 1., 3.,4.,5.,8.,9.,12. i 14. , dok amandmani ovog kluba 2.,6.,7.,10.,11.,13. i 15. nisu prihvaćeni.

31. sjednica

Milion KM kreditnih sredstava za rješavanje stambenih potreba boračke populacije!

Vlada Bosansko-podrinjskog kantona Goražde održala je 26.07. 2006.godine svoju 31. redovnu sjednicu kojom je predsjedavao Premijer kantona Nazif Uruči.

Razmatrajući na početku sjednice materijale iz oblasti Ministarstva za boračka pitanja, Vlada je usvojila odluke o odobravanju novčanih sredstava: za troškove prijevoza članova porodica šehida i poginulih boraca na manifestaciju "Obrana Bosne i Hercegovine_Igman 2006."u iznosu od 1.400 KM; za troškove banjsko-klimatskog liječenja 6 pripadnika boračkih populacija u RRC "Fojnica" u iznosu od 3.234 KM; za sufinansiranje troškova zajedničkog Projekta poboljšanja statusa boračkih populacija za mjesec juni 2006. u iznosu od 2.500 KM, te Odluku o isplati novčanih sredstava kantonalnom Zavodu zdravstvenog osiguranja za zdravstvenu zaštitu lica kojima je priznato svojstvo korisnika boračko-invalidske zaštite za mjesec juni 2006. godine u iznosu od 2.080 KM. Vlada je usvojila i zaključke o davanju saglasnosti Premijeru BPK-a Goražde za potpisivanje Ugovora o pružanju usluga prijevoza RVI, članova porodica šehida i zarobljenih boraca sa odabranim prijevoznikom putem otvorenog postupka, a na osnovu Zakona o javnim nabavkama, firmom ATTP "Centoprevoz" iz Goražda, kao i Zaključak o davanju saglasnosti za potpisivanje Ugovora o zajedničkoj saradnji na kreditiranju stambenih potreba boračkih populacija sa Raiffeisen bankom d.d.-filijala Goražde. Ova banka je putem otvorenog postupka ponudila 900.000 KM kreditnih sredstava pa će boračkoj populaciji, sa 100.000 KM koliko je izdvojeno za ovu namjenu u budžetu Ministarstva za boračka pitanja, za rješavanje stambene problematike biti na raspolaganju milion KM, što je do sada najveći iznos ponuđenih kreditnih sredstava.

Razmatranje materijala iz oblasti Ministarstva za boračka pitanja završeno je usvajanjem Izvještaja ministricke Nermane Sofović i uposlenice Elvedine Džambegović o službenom putu u Ulcinj.

Iz oblasti Ministarstva unutrašnjih poslova, Vlada BPK-a Goražde je na svojoj 31. redovnoj sjednici usvojila Odluku kojom se ministru ovog ministarstva daje saglasnost da sklopi Ugovor o međusobnim pravima i obavezama Federalnog ministarstva unutrašnjih poslova i Ministarstva unutrašnjih poslova BPK-a Goražde o obuci (dva kadeta sa VSS i jednog sa VŠS) osnovne policijske obuke za čin mlađeg inspektora na Policijskoj akademiji F MUP-a, u vrijednosti od 12.496,50 KM. Vlada je usvojila Izvještaj o radu MUP-a BPK-a Goražde za mjesec juni 2006. godine, Odluku o davanju saglasnosti MUP-u BPK-a da provede zakonom predviđenu proceduru popune upražnjenog radnog mjesta higijeničara u Sektoru za podršku, te primila k znanju Informaciju u vezi potpisanog Memoranduma o razumijevanju i implementaciji kampanje u borbi protiv zloupotrebe droga između MUP-a BPK-a Goražde i Policijske misije Evropske unije, za čije je provođenje ovo ministarstvo od EUPM-a dobilo sredstva u iznosu od 11.725 KM.

Vlada BPK-a Goražde na ovoj sjednici razmatrala je i Izvještaj Komisije za provođenje postupka za raspisivanje konkursa za dodjelu koncesija za eksploataciju šljunka iz korita rijeke Drine na lokalitetu "Ispod mosta" u Ustikolini, te ovlastila Premijera BPK-a Goražde da sa odabranom firmom, "Okac" d.o.o. iz Goražda potpiše Ugovor o koncesiji za eksploataciju šljunka na navedenoj lokaciji. Usvojena je, takođe, i Odluka o odobravanju novčanih sredstava za učešće u zajedničkom finansiranju Projekta izgradnje potisnog cjevovoda za vodovodni sistem Ustikoline u iznosu od 22.623 KM, a sredstva po ovoj odluci obezbijedit će se iz budžeta Ministarstva za privredu.

Članovi Vlade BPK-a Goražde usvojili su i odluke o odobravanju redovnih novčanih sredstava iz budžeta Ministarstva za obrazovanje, nauku, kulturu i sport za mjesec juli 2006. godine i to: JP RTV BPK-a Goražde-7.000 KM; Radio Prači – 2.000 KM; Centru za stručnu obuku – 6.000 KM i Sportskom savezu BPK-a Goražde – 12.000 KM. Odobrena su i sredstva JU Centar za kulturu u iznosu od 2.000 KM za plaćanje 4 broja novina "Glas Goražda" po 500 komada; 3.500 KM Općini Foča-Ustikolina za manifestaciju "Ustikoljansko ljeto 2006.," kao i 3.200 KM Općini Pale-Prača za manifestaciju "Pračansko ljeto 2006." Na ovoj sjednici, razmatran je i usvojen Izvještaj Komisije za procjenu i popis opreme Centra za stručnu obuku, kao i Odluka o odobravanju novčanih sredstava u iznosu od 1.050 KM za isplatu naknade članovima ove komisije za rad na ovom poslu.

Nakon uvodnog obrazloženja ministra za finansije Milenka Grujića, Vlada je dala saglasnost za sklapanje Anexa Ugovora o održavanju aplikacije raspodjele sredstava u BPK-a Goražde sa firmom HERA d.o.o. iz Mostara kojim se produžuje važenje Ugovora o održavanju ove aplikacije do 01.04. 2007. godine. Utvrđena je i osnovica za plaću za mjesec juli, kao i visina naknade za topli obrok u iznosu od 308 KM, odnosno 5,2 KM po jednom radnom danu.

U nastavku sjednice, članovi Vlade BPK-a Goražde usvojili su Odluku o isplati novčanih sredstava kantonalnom Zavodu za zdravstveno osiguranje na ime finansiranja obaveznog zdravstvenog osiguranja socijalno ugroženih radnika koji ne ostvaruju pravo iz radnog odnosa, a nisu zdravstveno osigurani po drugom osnovu u iznosu od 3.650 KM za mjesec juni 2006. godine, te razmatrali preporuke Komiteta za eliminaciju diskriminacije žena Bosne i Hercegovine.

Vlada je usvojila Odluku o odobravanju 25.000 KM namijenjenih za rad parlamentarnih stranaka, kao i Odluku o davanju saglasnosti za nabavku informatičke opreme u Kantonalnoj upravi civilne zaštite.

Do kraja sjednice, razmatrana su poslanička pitanja i inicijative sa 32. redovne sjednice Skupštine BPK-a Goražde, održane 17.jula 2006. godine, te na prijedlog Ministarstva za urbanizam, JP RTV BPK-a Goražde odobrena sredstva u iznosu od 5.000 KM za realizaciju projekta "Tu-oko nas"-komunalne teme.

Pod tekućim pitanjima, Vlada je razmatrala zahtjev goraždanske grupe "Zona isključenja" i odobrila im sredstva u iznosu od 1.500 KM za izdavanje prvog albuma.

32. sjednica

Muškom rukometnom klubu „Goražde“ odobreno 10.000 KM

Vlada Bosansko-podrinjskog kantona Goražde održala je 01.08.2006.godine svoju 32. redovnu sjednicu kojom je predsjedavao Premijer Nazif Uruči.

Na ovoj sjednici sa samo jednom tačkom dnevnog reda, članovi Vlade BPK-a Goražde donijeli su Odluku o odobravanju 10.000 KM Muškom rukometnom klubu „Goražde“ Goražde, a sredstva će se isplatiti iz budžeta Ministarstva za obrazovanje, nauku, kulturu i sport, sa ekonomskog koda „Grantovi neprofitnim organizacijama“.

33. sjednica

Utvrđen prijedlog Zakona o policijskim službenicima BPK-a Goražde

Na 33. redovnoj sjednici održanoj 07.08. 2006. godine, Vlada Bosansko-podrinjskog kantona Goražde utvrdila je Prijedlog Zakona o policijskim službenicima BPK-a Goražde i uputila ga Skupštini BPK-a u dalju skupštinsku proceduru. Razmatran je i usvojen Izvještaj o radu Ministarstva unutrašnjih poslova BPK-a Goražde za period januar- juni 2006. godine. Na doradu, Ministarstvu za boračka pitanja vraćen je Pravilnik o osnovama, mjerilima, kriterijima i postupcima za odobravanje kredita za rješavanje stambenih potreba boraca i članova njihovih porodica, te usvojene odluke o odobravanju novčanih sredstava: 3.234 KM za banjско-klimatsko liječenje 6 pripadnika boračkih populacija u RRC “Fojnica”; 500 KM za troškove prijevoza članova porodica šehida i poginulih boraca na manifestaciju “Odbrana Bosne i Hercegovine-Igman 2006.”; 5.900 KM za pomoć u radu udruženja boračkih populacija za mjesec juli 2006. godine, te 5.800 KM za jednokratne novčane pomoći borcima i članovima njihovih porodica sa prostora BPK-a Goražde, po Odluci koje je donijelo Ministarstvo za boračka pitanja.

Vlada je dala saglasnost Ministarstvu za obrazovanje za raspisivanje poziva za odabir najpovoljnijeg ponuđača za pružanje usluga prijevoza učenika osnovnih i srednjih škola na području BPK-a Goražde, dok je JU OŠ “Mehmedalija Mak Dizdar” iz Vitkovića dobila saglasnost za prodaju kombi-busa, a JU MSS “Enver Pozderović” iz Goražda za izvođenje radova krečenja školskih prostorija.

Članovi Vlade BPK-a Goražde usvojili su Zaključak kojim se prima k znanju Informacija Komisije za provođenje postupka izbora kvalifikovanih ponuđača u procesu prednadmetanja za izbor najpovoljnijeg ponuđača za izvođenje radova na izgradnji stambeno-poslovnog objekta “Lamela H-1” u Goraždu, te sugerise da se postupak odmah nastavi i u što kraćem roku okonča.

Nakon uvodnog obrazloženja koje je dao Premijer BPK-a Goražde, usvojena je Odluka o prihvatanju Memoranduma o razumijevanju između Međunarodnog

fonda za deminiranje i pomoć žrtvama mina (ITF) i Vlade BPK-a Goražde, kao i Odluka o odobravanju finansijskih sredstava u iznosu od 25.000 KM za realizaciju ovog memoranduma.

Donesena je i Odluka o prihvatanju najpovoljnijeg ponuđača za pružanje usluga osiguranja imovine BPK-a Goražde –osiguravajuće kuće “LIDO OSIGURANJE” iz Tuzle, te Distributivnog centra d. d. iz Goražda za pružanje usluga sukcesivne isporuke sredstava za održavanje higijene u zgradama i artikala za čajnu kuhinju, dok je zbog nedovoljnog broja ponuda otkazan postupak za izbor najpovoljnijeg ponuđača za pružanje usluga održavanja voznog parka BPK-a Goražde.

U nastavku sjednice, Vlada je donijela Rješenje o imenovanju Huseina Bijedića za direktora Agencije za privatizaciju BPK-a Goražde na period od četiri godine, te usvojila Odluku o davanju saglasnosti Upravnom odboru JU Dom za stara i iznemogla lica Goražde za imenovanje Vahida Kanlića na mjesto direktora Doma.

Članovi Vlade odobrili su grantove općinama Pale-Prača i Foča -Ustikolina za mjesec juli 2006. godine u iznosima od po 50.000 KM , te usvojili zaključke u kojima se zadužuju ove općine da pri svakom narednom podonošenju zahtjeva za odobravanje redovnih grantova iz budžeta BPK-a Goražde, dostave Izvještaj o utrošenim sredstvima iz predhodno doznačenog granta, te da blagovremeno podnesu zahtjeve Vladi BPK-a Goražde u vezi odobravanja sredstava iz budžeta kantona koja se odnose na finansiranje ili sufinansiranje projekata u ove dvije općine.

Do kraja 33. redovne sjednice, članovi Vlade BPK-a Goražde usvojili su Odluku o odobravanju sredstava Udruženju privredno-kulturna manifestacija “Dani jabuke” u iznosu od 10.000 KM za realizaciju treće po redu ove privredne manifestacije, a usvojene su i odluke o otplati prispjele rate za izmirenje duga za isporučenu električnu energiju “Fabrike vode” d.o.o. Vitkovići u iznosima od 6.285 i 8.483 KM. Vlada je donijela rješenje o razriješenju Esada Bardaka dužnosti direktora Kantonalne uprave za šumarstvo u Ministarstvu za privredu na lični zahtjev, te usvojila Odluku o davanju saglasnosti za plaćanje I (prve) privremene situacije po Ugovoru od 09.06.2006. godine privrednom društvu “ Goraždeputevi” d.d. u iznosu od 215.462 KM.

Pod tekućim pitanjima, ministar za pravosuđe, upravu i radne odnose Midhat Bašić upoznao je prisutne ministre sa aktom koje je sačinilo njegovo ministarstvo pod nazivom “Smjernice kadrovske politike uposlenih u kantonalnim organima uprave” sa prijedlogom da u roku od sedam dana dostave svoje sugestije na ponuđeni akt.

34. sjednica

Uvećane beneficije za socijalnu zaštitu!

Vlada Bosansko-podrinjskog kantona Goražde održala je 17.08.2006.godine svoju 34. redovnu sjednicu kojom je predsjedavao Premijer Nazif Uruči.

Na početku sjednice, Vlada je usvojila Odluku o dodjeli jednokratne pomoći u iznosu od 6.484 KM za rješavanje stambenih problema ratnih vojnih invalida: Sulejmana Žuge, Hasana Muminovića, Fahra Drnde i Dževada Bešlije koji su dobili po 2.016 KM, odnosno 1.226 KM. Usvojena je i Odluka o odobravanju 3.773 KM za banjisko-klimatsko liječenje 7 pacijenata, pripadnika boračkih populacija u RRC „Fojnica“; Odluka o odobravanju novčanih sredstava u iznosu od 2.500 KM za sufinansiranje troškova zajedničkog Projekta poboljšanja statusa boračke populacije za mjesec juli 2006.godine; Odluka o isplati 2.080 KM Zavodu zdravstvenog osiguranja BPK-a Goražde na ime naknade za zdravstvenu zaštitu lica kojima je priznato svojstvo korisnika boračko-invalidske zaštite za isti mjesec, kao i Odluka o odobravanju 800 KM za sufinansiranje dijela troškova za učešće ekipe RVI na III sportskim igrama koje će se održati u Gradačcu.

Vlada je nakon ovoga, usvojila pojedinačna rješenja o dodjeli stanova za 21 pripadnika boračkih populacija u novosagrađenoj zgradi „Lamela-H“ u Goraždu, te dala saglasnost ministrici za boračka pitanja da potpiše Ugovor sa firmom „Kaja-company“ d.o.o. iz Goražda o izvođenju radova na iskopu rova za polaganje elektro-kabla za priključenje objekta „Lamela-H“ na elektro-mrežu.

Shodno Ugovoru o zajedničkom udruživanju sredstava za realizaciju Projekta „DOM“, Vlada je odobrila isplatu razlike novčanih sredstava u iznosu od 8.186 KM u korist Preduzeća za građenje, trgovinu i usluge „Okac“ d.o.o. Goražde koja se odnosi na troškove izmještanja podzemnog visokonaponskog elektro-kabla radi izgradnje zgrade „DOM“.

Vlada je dala saglasnost za prodaju vozila „SCANIA“ 6x2 Truck, koja se nalazi na upotrebi kod Direkcije robnih rezervi, te odobrila isplatu novčanih sredstava u iznosu od 7.000 KM Zavodu za javno zdravstvo BPK-a Goražde. Odobrena je i isplata 2.579 KM „SAZZD & ING“-u d.o.o. Ustikolina za smještaj i boravak osamnaestoro djece u okviru realizacije Programa preventivne borbe protiv bolesti ovisnosti i zloupotrebe droge.

Sa koda „Izdaci za raseljena lica i izbjeglice“ Ministarstva za socijalnu politiku, zdravstvo, raseljena lica i izbjeglice, odlukom Vlade izdvojiće se 5.000 KM kao pomoć za sanaciju i obnovu infrastrukture (putne komunikacije) u povratničkim selima Ljubuša-Raušići-Kutle i Brda u općini Foča-Ustikolina.

Vlada je dala saglasnost na izmjenu i dopunu Programa utroška finansijskih sredstava iz Budžeta za socijalni rad BPK-a Goražde na ekonomskom kodu „Beneficije za socijalnu zaštitu“ koja se u dijelu potrebnih finansijskih sredstava od 1.750.000 KM uvećavaju na iznos od 1.878.700 KM.

Na ovoj sjednici, donesena je Odluka o ustupanju na privremeno korištenje

dvosobnog stana javnoj zdravstvenoj ustanovi Kantonalna bolnica u Goraždu za smještaj deficitarnih visokostručnih medicinskih kadrova, te usvojen Zaključak o prihvatanju inicijative Zavoda za zdravstveno osiguranje BPK-a Goražde za udruživanje sa Zavodom za zdravstveno osiguranje Kantona Sarajevo. Resorno ministarstvo je zaduženo da skupa sa Ministarstvom zdravstva i Zavoda za zdravstveno osiguranje Kantona Sarajevo pokrene potrebne zakonske procedure za realizaciju ovog zaključka, te da o tome informira Vladu BPK-a Goražde u roku od 20 dana.

Članovi Vlade BPK-a Goražde odobrili su Ministarstvu za privredu plaćanje računa u iznosima od 2.940 i 2.880 KM Privrednom društvu „Grebak“ d.o.o Goražde za sanaciju klizišta Dedova Voda-Rešetnica i Berič-Spahovići, kao i računa u iznosima od 14.790 i 19.466 KM privrednom društvu „Goraždeputevi“ d.d. za izvršene radove na redovnom održavanju makadamskog kolovoza ceste Prača-Datelj-Orahovice-Brazača i na redovnom održavanju asfaltnih cesta R 448.

Vlada je dala saglasnost Premijeru BPK-a Goražde da potpiše Ugovor o koncesiji za eksploataciju šljunka iz korita rijeke Drine na lokalitetu „Ispod mosta“ u Ustikolini, općina Foča –Ustikolina sa preduzećem „Okac“ d.o.o Goražde, dok je ministar za privredu dobio saglasnost za raspisivanje javnog oglasa na upražnjeno radno mjesto direktora u kantonalnoj Upravi za šumarstvo. Usvojena je i Odluka o davanju saglasnosti na Izmjene i dopune programa za korišćenje sredstava na ekonomskom kodu „Učešće u zajedničkim ulaganjima“ iz budžeta Ministarstva za privredu BPK-a Goražde za 2006. godinu, gdje se iznos od 28.000 KM za otplatu kredita zamjenjuje sa iznosom od 50.000 KM. Ministarstvo za privredu dobilo je od Vlade, takođe, saglasnost da zaključi Ugovor o pružanju usluga geološkogeomehaničkih radova na izgradnji mosta na rijeci Drini u naselju Osanica, općina Goražde, sa privrednim društvom „PIGIP“ d.o.o iz Sarajeva, čija je ukupna vrijednost 12.580 KM.

Vlada BPK-a Goražde na svojoj 34. redovnoj sjednici usvojila je Izvještaj Ministarstva unutrašnjih poslova za mjesec juli 2006. godine, a razmatrajući materijale iz oblasti ovog ministarstva usvojila slijedeće odluke: Odluku o potpisivanju anex-a Ugovora o isporuci registarskih tablica i obrazaca saobraćajnih dozvola sa Federalanim MUP-om Sarajevo, za što je potrebno dodatno izdvojiti 550 KM, Odluku o davanju saglasnosti KMUP-u Goražde za sklapanje Ugovora o nabavci robe-panel testova za drogu sa preduzećem „SHOT“ d.o.o. iz Zenice, čija je vrijednost 5.936 KM, Odluku o davanju saglasnosti za nabavku odjeće i obuće za potrebe Uprave policije MUP-a BPK-a Goražde, kao i Odluku o davanju saglasnosti za potpisivanje Ugovora o isporuci naftnih derivata putem benzinskih stanica, sa firmom „Energoinvest“-Energopetrol d.j.l. Sarajevo za potrebe Policijske stanice u općini Pale-Prača.

Članovi Vlade BPK-a Goražde primili su k znanju Informaciju MUP-a BPK-a Goražde o potrebi prijema novih kadrova, te dali saglasnost ministru unutrašnjih poslova da u skladu sa važećim zakonskim propisima dodatno pošalje na školovanje na Policijsku akademiju u Sarajevo 2 kandidata sa visokom stručnom spremom

i 3 kandidata sa srednjom stručnom spremom.

Na ovoj sjednici, usvojena je Odluka o finansiranju troškova prijevoza za redovne učenike osnovnih škola u 100 % iznosu, kao i Odluka o sufinansiranju troškova prijevoza za redovne učenike srednjih škola i učenika Osnovne muzičke škole „Avdo Smailović“ sa područja Bosansko-podrinjskog kantona Goražde na svim registrovanim općinskim linijama dužim od 4 kilometra u iznosu od 50 %. Prema ovoj Odluci Vlade, prijevoz za učenike srednjih škola, te OMSŠ „Avdo Smailović“ za djecu šehida, poginulih i nestalih boraca, RVI sa najmanje 70% invalidnosti, porodice čija primanja po članu domaćinstva nisu veće od 100 KM, neuposlene demobilisane borce i šticićenike Centra za socijalni rad finansirat će se u 100 % iznosu.

Vlada je odobrila JU OŠ „Mehmedalija Mak Dizdar“ sredstva u iznosu od 2.420 KM za nabavku 60 m³ ogrijevnog drveta, kao i sredstva u iznosu od 4.497 KM za opremanje kabineta tehničkog odgoja. Odobrena su i sredstva u iznosu od 18.050 KM za isplatu studentskih kredita za mjesec juli 2006.godine, te data saglasnost Kantonalnoj Upravi za inspekcijske poslove za raspisivanje konkursa za popunu upražnjenih radnih mjesta: inspektora rada, veterinarskog inspektora i stručnog saradnika za upravno-pravne poslove.

Nakon uvodnog obrazloženja koje je dao ministar za pravosuđe Midhat Bašić, Vlada BPK-a Goražde donijela je Zaključak po kome zbog nedostatka budžetskih sredstava nije prihvatljiva polazna osnova za obračun plaća za sve državne službenike i namještenike u organima državne službe, na svim nivoima vlasti, u iznosu od minimalno 60% od prosječne plaće u Federaciji BiH prema posljednjem objavljenom statističkom podatku, a koja je predložena zaključcima Samostalnog sindikata državnih službenika i namještenika u organima državne službe, sudskoj vlasti i javnim ustanovama u FBiH u pregovorima sa Vladom Federacije i vladama kantona vođenim u aprilu ove godine.

U ovom zaključku konstatovano je takođe, da polazna osnova za obračun plaće za sve državne službenike i namještenike u BPK-a Goražde iznosi 308 KM. U skladu sa pomenutim zaključcima Sindikata, ministar za pravosuđe, upravu i radne odnose Midhat Bašić dobio je ovlaštenje da u ime Vlade Bosansko-podrinjskog kantona Goražde učestvuje u pregovorima o ugovaranju polazne osnove za obračun plaća, te da o svom učešću u pregovorima redovno izvještava Vladu kantona.

U nastavku 34. redovne sjednice, članovi Vlade BPK-a Goražde razmatrali su odgovore na poslanička pitanja i inicijative. Usvojena je, takođe, Odluka o odbijanju prigovora Sarajevo-Osiguranja d.d. podružnice Goražde na Odluku Vlade od 07.08.2006.godine na osnovu koje je izabran najpovoljniji ponuđač za osiguranje imovine BPK-a Goražde, a do kraja sjednice usvojene su odluke o odobravanju novčanih sredstava: za rad parlamentarnih stranaka u iznosu od 25.000 KM, 1.000 KM za učešće Bošnjačko-planinarskog društva „Maglić-Goražde“ na manifestaciji Dan planinara koja će se održati na planini Pogorelica od 18.08. do 20.08. 2006. godine, te 2.000 KM Omladinskom kulturnom centru Goražde za realizaciju Projek-

ta odlaska djece u posjetu Turskoj i 1.000 KM Savjetu potrošača BPK-a Goražde sa sufinansiranjem Projekta „Edukacija volontera za zaštitu potrošača.“

35. sjednica

„Hidrogradnja“ iz Sarajeva gradiće most na rijeci Drini u Osanici!

Vlada Bosansko-podrinjskog kantona Goražde održala je 25.08.2006.godine svoju 35. redovnu sjednicu kojom je, po ovlaštenju Premijera, predsjedavao ministar Ferid Bučo.

Na ovoj sjednici utvrđen je prijedlog Odluke o davanju saglasnosti Premijeru Bosansko-podrinjskog kantona Goražde da zaključi Ugovor o izvođenju radova na izgradnji mosta na rijeci Drini u naselju Osanica, općina Goražde, sa privrednim društvom „Hidrogradnja“ d.d. Sarajevo, ukupne vrijednosti 1.236.645 KM, koji je upućen u dalju skupštinsku proceduru.

Na istoj sjednici, nakon uvodnog obrazloženja ministra Ferida Buča, utvrđen je prijedlog Odluke o izmjenama i dopunama Budžeta Bosansko-podrinjskog kantona Goražde za 2006. godinu, koji je, takođe, upućen Skupštini BPK-a Goražde u dalju proceduru.

36. sjednica

Vlada BPK-a Goražde sufinansira troškove izgradnje porodične ambulante u Mujkovića polju, općina Goražde

Vlada Bosansko-podrinjskog kantona Goražde, kojom je predsjedavao Nazif Uruči, održala je 25.08.2006.godine svoju 36. redovnu sjednicu.

Na početku sjednice, Vlada je na prijedlog ministrice za boračka pitanja Nermane Sofović, usvojila Pravilnik o osnovama, mjerilima, kriterijima i postupcima za odobravanje kredita za rješavanje stambenih potreba boraca i članova njihovih porodica BPK-a Goražde, te dala saglasnost Premijeru BPK-a Goražde da potpiše ugovore o kupoprodaji stanova i ugovore o poklonu stanova u stambeno-poslovnim objektima „Lamela-H“ u Goraždu sa pripadnicima boračke populacije, dodjeljenih rješenjima Vlade od 18.08.2006.godine. Premijer je od Vlade dobio saglasnost i za potpisivanje Ugovora sa JU RRC „Reumal“ iz Fojnice, Zdravstvenom ustanovom- lječilištem „BANJA-TERME-ILIDŽA“ iz Ilidže i JZU BRC „AQUATERM“ iz Olova o pružanju usluga medicinske rehabilitacije, koji su izabrani nakon provedenog postupka u skladu sa Zakonom o javnim nabavkama. Donesen je, takođe, i zaključak da se pored pripadnika boračkih populacija u konačan tekst Ugovora za banjско-klimatsko liječenje uključe i civilne žrtve rata i invalidna lica.

Vlada je odobrila novčana sredstva u iznosu od 6.347 KM za isplatu šehid-

skih nišana porodicama šehida koje podigle nišane o vlastitom trošku u skladu sa Projektom jedinstvenog nišana bosanskom šehidu. Sredstva će se isplatiti za 11 porodica šehida po cijeni od 577 KM za jedan par šehidskih nišana, a na osnovu ugovorene cijene iz Ugovora o ustupanju radova na izradi i ugradnji šehidskih nišana za 2005.godinu. Odobrena su i novčana u iznosu od 8.000 KM za finansiranje dijela troškova Projekta psihološke i psihosocijalne pomoći boračkih populacija sa prostora BPK Goražde, kao i sredstva u iznosu od 8.450 KM za jednokratne novčane pomoći borcima i članovima njihovih porodica sa prostora Bosansko – podrinjskog kantona Goražde za drugi krug raspodjele od 50 korisnika.

Članovi Vlade usvojili su i Odluku o davanju saglasnosti Ministarstvu za privredu na Program utroška sredstava sa kriterijima raspodjele «Subvencije za poljoprivredu» utvrđenih Budžetom Bosansko – podrinjskog kantona Goražde za 2006.godinu, a planirana sredstva za realizaciju ovog programa su 250.000 KM umjesto dosadašnjih 150.000 KM.

Na ovoj sjednici, usvojen je Izvještaj o utrošku sredstava u iznosu od 10.000 KM koja su prema odluci Vlade od 05.07.2006.godine, dodijeljena mljekari „Milgor „ iz Goražda.

Na prijedlog Ministarstva za privredu usvojeni su, takođe, projekti sanacije i modernizacije lokalnih puteva i ulica na području općine Goražde, kao i puteva za raseljena lica na području Gornje-drinske regije.

Vlada je dala saglasnost Ministarstvu za obrazovanje, nauku, kulturu i sport na Izmjene i dopune Programa utroška sredstava iz budžeta ovog ministarstva sa ekonomskih kodova „Izdaci za kulturu „ i „Izdaci za informisanje.“ Nakon izmjene i dopune ovih programa, odobrena su sredstva Općini Goražde u iznosu od 15.000 KM za internacionalnu manifestaciju „Festival prijateljstva Goražde 2006.“, te data saglasnost JP RTV BPK-a Goražde i Radio Prači da izvrše nabavku najprioritetnije opreme za emitovanje programa (kamera, video, mikseta, mikrofoni, slušalice), u iznosima od 28.000 KM, odnosno, 2000 KM. Vlada BPK-a Goražde dala je saglasnost JU O.Š. «Fadil Fako Đozo» Prača za sanaciju krova, snjegobrana i gromobrana na školskom objektu i fiskulturnoj sali; JU O.Š. «Mehmedalija Mak Dizdar» Vitkovići data je saglasnost za izvođenje građevinskih radova na objektu područne škole u Bogušićima, a JU STŠ «Hasib Hadžović» Goražde da izvrši molerske radove unutrašnjih školskih prostorija. Odobrene su i redovne tranše za mjesec august : 12.000 KM Sportskom savezu BPK-a Goražde, 7.000 KM J.P.RTV BPK-a Goražde, 6 .000 KM Centru za stručnu obuku i 2.000 KM J.P. Kulturno-informativnom centru Prača-Radio Prača. Sredstva u iznosu od 60.000 KM odobrena su Organizacionom odboru 43. Sandžačkih igara za finansiranje neophodnih obaveza nastalih u pripremi i održavanju ove sportske manifestacije.

Nakon uvodnog obrazloženja resornog ministra Muhameda Hadžića, Vlada BPK-a Goražde usvojila je Odluku o učešću Vlade Bosansko – podrinjskog kantona Goražde u sufinansiranju izgradnje ambulante porodične/obiteljske medicine u naselju Mujković polje – MZ I – Općina Goražde, u iznosu 25.000 KM. Sa

ovim sredstvima, kao i sredstvima koje je za ovu namjenu u iznosu od 75.000 KM odobrilo federalno Ministarstvo zdravstva, može se započeti gradnja ove porodične ambulante od izuzetne važnosti za stanovnike Mujković polja, koji nemaju adekvatan pristup zdravstvenoj zaštiti jer je najbliža ambulanta od ovog naselja udaljena oko tri kilometra. Za izgradnju objekta potrebno je obezbijediti 180.000-200.000 KM, a za njegovo opremanje, prema standardima Svjetske zdravstvene organizacije oko 150.000 KM.

Vlada je odobrila isplatu novčanih sredstava u iznosu 3.650 KM u korist Zavoda za zdravstveno osiguranje Bosansko – podrinjskog kantona Goražde, na ime finansiranja obaveznog zdravstvenog osiguranja socijalno ugroženih kategorija radnika sa prebivalištem na području Kantona, koji ne ostvaruju prava iz radnog odnosa, a nisu zdravstveno osigurani po drugom osnovu, te usvojila odluku kojom je data saglasnost za raspisivanje konkursa radi popune upražnjenog radnog mjesta u Ministarstvu za socijalnu politiku, zdravstvo, raseljena lica i izbjeglice Bosansko – podrinjskog kantona Goražde.

U nastavku sjednice, usvojeno je rješenje o razrješenju predsjednika i članova Upravnog odbora JZU Kantonalna bolnica Goražde i doneseno rješenje o njihovom ponovnom imenovanju na period od 60 dana, odnosno do konačnog imenovanja u skladu sa Zakonom. Usvojeno je i rješenje o razrješenju člana Upravnog odbora J.U. «Dom za stara i iznemogla lica» Goražde Vahida Kanlića, na lični zahtjev zbog sukoba interesa.

Svojom odlukom, Vlada Bosansko- podrinjskog kantona Goražde odobrila je grantove u iznosu od po 45.000 KM općinama u sastavu Bosansko-podrinjskog kantona: Općini Foča-Ustikolina i Općini Pale-Prača za mjesec august 2006.godine.

Članovi Vlade odobrili su 2.500 KM Muškom rukometnom klubu «Goražde» Goražde, za organizaciju Memorijalnog rukometnog turnira «Mirsad Hurić», 1.500 KM Fudbalskom klubu «Goražde» Goražde, za organizaciju Danske škole fudbala, 1.000 KM Opštinskom udruženju antifašizma i boraca Narodno-oslobodilačkog rata Goražde za redovne aktivnosti, te 2.000 KM Bošnjačkoj ligi Pokret za ravnopravnost – Sarajevo, u svrhu istraživanja i dokumentovanja činjenica o zločinima i genocida nad Bošnjacima.

Na kraju svoje 36. redovne sjednice Vlada BPK-a Goražde dala je saglasnost Općinskom sudu Goražde da u skladu sa Zakonom o javnim nabavkama može izvršiti nabavku opreme – radijatora ,kao i njihovu ugradnju, a čija vrijednost ne prelazi iznos od 10.000 KM.

Nakon uvodnog obrazloženja koje je dao ministar Nusret Sipović, Vlada je usvojila rješenje u kojem se Edib Bičo, dipl. kriminalist imenuje za Policijskog komesara u Ministarstvu unutrašnjih poslova Bosansko – podrinjskog kantona Goražde.

37. sjednica

Data saglasnost za realizaciju nastavnih aktivnosti dislocirane nastave u Goraždu

Vlada Bosansko - podrinjskog kantona Goražde održala je 30.08.2006.godine svoju 37.redovnu sjednicu, kojom je predsjedavao Premijer BPK-a Goražde Nazif Uruči.

Na ovoj sjednici data je saglasnost Premijeru Bosansko – podrinjskog kantona Goražde za potpisivanje Generalnog ugovora o realizaciji nastavnih aktivnosti dislocirane nastave u Goraždu i Ugovora o izvođenju dislocirane nastave u Goraždu sa Ekonomskim fakultetom u Sarajevu – Univerzitet u Sarajevu.

S tim u vezi, Ministarstvo za urbanizam, prostorno uređenje i zaštitu okoline zaduženo je da sačini predmjer potrebnih radova za sanaciju školskih prostora u kojima će se izvoditi dislocirana nastava Ekonomskog fakulteta u prostorijama Mješovite srednje škole «Enver Pozderović» u Goraždu, a Ministarstvo za obrazovanje, nauku, kulturu i sport da u dobijanju potrebne dokumentacije odmah pokrene aktivnosti za sanaciju navedenih prostora uz poštivanje odredbi Zakona o javnim nabavkama BiH.

38. sjednica

Mješovita srednja škola “Enver Pozderović” dobila saglasnost za novi upis učenika u I razred

Vlada Bosansko - podrinjskog kantona Goražde održala je 31.08.2006. godine svoju 38. redovnu sjednicu kojom je predsjedavao Premijer BPK-a Goražde Nazif Uruči.

Nakon uvodnog obrazloženja Premijera, Vlada je dala saglasnost Školskom odboru JU MSŠ «Enver Pozderović» Goražde za upis učenika u I razred koji ispunjavaju uslove upisa po općim kriterijima upisa, a koji nisu položili ispit do maksimalnog broja učenika u odjeljenju po pedagoškim standardima.

Na sjednici je data saglasnost i Vladi Bosansko – podrinjskog kantona Goražde za nabavku osnovnih sredstava:projektor sa dodatnom opremom i digitalnog foto-aparata.

39. sjednica

Data saglasnost za nabavku besplatnih udžbenika učenicima socijalno ugroženih kategorija

Vlada Bosansko-podrinjskog kantona Goražde održala je 05.09.2006.godine svoju 39. redovnu sjednicu na kojoj su razmatrane tri tačke dnevnog reda.

Na ovoj sjednici, usvojena je Odluka o kupovini 565 m² zemljišta za potrebe izgradnje mosta na rijeci Drini u naselju Osanica, općina Goražde, vlasništvo Meha Šumana. Kupovina zemljišta sa voćnim zasadom izvršiće se za ukupnu cijenu od 6.836 KM, a Premijer BPK-a Goražde je ovlašten za potpisivanje Ugovora o kupoprodaji nekretnina kojim će se bliže regulisati uslov i način plaćanja kao i međusobne obaveze ugovorenih strana.

Vlada je usvojila i Odluku o davanju saglasnosti osnovnim školama za nabavku udžbenika učenicima socijalno ugroženih kategorija u iznosu od 50 KM po učniku i to:

1. OŠ „Fahrudin Fahro Baščelija“ za 58 učenika
2. OŠ „Husein ef. Đozo“ za 56 učenika
3. OŠ „Mehmedalija Mak Dizdar“ za 30 učenika
4. OŠ „Hasan Turčalo Brzi „ za 18 učenika
5. OŠ „Fadil Fako Đozo“ za 18 učenika
6. OŠ „Ustikolina“ Ustikolina za 20 učenika.

40. sjednica

Usvojen Projekt utroška sredstava za ublažavanje posljedica uvođenja PDV-a

Vlada Bosansko - podrinjskog kantona Goražde održala je 08.09.2006. godine svoju 40. redovnu sjednicu kojom je predsjedavao Premijer Nazif Uruči.

Nakon uvodnog obrazloženja ministricе Nermane Sofović, Vlada je na početku ove sjednice, usvojila Odluku kojom se odobravaju novčana sredstva u iznosu od 1.500 KM za liječenje: Šero Muniba, mirnodopskog 80% RVI, Safeta Garčevića, demobilisanog borca i Šemsa Ferhatovića, 90 % RVI .

Vlada je dala saglasnost ministrici za boračka pitanja Bosansko – podrinjskog kantona Goražde za potpisivanje Sporazuma o realizaciji Projekta izgradnje i uređenja mezarja «Kolijevke» i «Potrkuša» u Bosansko – podrinjskom kantonu Goražde sa Fondom Kantona Sarajevo za izgradnju i očuvanje grobalja šehida i poginulih boraca, kao i saglasnost na Program o izmjenama i dopunama Programa utroška sredstava sa koda « Izdaci za kategorije boračkih populacija» utvrđenih Budžetom Bosansko – podrinjskog kantona Goražde za 2006.godinu.

Tako se u ovom programu planirana sredstva za banjско-klimatsko liječenje

od 80.000 KM smanjuju na 65.000 KM, a planirana sredstva za pomoć u slučaju smrti od 30.000 smanjuju se na 15.000. Rebalansom budžeta dodaje se nova tačka pod nazivom "Jednokratne bespovratne pomoći za stambeno zbrinjavanje boračkih populacija", na kojoj su planirana sredstva od 130.000 KM. Ukupna vrijednost pregleda raspodjele sredstava u ovom programu mijenja se i glasi 700.000 KM.

Vlada je odobrila novčana sredstva u iznosu od 2.500 KM na ime sufinansiranja troškova zajedničkog Projekta poboljšanja statusa boračke populacije za mjesec august 2006.godine, a prijedlog Zaključka o davanju saglasnosti Plakalo Behudin, kupcu poslovnog prostora iz Ugovora o kupoprodaji broj: 03-14-914/06 od 15.05.2006.godine, o ustupanju poslovnog prostora drugom licu, vratila predlagачu, Ministarstvu za boračka pitanja Bosansko – podrinjskog kantona Goražde, na doradu. U cilju rješavanja ovog pitanja, potrebno je da Ministarstvo za boračka pitanja Bosansko – podrinjskog kantona Goražde sačini Aneks Ugovora kojim će se precizirati:

- *da se poslovni prostor može ustupiti samo licu iz kategorije boračkih populacija;*
- *da se ispoštuju uslovi iz Biznis plana, osim u dijelu koji se odnosi na djelatnost i koja mora biti proizvodnog karaktera;*
- *da rok ustupanja poslovnog prostora ne može biti duži od 2 (dvije) godine.*

Članovi Vlade odobrili su novčana sredstva u iznosu od 4.851 KM za naknadu troškova banjsko-klimatskog liječenja 9 pacijenta, pripadnika boračkih populacija u RRC "Fojnica", kao i sredstva u iznosu od 4.774 KM za troškove banjsko-klimatskog liječenja još 9 pacijenta u istom medicinsko-rehabilitacionom centru. Usvojena je takođe, i Odluka o odobravanju novčanih sredstva u iznosu od 5.900 KM za rad udruženja boračkih populacija za mjesec august 2006.godine, a odobreno je i 400 KM za finansiranje troškova obilježavanja godišnjice stradalih u helikopterskoj nesreći na dan 22.08.2006.godine u mjestu Bare općina Prača.

Nakon uvodnog obrazloženja ministra za unutrašnje poslove Nusreta Sipovića, Vlada BPK-a Goražde dala je saglasnost za sklapanje Ugovora o nabavci terenskog motornog vozila za potrebe Uprave policije Ministarstva unutrašnjih poslova Bosansko – podrinjskog kantona Goražde, između: Ministarstva unutrašnjih poslova Bosansko – podrinjskog kantona Goražde i «Autocentra BiH» d.o.o. podružnica Zenica iz Zenice. Ukupna vrijednost ugovora je 22.732,98 KM sa uračunatim PDV-om. Članovi Vlade dali su, takođe, saglasnost ministru unutrašnjih poslova Bosansko – podrinjskog kantona Goražde da u ime ovog ministarstva potpiše Aneks Ugovora o međusobnim pravima i obavezama Federalnog ministarstva unutrašnjih poslova i Ministarstva unutrašnjih poslova Bosansko – podrinjskog kantona Goražde, o obuci kadeta osnovne policijske obuke za čin mlađi inspektor na Policijskoj akademiji F MUP-a.

Vlada je odobrila novčana sredstva u iznosu od 2.000 KM Udruženju tehničke

kulture Bosansko-podrinjskog kantona Goražde za finansiranje redovne djelatnosti, kao i novčana sredstva JP Sportsko-kulturno privrednom centru Goražde u iznosima od 8.125,87 KM i 10.091,84 KM za sanaciju sportskih terena za potrebe održavanja "43. Sandžačkih igara Goražde 2006".

Na ovoj sjednici, Vlada BPK-a Goražde usvojila je Pravilnik o osnovama, mjerilima, kriterijima i postupcima osiguranja školskih udžbenika za učenike osnovnih škola na prostoru Bosansko – podrinjskog kantona Goražde, te dala saglasnost JU OŠ "Mehmedalija Mak Dizdar" Vitkovići za nabavku kombi-busa, a ministrici za obrazovanje, nauku, kulturu i sport Bosansko – podrinjskog kantona Goražde za potpisivanje Ugovora o poslovnoj saradnji sa JU Zavod za javno zdravstvo Bosansko – podrinjskog kantona Goražde za obavljanje zdravstvenih pregleda uposlenika u obrazovnim ustanovama radi spriječavanja zaraznih bolesti.

Usvojen je i Izvještaj Službe za zajedničke poslove kantonalnih organa Bosansko – podrinjskog kantona Goražde o realizaciji Projekta izgradnje prilazne rampe za invalidna lica na zgradi Bosansko – podrinjskog kantona Goražde, kao i Odluka o davanju saglasnosti na ustupanje kotlovnice u ulici "M. Tita" br. 13 u Goraždu, Službi za zapošljavanje Bosansko – podrinjskog kantona Goražde, na određeno vrijeme u trajanju od 2 (dvije) godine.

Nakon uvodnog obrazloženja ministra za socijalnu politiku, zdravstvo, raseljena lica i izbjeglice Muhameda Hadžića, Vlada je odobrila isplatu 10.000 KM na ime polovine sredstava planiranih za 2006.godinu za učešće u sufinansiranju građevinskih radova za ambulante obiteljske medicine kroz HSEP. Ukupno učešće Vlade Bosansko – podrinjskog kantona Goražde za period 2005-2009 godina iznosi 82.440 KM.

Usvojen je, takođe, i Projekt utroška sredstava za 2006.godinu na ime ublažavanja posljedica uvođenja PDV-a koja su od Ministarstva za rad i socijalnu politiku Federacije BiH usmjerena za pomoć i podršku korisnicima stalne novčane pomoći i dječijeg doplatka u iznosu od 10 KM po članu porodičnog domaćinstva za korisnike ovog prava. Ovaj projekt će se realizovati u 2006.godini počev sa mjesecom septembrom, a sredstva isplaćivati na osnovu Odluka na koje će saglasnost dati Vlada Bosansko – podrinjskog kantona Goražde, uz predočene spiskove korisnika ove subvencije.

Vlada je dala saglasnost ministru za privredu da izvrši plaćanje računa broj: 130-03/06 od 28.07.2006.godine u iznosu od 2.890 KM po Ugovoru zaključenim sa privrednim društvom «Kaja company» d.o.o. Goražde i računa broj: 3008/26 R, ispostavljenog od firme «AET-ELECTRONIC» Sarajevo u iznosu od 1.450,80 KM, za servisiranje i opravku FM predajnika. Sindikatu UNIS HI "AZOT" Vitkovići Vlada je odobrila jednokratnu novčanu pomoć u iznosu od 3.000 KM za obilazak radnika i njihovih porodica koji su bolesni ili imali smrtni slučaj i za obezbjeđenje paketa sa hranom za najugroženije. Data je saglasnost i Direkciji robnih rezervi Bosansko – podrinjskog kantona Goražde da nabavi robe za robne rezerve u vrijednosti od 15.000 KM

Članovi Vlade BPK-a Goražde primili su k znanju Informaciju o dosadašnjem radu na realizaciji Projekta «Vodovod Goražde», koju su sačinili Ministarstvo za privredu i Ministarstvo za urbanizam, prostorno uređenje i zaštitu okoline Bosansko – podrinjskog kantona Goražde. Navedena Informacija poslužit će kao osnov za izradu cjelovitog Izvještaja koji će sačiniti ova dva ministarstva, u suradnji sa Ministarstvom za finansije i Ministarstvom za pravosuđe, upravu i radne odnose Bosansko – podrinjskog kantona Goražde.

Na ovoj sjednici, ministar privrede Ferid Bučo upoznao je prisutne sa inicijativom da se izvrši elektrifikacija područja Vražalice i turističko industrijskog područja “Bijele vode” koje bi izvršila “Elektroprivreda” BiH, uz podršku Federalnog ministarstva industrije i energetike, te je zaključeno da se u tom smislu može uputiti pismo namjere Vlade BPK-a Goražde o podržavanju ovog projekta.

Vlada je razmatrala poslanička pitanja i inicijative sa 33. redovne sjednice Skupštine Bosansko – podrinjskog kantona Goražde, te zadužila ministarstva da u okviru svojih nadležnosti daju odgovore na postavljena pitanja i u što kraćem roku dostave ih sekretaru Vlade Bosansko – podrinjskog kantona Goražde.

Do kraja 40. redovne sjednice, Vlada BPK-a Goražde usvojila je odluke o odobravanju novčanih sredstava u iznosu od po 880 KM Vladimiru Nedimoviću, ministru za urbanizam, prostorno uređenje i zaštitu okoline Bosansko – podrinjskog kantona Goražde i Naidi Cuplov, šefu Zemljišno-knjižnog ureda u Općinskom sudu Goražde, za naknadu troškova polaganja pravosudnog ispita .

Odobrena su i novčana sredstva u iznosu od 2.500 KM Ženskom rukometnom klubu «Goražde» Goražde, za organizaciju Memorijalnog turnira «Mevzeta Perla - Balja» ; novčana sredstva u iznosu od 1.000 KM Nogometnom klubu «Azot» Vitkovići, za kupovinu kosilice za teren i druge aktivnosti, kao i novčana sredstva u iznosu od 700 KM Forumu mladih Bosansko– podrinjskog kantona Goražde, za organizaciju turnira u odbojci za mlade.

41. sjednica

Odobren Program obilježavanja 18. septembra-Dana BPK-a i općine Goražde!

Vlada Bosansko-podrinjskog kantona Goražde održala je 15.09.2006.godine svoju 41. redovnu sjednicu, kojom je predsjedavao Premijer BPK-a Goražde Nazif Urući.

Razmatrajući na početku sjednice materijale iz oblasti Ministarstva za socijalnu politiku, zdravstvo, raseljena lica i izbjeglice, članovi Vlade usvojili su Odluku o odobravanju isplate novčanih sredstava u visini od 71.147,12 KM firmi „Kaja Company“ d.o.o. Goražde za troškove po I privremenoj situaciji unutrašnjeg opremanja zgrade „DOM“. Ovom ministarstvu data je i saglasnost za nabavku potreb-

ne opreme, te usvojene odluke o odobravanju jednokratnih novčanih pomoći u visini od po 500 KM dr. Enisu Hasanoviću, za sudjelovanje na Svjetskom kongresu ginekologa u Brazilu i Sofović Muhamedu iz Goražda, ocu četvero malodobne djece za pomoć u hrani i novcu.

Usvojene su, takođe, odluke o odobravanju novčanih sredstava u iznosu od po 5000 KM Crvenom križu i Domu za stara i iznemogla lica BPK-a Goražde, za finansiranje troškova realizacije projekata iz Programa utroška sredstava, a sredstva u istom iznosu, (5000 KM) odobrena su i Kantonalnoj bolnici Goražde za pokroviteljstvo nad obilježavanjem 10. godišnjice ove javne zdravstvene ustanove. Vlada je odobrila isplatu novčanih sredstava Zavodu zdravstvenog osiguranja BPK-a Goražde u iznosu od 3.530 KM za mjesec august 2006. godine, za finansiranje obaveznog zdravstvenog osiguranja socijalno ugroženih kategorija radnika koji ne ostvaruju prava iz radnog odnosa, a nisu zdravstveno osigurani po drugom osnovu. Resornom ministarstvu data je saglasnost na Program utroška sredstava sa ekonomskog koda „Beneficije za socijalnu zaštitu (subvencije za ublažavanje posljedica uvođenja PDV-a)“. Ukupna sredstva za realizaciju ovog programa iznose 128.000 KM, a isplata sredstava vršiće se u periodu septembar- decembar 2006. godine, dok će se ostatak eventualno neutrošenih sredstava prenijeti u narednu budžetsku godinu. Korisnici ovih sredstava su korisnici prava na stalnu novčanu pomoć i korisnici prava na dječiji dodatak i to u iznosu od 10 KM po članu porodičnog domaćinstva.

Članovi Vlade odobrili su Ministarstvu za privredu novčana sredstva u iznosima od 6.285,33 KM i 8.483,33 KM za otplatu prispjele rate za izmirenje duga za isporučenu električnu energiju „Fabrike vode“ d.o.o. Vitkovići za mjesec august 2006.godine, te dali saglasnost za plaćanje računa „Saraj-inžinjeringu“ d.o.o. iz Sarajeva u iznosu od 28.980,90 KM za izradu glavnog izvedbenog projekta mosta na rijeci Drini, kao i računa u iznosu od 12.580 KM privrednom društvu „PIGIP“ za usluge istražnih geološkomehaničkih radova na izgradnji ovog mosta. Odobrena su, takođe, i novčana sredstva u iznosu od 6.836 KM za plaćanje kupovine zemljišta za izgradnju mosta na rijeci Drini u naselju Osanica po Ugovoru o kupoprodaji nekretnina zaključenim sa Mehom Šumanom iz Osanice, općina Goražde.

Vlada BPK-a Goražde odobrila je novčana sredstva u iznosu od 600 KM Mirsadu Tahiroviću, za nadoknadu štete koju su prouzrokovali vukovi u njegovom stočnom fondu, a iz budžeta Ministarstva za privredu odobrena je i jednokratna novčana pomoć u iznosu od 1000 KM porodici Himza Muslića, preminulog radnika ovog ministarstva. Vlada je odobrila plaćanje avansne situacije po Ugovoru sa „Hidrogradnjom“ iz Sarajeva u iznosu od 123.664 KM, te odobrila 20.000 KM za realizaciju projekta Udruženja taxi prijevoznika iz Goražda, a 10.000 KM odobreno je Turističkoj zajednici BPK-a Goražde za sufinansiranje preostalih dugovanja za manifestaciju „Drina-Prača, nove turističke destinacije u BiH“. Usvojen i dopunjeni Izvještaj ministarstava za privredu i urbanizam o dosadašnjem radu na realizaciji projekta „Vodovod“ Goražde, te data saglasnost Ministarstvu privrede

da izvrši plaćanje računa u iznosima od 26.263 KM i 49.144 KM privrednom društvu „Goraždeputevi“ za sanaciju regionalnih i lokalnih cesta na području BPK-a Goražde.

Razmatrajući materijale iz oblasti Ministarstva za boračka pitanja, Vlada BPK-a Goražde na ovoj sjednici usvojila je Odluku o odobravanju 2.090 KM Zavodu zdravstvenog osiguranja BKP-a Goražde na ime naknada za zdravstvenu zaštitu lica kojima je priznato svojstvo korisnika boračko-invalidske zaštite za mjesec august 2006. godine. Odobrena su i novčana sredstva u iznosu od 3.619 KM za plaćanje troškova banjско-klimatskog liječenja 7 pacijenata, pripadnika boračke populacije u RRC „Fojnica“, te data saglasnost Ministarstvu za boračka pitanja da potpiše Ugovor o priključenju stambeno-poslovnog objekta „Lamela-H“ na elektrodistributivnu mrežu sa JP Elektroprivreda BiH „ Elektrodistribucija“ Sarajevo, Poslovna jedinica Goražde, u vrijednosti od 21.744 KM, kao i saglasnost da ovo ministarstvo uputi obavještenje o Konkurentskom zahtjevu za izbor najpovoljnijeg izvođača radova na izradi i ugradnji šehidskih nišana.

Članovi Vlade odobrili su Program obilježavanja 18.septembra-Dana Bosansko-podrinjskog kantona i općine Goražde Odbora za obilježavanje značajnih datuma i događaja iz odbrambeno-oslobodilačkog rata 1992-1995 BPK-a Goražde i usvojili finansijski plan za njegovu realizaciju u visini od 15. 045 KM.

Na ovoj sjednici, na prijedlog Ministarstva za finansije, usvojeno je više odluka o preusmjeravanju sredstava u budžetima Kantonalne uprave za inspeksijske poslove, Ministarstva za boračka pitanja, Arhivu BPK-a , Uredu interne revizije, Ministarstvu za privredu i SSS „Džemal Bijedić“ u Goraždu.

Vlada je usvojila Izmjene i dopune Programa o utrošku sredstava u budžetu Ministarstva za obrazovanje, nauku, kulturu i sport, na ekonomskim kodovima „Ugovorene usluge“ i „Grantovi neprofitnim organizacijama“. Odobrena je isplata novčanih sredstava : Muškom rukometnom klubu „Goražde“ u iznosu od 10.000 KM; JU MSŠ „Enver Pozderović“ u iznosu od 4.967 KM za plaćanje izvršenih završnih radova, te odobrena novčana sredstva u iznosu od 3.773 KM za plaćanje školske dokumentacije za potrebe osnovnih i srednjih škola sa područja BPK-a Goražde.

Vlada BPK-a Goražde na svojoj 41. redovnoj sjednici razmatrala je i usvojila Izvještaj o radu Ministarstva za unutrašnje poslove za mjesec august 2006. godine, te dala saglasnost Službi za odnose sa javnošću BPK-a Goražde na Program utroška sredstava u budžetu, na ekonomskom kodu „Nabavka opreme“, a nakon toga i saglasnost za nabavku opreme neophodne za rad ove službe.

Do kraja sjednice, članovi Vlade odobrili su da se iz budžeta na ekonomskom kodu „Grant Općini Foča-Ustikolina „ isplate novčana sredstva Teritorijalnoj vatrogasnoj jedinici Goražde u iznosu od 2.850 KM za isporučenu vodu ovoj općini, prema računima do mjeseca septembra, a odobrena su i sredstva u iznosu od 2.000 KM Biciklističkom klubu „Goražde“ za nabavku neophodne takmičarske opreme, kao i sredstva u iznosu od 400 KM , direktorici Arhiva BPK-a Goražde za

refundaciju sredstava na ime polaganja stručnog arhivističkog ispita. Vlada je dala RTV BPK-a Goražde jedno vozilo na privremeno korišćenje, do 09. oktobra 2006. godine, te odobrila isplatu druge, rebalansom uvećane tranše, za rad parlamentarnih političkih partija u iznosu od 25.000 KM.

42. sjednica

Odobrena novčana pomoć povratnicima za ugradnju građevinskog materijala

Vlada Bosansko-podrinjskog kantona Goražde održala je 21.09.2006.godine svoju 42. redovnu sjednicu, kojom je predsjedavao Premijer Nazif Uruči.

Vlada je na ovoj sjednici usvojila Odluku o odobravanju isplate novčanih sredstava u visini od 105.533 KM „Kaja Company“ d.o.o. Goražde za nadoknadu troškova po II privremenoj situaciji unutašnjeg opremanja zgrade „DOM“. Vlada je odobrila i 98.900 KM na ime finansijske pomoći povratnicima za ugradnju građevinskog materijala, te dala saglasnost ministru za privredu da zaključi Ugovor o pružanju usluga nadzora na izvođenju radova na izgradnji mosta na rijeci Drini u naselju Osanica, općina Goražde, u vrijednosti od 34.725 KM sa privrednim društvom „Medixon“ d.o.o. iz Sarajeva.

43. sjednica

Vlada sufinansira sanaciju 19 liftova u stambenim zgradama

Pod predsjedavanjem Nazifa Uručija, 26.09.2006.godine održana je 43. redovna sjednica Vlade Bosansko-podrinjskog kantona Goražde.

Na početku sjednice, razmatrani su materijali iz oblasti Ministarstva za obrazovanje, nauku, kulturu i sport i tom prilikom usvojene odluke o odobravanju novčanih sredstava i to: 5.160 KM Sportskom savezu BPK-a Goražde, za sportiste reprezentivce BiH sa područja BPK-a Goražde i 12.000 KM na ime redovne tranše za mjesec septembar; 1.000 KM Općini Pale-Prača, za obilježavanje Dana općine i oslobođenja Hrenovice i 3.000 KM JU Centar za kulturu, za sufinansiranje pozorišnih predstava i manifestacije „Hitovi narodne muzike“. Redovne tranše za mjesec septembar odobrene su Centru za stručnu obuku, JP RTV BPK-a Goražde i Radio Prači u iznosima od 6.000, 7.000 i 2.000 KM. Vlada je donijela i rješenja i razrješenju dužnosti članova školskih odbora u JU OMŠ „Avdo Smailović“ i JU MSŠ „Enver Pozderović: Abdurezaka Srkalovića, zbog odlaska u mirovinu i Edine Sijerčić zbog sporazumnog prekida radnog odnosa, a na njihova mjesta imenovala Seada Ekića i Senka Borovca.

Ministar unutrašnjih poslova BPK-a Goražde dobio je od Vlade saglasnost da sa

federalnim Ministarstvom unutrašnjih poslova potpiše Ugovor o međusobnim pravima i obavezama o obuci pet kadeta osnovne policijske obuke za čin „policajac“ na Policijskoj akademiji u Sarajevu, prema kojem će se za ovu namjenu izdvojiti 36.308 KM, odnosno 7.261 KM po jednom kadetu. Vlada je KMUP-u dala, takođe, saglasnost na izmjenu Plana rada za 2006. godinu. Prema ovome, plan rada u poglavlju Sektora kriminalističke policije dopunjuje se Planom rada za borbu protiv terorizma i Planom rada za borbu protiv organizovanog kriminala i korupcije. Saglasnost je data i na izmjenu Programa utroška sredstava iz budžeta ovog ministarstva na ekonomskom kodu „Nabavka opreme“.

Na sjednici je razmatran i primljen k znanju Izvještaj komisije za odabir najpovoljnijeg ponuđača za izvođenje radova na izgradnji stambeno-poslovne zgrade „Lamela – H1“ u Goraždu, prema kojem je ponuda firme „Kaja-Company“ iz Goražda dobila najveći broj bodova i izabrana za izvođača radova na ovom stambenom objektu.

Vlada je odobrila isplatu novčanih sredstava u iznosu od 564 KM na ime naknade za rad Ljekarske komisije koja daje nalaz i mišljenje u postupku revizije prvostepenih rješenja o pravima boračke populacije, te usvojila Odluku o odobravanju 7.300 KM na ime jednokratne novčane pomoći borcima i članovima njihovih porodica na području ovog kantona. Ovu pomoć u trećoj grupi korisnika dobila su 42 borca i članovi njihovih porodica. Iz budžeta Ministarstva za boračka pitanja Vlada je odobrila isplatu 10.000 KM za realizaciju Sporazuma o sufinansiranju izgradnje mezarja „Kolijevke“ i „Potrkuša“, zaključenog između ovog ministarstva i Fonda Kantona Sarajevo za izgradnju i očuvanje grobalja šehida i poginulih boraca. Ministrica za boračka pitanja dobila je od Vlade i saglasnost da sa ovim Fondom potpiše Sporazum o sufinansiranju poslova izrade i ugradnje trideset pari šehidskih nišana. Prema sporazumu, Fond Kantona Sarajevo učestvuje u njegovom finansiranju u iznosu od 70% vrijednosti ugovorenih radova.

Zbog nekih primjedbi na tekst, Ministarstvo za privredu povuklo je sa ove sjednice prijedloge zaključaka o davanju saglasnosti na potpisivanje anex-a Ugovora o izvođenju radova na sanaciji ulice „Zaima Imamovića“ i ulice „Ruždije Islamagića“ i anex-a Ugovora o pružanju usluga nadzora na izvođenjem radova u ovim ulicama. Vlada je usvojila Odluku o plaćanju računa firmi „Portal-art“ d.o.o. iz Živnica u iznosu od 1.521 KM za izradu revizije projektne dokumentacije Glavnog projekta crpne stanice Vitkovići, te donijela Odluku o odobravanju novčanih sredstava u iznosu od 3.000 KM Poljoprivrednoj zadruzi „Medina“ za realizaciju programa pod nazivom „ Uzgoj i selekcija pčela u Bosansko-podrinjskom kantonu Goražde“. Odobreno je i plaćanje računa firmi „Goraždeputevi“ u iznosu od 91.460 KM, za urađene poslove na sanaciji i modernizaciji lokalnih puteva na području općine Goražde.

Vlada BPK-a Goražde, u nastavku sjednice, usvojila je Odluku o utvrđivanju osnovice za platu i naknade za topli obrok za august i septembar 2006. godine; odobrila preusmjeravanje sredstava u budžetu Ministarstva za boračka pitanja; dala saglasnost Ministarstvu finansija na Program utroška sredstava na ekonomskom

kodu „Nabavka opreme“, a nakon razmatranja i niza primjedbi, na doradu su vraćene Instrukcije ovog ministarstva za izradu Nacrta Budžeta BPK-a Goražde za 2007. godinu uz zaključak da se sačini izvještaj o utrošku sredstava za proteklih osam mjeseci, kako bi se mogla donijeti ocjena kakvo je pravo stanje stvari nakon povećanja osnovice za plaću i visine naknade za topli obrok.

Članovi Vlade BPK-a Goražde na svojoj 43. redovnoj sjednici, usvojili su Odluku o odobravanju 180.000 KM za sufinansiranje programa sanacije 19 devastiranih liftova na području ovog kantona. Riječ je o zajedničkom projektu Ministarstva za urbanizam, prostorno uređenje i zaštitu okoline i firme „Goraždestan“, u vrijednosti od 242.703 KM, a sredstva za realizaciju ovog projekta, pored odobrenih na ovoj sjednici i sredstava Ministarstva za urbanizam Kantona Sarajevo, biće obezbijedena i jednim dijelom posredstvom novca koji su kućni savjeti prikupili po osnovu plaćanja za održavanje zajedničkih dijelova zgrada. Za izvođača radova sanacije liftova izabrana je firma „EUROPROST“ iz Gračanice.

Razmatrajući materijale iz oblasti Ministarstva za socijalnu politiku, zdravstvo, raseljena lica i izbjeglice, Vlada BPK-a Goražde usvojila je Odluku o odobravanju novčanih sredstava Mjesnoj zajednici Strgačina, u Republici Srpskoj u iznosu od 20.000 KM, na ime sufinansiranja Projekta izgradnje potpornog zida i sanaciju klizišta u povratničkim naseljima na dionici lokanog puta Strgačina- Bjeljevine i Strgačina – Pazelje. Ovom ministarstvu odobrena je i isplata novčanih sredstava d.o.o. „Tehnika“ iz Goražda u iznosu od 1.240 KM za kupovinu i izgradnju klima uređaja.

Do kraja ove sjednice, Vlada BPK-a Goražde je, prema podnesenim zahtjevima, usvojila odluke o odobravanju novčanih sredstava vjerskim zajednicama sa područja ovog kantona i to : 15.000 KM Uredu goraždanskog muftije za obnovu vjerskih objekata, obnovu i uspostavljanje džemata u povratničkim naseljima; 10.000 KM rimokatoličkom Župnom uredu „Sveti Dominik“, za ograđivanje i uređenje katoličkog groblja u Goraždu, 5.000 KM Srpskoj pravoslavnoj crkvenoj opštini Goražde za obnovu kapele „Sveti Jovan“ i parohijskog doma i 3.000 KM Građevinskom odboru za izgradnju „Semiz Ali- pašine „ džamije u Prači.

Vlada je usvojila, takođe, i Odluku o odobravanju novčanih sredstava u iznosu od 150.000 KM Kantonalnom zavodu zdravstvenog osiguranja Goražde kao dio duga po Ugovoru o zajmu od 30.08.2002. godine, te odobrila sredstva u iznosu od 2.000 KM Mjesnoj zajednici Vranići za adaptaciju i opremanje svojih prostorija.

Članovi Vlade usvojili su i Odluku o odobravanju novčanih sredstava općinama Pale-Prača i Foča-Ustikolina, u iznosu od po 150.000 KM sa sufinansiranje projekata u ove dvije općine, a na osnovu predočene projektne dokumentacije.

Na kraju sjednice, Vlada BPK-a Goražde odobrila je FK „Goražde“ sredstva u iznosu od 4.000 KM za nastavak takmičenja u nogometnom KUP-u Federacije BiH, te sredstva u iznosima od 500 i 250 KM za kupovinu knjiga „Vijeće ministara Bosne i Hercegovine“, autora Seada Tafra i „Temeljna polazišta inkluzivnog obrazovanja“, autora Harisa Cerića i Amela Alića, koje će biti podijeljene obrazovnim institucijama na području BPK-a Goražde.

44. sjednica

Odobren Program mjera podsticaja sufinansiranja zapošljavanja nezaposlenih lica!

Vlada Bosansko-podrinjskog kantona Goražde održala je 29.09.2006.godine 44. redovnu sjednicu.

Na početku sjednice, Vlada je dala saglasnost Premijeru BPK-a Goražde za zaključivanje anex-a Ugovora o izvođenju naknadnih i nepredviđenih radova na sanaciji saobraćajnica u ulici „Zaima Imamovića“ i „Ruždije Islamagića“ i priključnih saobraćajnica sa firmom „Goraždeputevi“, u vrijednosti od 161.709 KM, kao i anex-a Ugovora za pružanje usluga nadzora nad izvođenjem ovih radova sa privrednim društvom „MEDIXON“ iz Sarajeva, u vrijednosti od 3.961 KM. Vlada je dala saglasnost Premijeru, takođe, i za potpisivanje Ugovora o izvođenju radova na modernizaciji puta R448 Hrenovica-Goražde sa privrednim društvom „EURO ASFALT“ iz Sarajeva, čija je ukupna vrijednost 499.200 KM.

Odobreno je plaćanje računa privrednom društvu „MC PROJEKT“ iz Sarajeva za reviziju glavnog projekta mosta na rijeci Drini u Osanici u iznosu od 2.950 KM, kao i plaćanje avansnog računa privrednom društvu „MEDIXON“ iz Sarajeva za pružanje usluga nadzora na izvođenju radova na izgradnji ovog mosta, u iznosu od 8.681 KM.

Vlada je Ministarstvu za boračka pitanja dala saglasnost na Program o izmjenama i dopunama Programa utroška sredstava sa ekonomskog koda „Nabavka opreme“, te usvojila Odluku o davanju saglasnosti ovom ministarstvu za nabavku klima-uređaja, kancelarijskog stola i kompjutera sa opremom.

Nakon uvodnog obrazloženja direktorice Službe za zapošljavanje BPK-a Goražde Nafije Hodo i razmatranja, članovi Vlade dali su svoju saglasnost na Program mjera podsticaja sufinansiranja zapošljavanja nezaposlenih osoba sa evidencije Službe za zapošljavanje II i Program zapošljavanja osoba sa invaliditetom sa prostora BPK-a Goražde II. Procjenjeno je da bi se realizacijom prvog programa zaposlilo 77 osoba sa evidencije Službe za zapošljavanje koje aktivno traže posao, a ukupna novčana sredstva za subvenciju prema programu su 350.000 KM. Drugim programom predviđeno je zapošljavanje 14 osoba sa invaliditetom od 20% do 100 % invalidnosti, a za realizaciju ovog programa na period od 12 mjeseci obezbijeđeno je 100.800 KM.

Do kraja svoje 44. redovne sjednice, Vlada BPK-a Goražde usvojila je odluke o odobravanju plaćanja dva računa za nabavku opreme u Vladi i Službi zajedničkih poslova kantonalnih organa uprave, u iznosima od 3.202 i 1.240 KM, a odobrena je i isplata novčanih sredstava Firmi „MIRAKIS“ iz Foče u iznosu od 1.597 KM za opravku putničkog vozila.

Sjednica je završena razmatranjem i usvajanjem Izvještaja Komisije o rezultatima nadmetanja za izvođenje radova na rekonstrukciji dijela Ekonomske škole-anex u Goraždu. Vlada je zadužila Ministarstvo za obrazovanje, nauku, kulturu i

sport da na osnovu ovog izvještaja donese Odluku o izboru najpovoljnijeg ponuđača za poslove rekonstrukcije, te da sačini nacrt ugovora i dostavi ga Vladi radi davanja saglasnosti.

45. sjednica

Firma „Kaja-Company“ izabrana za izvođača radova na izgradnji stambeno-poslovnog objekta „Lamela –H1“ u Goraždu

Redovna, 45. sjednica Vlade Bosansko-podrinjskog kantona Goražde, kojom je predsjedavao Premijer Nazif Uruči, održana je 09.10.2006.godine.

Na početku sjednice, članovi Vlade dali su saglasnost na Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta u Ministarstvu za boračka pitanja, kao i na Pravilnik o uslovima, mjerilima, kriterijima i postupku dodjele jednokratne bespovratne pomoći za rješavanje stambenih potreba boraca i članova njihovih porodica.

Vlada je dala saglasnost Premijeru BPK-a za potpisivanje Ugovora o izgradnji stambeno-poslovnog objekta „Lamela –H1“ u Goraždu, sa izabranim izvođačem radova firmom „Kaja-Company“ d.o.o. iz Goražda. Ovaj ugovor u vrijednosti od 1.299.773 KM biće potpisan nakon što njegovo potpisivanje odobri Skupština Bosansko-podrinjskog kantona Goražde.

Saglasnost je data i na Program o izmjenama i dopunama Programa utroška sredstava iz budžeta Ministarstva za boračka pitanja, na kodu „Učešće u zajedničkim ulaganjima“, koji je prilivom namjenskih sredstava od federalnog resornog ministarstva, sa 120.000 KM uvećan na 195.000 KM.

Iz budžeta Ministarstva za boračka pitanja odobrena je isplata novčanih sredstava u iznosu od 2.156 KM za liječenje 4 pacijenta, pripadnika boračke populacije u RRC „Fojnica“, kao i isplata redovnih novčanih tranši za mjesec septembar od 3.000 KM i 5.900 KM, za sufinansiranje dijela troškova zajedničkog projekta poboljšanja statusa boračke populacije i za rad njihovih udruženja.

Vlada je na ovoj sjednici odobrila i sredstva u iznosu od 75.000 KM za izgradnju spomen obilježja šehidima –poginulim borcima na prostoru Bosansko-podrinjskog kantona Goražde. Pomoću ovih sredstava, koja su donacija federalne Vlade, biće uređena šehidska mezarja i izgrađena spomen obilježja na deset lokacija u mjesnim zajednicama općina Goražde i Pale-Prača.

Vlada je odobrila da se iz budžeta Ministarstva za boračka pitanja izvrši uplata 6.622 KM firmi „Kaja-Company“ d.o.o. iz Goražda za izvođenje radova na iskopu rova za polaganje elektro-kabla za priključenje stambeno-poslovnog objekta „Lamela-H“ u Goraždu. Sredstva u iznosu od 1.000 KM odobrena su i Savezu dobitnika najvećih ratnih priznanja za obilježavanje godišnjice pogibije legendarnog komandanta 1.drinske udarne brigade i 14. divizije Armije BiH Zaima Imamovića,

a 700 KM Savezu za sport i rekreaciju invalida BPK-a Goražde za učešće ekipe RVI na Državnom prvenstvu u malom fudbalu.

Iz oblasti Ministarstva za obrazovanje, nauku, kulturu i sport, Vlada BPK-a Goražde odobrila je: plaćanje računa JU Zavodu za javno zdravstvo BPK-a u iznosu od 6.280 KM, za usluge zdravstvenih pregleda uposlenih u osnovnim i srednjim školama na području Kantona; isplatu 10.000 KM Svjetlostkomerc d. d. Knjižari br. 17 u Goraždu za kupovinu 200 kompleta udžbenika učenicima osnovnih škola sa područja Kantona; sredstva u iznosu od 3.000 KM Savezu za sport i rekreaciju invalida BPK-a Goražde za nastup i učešće takmičara na KUP-ovima i državnim takmičenjima do kraja godine; 1.240 KM firmi „Tehnika“ d.o.o. Goražde za nabavku dva klima-uređaja, te novčana sredstva JU STŠ „Hasib Hadžović“ u iznosima od 6.716 i 2.252 KM za plaćanje računa UNIS „Ginex-u“ iz Goražda, za izvršene molersko-farbarske radove i firmi „BHC Plastika“ d.o.o iz Sarajeva, za izradu epoksi poda u učionici. Usvojena je takođe, i Odluka o davanju saglasnosti JU OŠ „Ustikolina“ za izvođenje građevinskih radova u školskom dvorištu, kao i Odluka o odobravanju novčanih sredstava JU OŠ „Mehmedalija Mak Dizdar“ iz Vitkovića u iznosu od 21.900 KM, za nabavku kombi busa.

Zbog nepotpunog materijala, na doradu je vraćena Odluka o odobravanju novčanih sredstava JP RTV BPK-a Goražde za nabavku neophodne opreme za rad i emitovanje programa.

Na prijedlog Ministarstva za finansije, Vlada je usvojila odluke o preusmjeravanju sredstava u budžetima Ministarstva za socijalnu politiku, zdravstvo, raseljena lica i izbjeglice, JU Centar za socijalni rad, JU STŠ „Hasib Hadžović“, OŠ „Mehmedalija Mak Dizdar“ Vitkovići i JU SMS „Enver Pozderović“.

Iz oblasti Ministarstva za privredu, članovi Vlade Bosansko-podrinjskog kantona Goražde usvojili su Odluku o davanju saglasnosti za plaćanje računa firmi „Medixon“ d.o.o. iz Sarajeva u iznosu od 9.336 KM, za pružanje usluga nadzora na izvođenju radova na sanaciji ulica „Zaima Imamovića“ i „Ruždije Islamagića“, kao i Zaključak o davanju saglasnosti Ministarstvu za privredu za potpisivanje Ugovora o pružanju usluga nadzora na izvođenju radova na modernizaciji puta R448 Hrenovica-Goražde sa privrednim društvom „MTH-ARI“ d.o.o. iz Sarajeva, u vrijednosti od 13.932 KM. Odobrena je i isplata 1.500 KM Edibu Sipoviću, poljoprivredniku iz Hrenovice za sanaciju štalskog objekta.

Vlada je u nastavku sjednice, na prijedlog Ministarstva za urbanizam, prostorno uređenje i zaštitu okoline, usvojila Odluku o visini potrebnih prihoda za zadovoljenje stambenih potreba, koja se usklađuje svaka tri mjeseca, zavisno od potrošačke korpe za četveročlanu porodicu na području BPK-a Goražde. Prema ovoj odluci, visina prihoda koji treba mjesečno da ostvaruje porodica da sama za sebe obezbijedi smještaj, za četveročlanu porodicu iznosi 648 KM.

Odobreni su i grantovi za mjesec septembar općinama Foča-Ustikolina i Pale-Prača u visini od po 45.000 KM, te usvojene odluke po kojima se za najpovoljnijeg ponuđača za pružanje usluga prijevoza učenika na području BPK-a Goražde biraju

firme ATTP „Centroprevoz“ i „DAMIR TURS“ iz Goražda, dok je za najpovoljniji ponuđača za pružanje usluga održavanja voznog parka izabrana firma „GORAŽDE AUTO“ d.o.o. iz Goražda.

Vlada BPK-a Goražde usvojila je, takođe, Odluku o davanju saglasnosti za nabavku opreme (fax uređaja) za potrebe Kabineta Premijera BPK-a Goražde, te zaključak o davanju saglasnosti na Pismo namjere između federalnog Ministarstva energije, rudarstva i industrije, BPK-a Goražde i JP Elektroprivrede BiH d. d. Sarajevo, kao i na ugovore za radove na elektro-energetskim objektima na području općine Pale-Prača i za priključenje na elektro-energetsku mrežu naselja Vražalice. Usvojeno je i rješenje o formiranju Komisije za arhiviranje dokumentacije Vlade Bosansko-podrinjskog kantona Goražde.

Na prijedlog Ministarstva za socijalnu politiku, zdravstvo, raseljena lica i izbjeglice, Vlada je na kraju 45. redovne sjednice, usvojila Odluku o odobravanju novčanih sredstava Regionalnom odboru za povratak u jugoistočnu Bosnu, u iznosu od 1.827 KM, za popravak motornog vozila, kao i Zaključak o davanju saglasnosti za izvođenje nepredviđenih radova na izgradnji stambene zgrade „DOM“ u Goraždu definisanih Pregledom radova na izgradnji ove stambene zgrade koji nisu predviđeni osnovnim ugovorima, u iznosu od 16.906 KM. S tim u vezi, Vlada je dala saglasnost implementatoru projekta „DOM“ – Općini Goražde da u skladu sa članom 5. Ugovora o zajedničkom udruživanju sredstava za nastavak realizacije projekta „DOM“ Općina Goražde, Bosansko-podrinjski kanton Goražde, zaključni Anex Ugovora sa izvođačem radova „Kaja Company“ d.o.o. Goražde za izvođenje radova u iznosu i obimu predviđenim ovim pregledom.

Sjednica je završena usvajanjem zaključka o davanju saglasnosti Direkciji robnih rezervi BPK-a Goražde za plaćanje lož ulja po cijeni od 1,60 KM za preostali dio sredstava u budžetu ove Direkcije na ekonomskom kodu „Izdaci za energiju za kalendarsku 2006. godinu“, u iznosu od 63.000 KM.

46. sjednica

Usvojena Odluka o dodjeli studentskih kredita sa studijsku 2006/07 godinu

Vlada Bosansko-podrinjskog kantona Goražde održala je 18.10.2006.godine svoju 46. redovnu sjednicu, kojom je predsjedavao Premijer BPK-a Nazif Uruči.

Na početku sjednice, Vlada BPK-a Goražde dala je saglasnost ministru za privredu da izvrši plaćanje avansnog računa privrednom društvu „MTH- ARI“ d.o.o. iz Sarajeva u iznosu od 2.786 KM za usluge nadzora radova na modernizaciji puta R 448 Hrenovica-Goražde. Ministar za privredu dobio je saglasnost od Vlade i za plaćanje fakture u iznosu od 29.916 KM privrednom društvu „Saraj-inžinjeri“ za izradu glavnog projekta regulacije rijeke Prače u naseljima Prača i Hrenovica; za

plaćanje računa u iznosu od 64.951 KM privrednom društvu „Goraždeputevi“ za sanaciju i modernizaciju lokalnih puteva i ulica na području općine Goražde, kao i za plaćanje računa u iznosu 1.400 KM privrednom društvu „Tehnika“ iz Goražda za ugradnju klima-uređaja u prostorijama ovog ministarstva.

Vlada je dala saglasnost Premijeru BPK-a Goražde da se izvrši plaćanje prve privremene situacije privrednom društvu „Hidrogradnja“ iz Sarajeva u iznosu od 268.760 KM za izvođenje radova na izgradnji mosta na rijeci Drini u naselju Osanica, kao i saglasnost na program o izmjenama i dopunama Operativnog programa održavanja cesta na području Bosansko-podrinjskog kantona Goražde za 2006. godinu.

Vlada BPK-a Goražde imenovala je stručni tim za izradu projekata iz oblasti turizma u sastavu: Almas Pita, predsjednik, Melida Hadžiomerović i Meho Muratspahić, članovi. Zadatak ovog tima je da u saradnji sa predstavnicima Turističke zajednice BPK-a Goražde i odjeljenja SERDE u Goraždu izradi prijedlog projekata iz oblasti turizma koji će biti aplicirani Evropskoj uniji za dodjelu grant sredstava. Vlada je dala saglasnost i Upravnom odboru J.P. „Bosansko-podrinjske šume“ d.o.o. iz Goražda da za direktora ovog preduzeća imenuje Midhata Ahmetovića.

Razmatrajući materijale iz oblasti Ministarstva za socijalnu politiku, zdravstvo, raseljena lica i izbjeglice, Vlada je odobrila novčana sredstva u iznosu od 6.000 KM za nabavku ogrijevnog drveta za 30 porodica u stanju socijalne potrebe, kao i za 20 najugroženijih penzionera na području Bosansko-podrinjskog kantona Goražde, te usvojila Odluku o isplati novčanih sredstava u iznosu od 25.000 KM za sufinansiranje izgradnje ambulante porodične medicine u naselju Mujković polje, MZ Goražde I. Usvojene su i odluke o odobravanju novčanih sredstava: Zavodu za javno zdravstvo BPK-a Goražde u iznosu od 7.000 KM, za finansiranje troškova realizacije projekata iz Programa utroška sredstava; Udruženju dobrovoljnih davalaca krvi Goražde u iznosu od 2.000 KM, kao pomoć u organizovanju akcija dobrovoljnog davanja krvi; Udruženju penzionera u iznosu od 1.000 KM, za obilježavanje Dana penzionera; Udruženju paraplegičara i oboljelih od dječije paralize u iznosu od 1.500 KM, kao pomoć za samoodrživi rad Udruženja; JU Centar za socijalni rad u iznosu od 700 KM, za nabavku poklon paketa za djecu bez roditeljskog staranja; Zavodu zdravstvenog osiguranja BPK-a Goražde u iznosu od 3.530 KM, za finansiranje obaveznog zdravstvenog osiguranja socijalno ugroženih kategorija radnika koji ne ostvaruju prava iz radnog odnosa, a nisu zdravstveno osigurani po drugom osnovu, za mjesec septembar, a odobrena su i sredstva u iznosu od 320 KM, na ime jednokratne novčane pomoći za petočlanu porodicu 90 postotnog RVI Faika Odžakovića.

Na prijedlog resornog ministra Muhameda Hadžića, Vlada BPK-a Goražde usvojila je Odluku o davanju saglasnosti na Projekat za ugradnju građevinskog materijala i stambeno zbrinjavanje porodica u stanju socijalne potrebe na prostoru Gornjedrinske regije i shodno usvojenom programu, donijela odluku o odobravanju novčanih sredstava u iznosu od 154.500 KM za njegovu realizaciju. Usvoje-

na je i Odluka o odobravanju isplate novčanih sredstava firmi „Kaja Company“ u iznosu od 98.180 KM, za naknadu troškova implementacije Projekta „DOM“- III privremena situacija unutrašnjeg opremanja.

U nastavku sjednice, Vlada je razmatrala materijale iz oblasti Ministarstva za obrazovanje, nauku, kulturu i sport, te usvojila odluke o odobravanju novčanih sredstava: Centru za stručnu obuku u iznosu od 6.000 KM, na ime isplate zastale plaće za mjesec juli; Malonogometnom klubu „Drina“ iz Goražda u iznosu od 3.000 KM, za učešće u Prvoj ligi Malog nogometa Federacije za takmičarsku 2006/07 godinu; JU SŠŠ „Džemal Bijedić“ u iznosu od 2.252 KM, za plaćanje računa firmi BHC Plastika d.o.o. iz Sarajeva za izradu epoksi poda u učionici; JU OŠ „Fadil Fako Đozo“ iz Prače u iznosu od 8.574 KM, za plaćanje avansa po Ugovoru o sanaciji krova, snjegobrana i gromobrana na školskom objektu i fiskulturnoj sali, zaključenim sa firmom „HATA- COMERC“ iz Vitkovića.

Usvojena je, takođe, i Odluka o dodjeli studentskih kredita i utvrđivanju kriterija za dodjelu studentskih kredita u studijskoj 2006/07. godini, kao i odluke o odobravanju novčanih sredstava JP RTV BPK Goražde i Radio Prača za nabavku neophodne opreme, u iznosima od 28.950 KM i 2.000 KM. Vlada je usvojila rješenja o razrješenju starog i imenovanju novog Upravnog odbora Centra za stručnu obuku na period od 60 dana, te odobrila Ministarstvu obrazovanja, nauke, kulture i sporta raspisivanje internog oglasa za popunu upražnjenog mjesta referenta za administrativno-tehničke poslove.

Na prijedlog Ministarstva za finansije, Vlada je usvojila više odluka o preusmjeravanju sredstava u budžetima: OŠ „Fadil Fako Đozo“ Prača, OŠ „Hasan Turčalo Brzi“ Ilovača, kao i u budžetima ministarstava za unutrašnje poslove, privredu, pravosuđe i finansije. Ministarstvo za finansije je dobilo saglasnost za popunu radnog mjesta viši referent za materijalno knjigovodstvo i knjigovodstvo osnovnih sredstava internim oglašavanjem, te za produženje ugovora sa firmom „ORACLE BH“ d.o.o iz Sarajeva za tehničku podršku i anex Ugovora za pružanje funkcionalne podrške.

Članovi Vlade BPK-a Goražde na svojoj 46. redovnoj sjednici odobrili su Program utroška finansijskih sredstava iz budžeta Ministarstva za pravosuđe, upravu i radne odnose sa ekonomskog koda „Nabavka opreme“, te dali saglasnost da se izvrši nabavka i ugradnja jednog klima-uređaja u prostorijama ovog ministarstva. Usvojena je i Odluka o naknadi troškova ministru Midhatu Bašiću za polaganje pravosudnog ispita u iznosu od 880 KM, a do kraja sjednice, Vlada je odobrila isplatu novčanih sredstava: Ženskom rukometnom klubu „Goražde“ u iznosu od 5.000 KM, za uspješno privođenje takmičarske polusezone u borbi za ulazak u I ligu; Srpskom građanskom vijeću-Pokret za ravnopravnost BPK-a Goražde u iznosu od 1.000 KM, za redovne aktivnosti, te Ansamblu narodnih pjesama i igara Centra za kulturu i KUD-u „Polet“, iz Ustikoline, u iznosima od po 2.000 KM, za planirana gostovanja i pomoć u radu.

47. sjednica

Obezbijedeni preduslovi i sredstva za početak dislocirane nastave Ekonomskog fakulteta!!!

Vlada Bosansko-podrinjskog kantona Goražde održala je 31.10.2006.godine svoju 47.redovnu sjednicu kojom je predsjedavao Premijer Nazif Uručić.

Na početku sjednice razmatrani su materijali iz oblasti Ministarstva za privredu, te odobrena novčana sredstva u iznosima od 6.286 i 8.483 KM za izmirenje duga za isporučenu električnu energiju "Fabrike vode" d.o.o. Vitkovići, za mjesec septembar.

Vlada je dala saglasnost ministru za privredu Bosansko – podrinjskog kantona Goražde da zaključi Ugovor o izvođenju radova na sanaciji puteva za raseljena lica, u vrijednosti od 29.990,00 KM, sa privrednim društvom «MARKAN» d.o.o. Goražde, kao i saglasnost da izvrši plaćanje Prve privremene situacije u iznosu od 12.375,98 KM, na osnovu Ugovora o zajedničkom finansiranju i izvođenju radova na izgradnji potisnog cjevovoda za vodovodni sistem Ustikoline, zaključen sa privrednim društvom «OKAC» d.o.o. Goražde. Zaključkom je, takođe, zaduženo Ministarstvo za privredu da za Vladu Bosansko – podrinjskog kantona Goražde sačini Izvještaj o dosadašnjim aktivnostima na izvođenju radova na izgradnji potisnog cjevovoda u Ustikolini, naročito s aspekta poštivanja ugovorenih rokova za završetak ovog posla.

Vlada je na ovoj sjednici, dala saglasnost Ministarstvu za privredu da poništi Javni konkurs za dodjelu koncesija za izgradnju i korištenje malih hidroelektrana na rijeci Prači Općina Pale-Prača i da raspiše ponovni Javni konkurs i to u predloženoj varijanti I - Studije hidroenergetskog iskorištenja rijeke Prača koja obuhvata slijedeće male hidroelektrane:

- *MHE «Prača»*
- *MHE «Kaljani»*
- *MHE «Banja stijena 1»*
- *MHE «Vražalice»*

Na ime naknade za uništavanje ovaca, Vlada je odobrila sredstva Sulju Omeroviću u iznosu od 800 KM, te zadužila Ministarstvo za privredu Bosansko – podrinjskog kantona Goražde da sekretaru Vlade i svim ministrima dostavi Zapisnik o uvidaju i Zapisnik Komisije za procjenu štete.

Nakon uvodnog obrazloženja koje je dao ministar za finansije Milenko Grujić, usvojena je Odluka o utvrđivanju osnovice za plaću zaposlenih lica u kantonalnim organima uprave, kantonalnim ustanovama i drugim pravnim licima, koja se finansiraju iz budžeta Bosansko – podrinjskog kantona Goražde, za mjesec oktobar 2006.godine u iznosu 308,00 KM, osim za zaposlene u Ministarstvu unutrašnjih poslova Bosansko – podrinjskog kantona Goražde čija se osnovica utvrđuje na osnovu Uredbe o utvrđivanju platnih razreda i koeficijenata za zaposlene Mini-

starstva unutrašnjih poslova Bosansko – podrinjskog kantona Goražde. Naknada za ishranu u toku rada (topli obrok) utvrđena je u iznosu od 5,20 KM po jednom radnom danu.

Vlada je dala saglasnost ministru za finansije da izvrši plaćanje računa privrednom društvu «Tehnika» d.o.o. Goražde u iznosu 3.100,00 KM, za ugradnju klima uređaja u prostorije ovog ministarstva. Usvojeno je i više odluka o preusmjeravanju sredstava u budžetima:

- *JU STŠ «Hasib Hadžović» Goražde*
- *JU OŠ «Fadil Fako Đozo» Prača*
- *JU OMS «Avdo Smailović» Goražde*
- *Ministarstva za privredu Bosansko – podrinjskog kantona Goražde*

U nastavku sjednice, članovi Vlade BPK-a Goražde usvojili su Odluku o odobravanju novčanih sredstava JU OŠ “Hasan Turčalo Brzi” Ilovača u iznosu od 5.073 KM, za plaćanje računa JP “Bosansko-podrinjske šume” d.o.o. Goražde za nabavku ogrijevnog drveta, kao i Odluku o odobravanju novčanih sredstva JU OŠ “Fadil Fako Đozo” Prača u iznosu od 1.860 KM, za plaćanje računa STR “Mir” Prača za nabavku linoleuma za učionice i hodnike. Ovoj školi odobrena su i sredstva u iznosu od 1.655,55 KM, za plaćanje računa izdavačkoj kući “Bosanska riječ” d.o.o. Sarajevo za nabavku školske lektire.

JU OŠ “Mehmedalija Mak Dizdar” Vlada je odobrila novčana sredstva u iznosu od 2.574 KM, za plaćanje računa Preduzeću za trgovinu i usluge “Kovinotehna” Sarajevo, za sanaciju kotla za grijanje (promjena 29 izduvni cijevi).

Na prijedlog Ministarstva za obrazovanje, nauku, kulturu i sport, Vlada BPK-a Goražde usvojila je Odluku o odobravanju novčanih sredstava JU Centar za kulturu Goražde u iznosu od 4.500,00 KM za sufinansiranje projekata i to:

- *Osmi internacionalni festival “Šta se pjesmom sanja” 1.500 KM,*
- *Drinske večeri dječije poezije 1.500 KM,*
- *Djeca pjevaju sevdalinke 1.000 KM*
- *Bajramski koncert 500 KM.*

Odobrena su i novčana sredstva Udruženju građana Yildiz BPK Goražde u iznosu od 400 KM za realizaciju projekta “U susret Bajramu”, dok su redovne tranše za mjesec oktobar dobili: J.P. KIC Prača-Radio Prača u iznosu od 2.000 KM ; J.P. RTV Bosansko-podrinjskog kantona Goražde u iznosu od 7.000 KM; Sportski savez Goražde u iznosu od 12.000 KM i Centar za stručnu obuku Goražde u iznosu od 6.000 KM.

Razmatrajući aktuelnu problematiku vezanu za dislociranu nastavu u Goraždu Ekonomskog fakulteta iz Sarajeva, članovi Vlade BPK-a Goražde dali su saglasnost ministrici za obrazovanje, nauku, kulturu i sport Bosansko – podrinjskog kantona Goražde za potpisivanje Memoranduma o razumijevanju i dugoročnoj saradnji sa Ministarstvom za obrazovanje i nauku Kantona Sarajevo, a koji se odnosi na sufi-

nansiranje visokoškolskog obrazovanja studenata sa područja Bosansko – podrinjskog kantona Goražde. Vlada Bosansko-podrinjskog kantona Goražde preuzela je obavezu da sufinansira izvođenje dislocirane nastave Ekonomskog fakulteta Univerziteta u Sarajevu, studenata koji su upisali prvu godinu studija u akademskoj 2006/07. godini do završetka studija generacije po važećim propisima (najmanje tri godine), te dala saglasnost Premijeru Bosansko – podrinjskog kantona Goražde da potpiše ugovor sa Ekonomskim fakultetom Univerziteta u Sarajevu o izvođenju dislocirane nastave u Goraždu, a u skladu sa ovom Odlukom i Memorandumom o razumijevanju i dugoročnoj saradnji.

Sredstva za sufinansiranje visokoškolskog obrazovanja za studijsku 2006/07. godinu u iznosu od 100.000 KM obezbijedit će se u Budžetu Ministarstva za obrazovanje, nauku, kulturu i sport BPK-a Goražde.

Istovremeno, Vlada je dala saglasnost Premijeru Bosansko – podrinjskog kantona Goražde da sa firmom «Goraždestan»d.o.o. Goražde potpiše Ugovor o sanaciji i rekonstrukciji dijela Mješovite srednje škole «Enver Pozderović» u Goraždu, za potrebe odvijanja dislocirane nastave Ekonomskog fakulteta u Goraždu.

Razmatrajući materijale iz oblasti Ministarstva za boračka pitanja, Vlada BPK-a Goražde odobrila je isplatu novčanih sredstava u iznosu od 2.110 KM Zavodu zdravstvenog osiguranja BPK Goražde na ime naknade za zdravstvenu zaštitu lica kojima je priznato svojstvo korisnika boračko-invalidske zaštite za mjesec septembar 2006.godine, kao i isplatu novčanih sredstava u iznosu od 4.480 KM za naknadu troškova banjsko-klimatskog liječenja za 8 pacijenata iz kategorije boračkih populacije u RRC “Fojnica” u Fojnici.

Odobrena je, takođe, isplata novčanih sredstava u visini od 2.892,75 KM firmi “UNIPROJEKT” d.o.o. Goražde na ime naknade troškova vršenja nadzora nad izvođenjem radova na unutrašnjem opremanju zgrade “DOM” po I i II privremenoj situaciji, te usvojene odluke o dodjeli jednokratne novčane pomoći u iznosima od po 1.500 KM za liječenje oboljelih djevojčica Lejle Šeta iz Goražda i Amine Halilović iz Ustikoline.

Do kraja svoje 47. redovne sjednice, Vlada Bosansko-podrinjskog kantona Goražde usvojila je izvještaje o radu Ministarstva unutrašnjih poslova Bosansko – podrinjskog kantona Goražde za mjesec septembar 2006-te godine i za period januar – septembar 2006-te godine, te dala saglasnost ministru Ministarstva unutrašnjih poslova Bosansko – podrinjskog kantona Goražde da izvrši plaćanje računa u iznosu od 1.193,40 KM, po osnovu Ugovora o provođenju Projekta ronilačke obuke Jedinice za podršku MUP-a BPK-a Goražde, zaključenog sa Udruženjem “ECO SPORTSKA GRUPA” – Sarajevo.

Vlada je usvojila i Odluku o uspostavi Policijskog odbora za policijske službenike Bosansko – podrinjskog kantona Goražde u sastavu:

1. Laković Adem, samostalni inspektor

2. Hadžić Hasib, samostalni inspektor

3. Rizvanović Emko, stručni savjetnik za pravna pitanja i odnose sa javnošću

Zasjedanjem ovog Policijskog odbora, koji je nadležan za rješavanje žalbi predviđenih članom 124. stav 2. Zakona o policijskim službenicima kantona, predsjedavaće policijski službenik sa najvišim činom ili policijski službenik koji je proveo duže vremena u tom činu ukoliko oba službenika imaju isti čin.

Ministarstvo za urbanizam, prostorno uređenje i zaštitu okoline, zaduženo je da u što kraćem vremenskom roku intezivira rad Komisije za tehnički prijem dograđenih stanova u zgradama u ulici "Zaima Imamovića" 8-10 i 18-20 u Goraždu, da se evidentiraju i zapisnički konstatuju svi nedostaci koje treba otkloniti da bi se dobila upotrebna dozvola za ove stanove, te da se takav Zapisnik predoči Vladi Bosansko – podrinjskog kantona Goražde radi donošenja Odluke o davanju saglasnosti za otklanjanje svih ovih nedostataka.

Nakon uvodnog obrazloženja koje je dao sekretar Vlade, Vlada BPK-a Goražde usvojila je Odluku u kojoj se odbija prigovor firme «Bertro Trade» d.o.o. Sarajevo na Odluku Vlade Bosansko – podrinjskog kantona Goražde broj: 03-14-2079/06 od 09.10.2006.godine o izboru najpovoljnijeg ponuđača za pružanje usluga održavanja voznog parka na području BPK-a Goražde.

Usvojene su i odluke o plaćanju računa u iznosu od 1.200 KM d.o.o. «MIS BiH» Tuzla na osnovu potpisanog Ugovora, broj: 02-14-209/02, te odobrena novčana sredstva u iznosu od 500 KM NK «Gradac» Vranići za nabavku neophodne opreme za nastavak takmičenja.

Pod tekućim pitanjima, Vlada je razmatrala aktuelnu problematiku iz nadležnosti Ministarstva za finansije Bosansko – podrinjskog kantona Goražde, te nakon rasprave u kojoj su učestvovali svi prisutni ministri, donesen je Zaključak po kome se zadužuje Ministarstvo za finansije Bosansko – podrinjskog kantona Goražde da pripremi Rebalans Budžeta Bosansko – podrinjskog kantona Goražde za 2006. godinu i nastavi aktivnosti na izradi Nacrta Budžeta za 2007.godinu, a u skladu sa zakonskim rokovima.

Ministar za finansije Bosansko – podrinjskog kantona Goražde zadužen je takođe, da iz okvira raspoloživih kadrova u Ministarstvu za finansije Bosansko – podrinjskog kantona Goražde, a u okviru svojih ovlaštenja, riješi pitanje obavljanja poslova Šefa računovodstva, odnosno knjiženja i knjigovodstvenih poslova za potrebe Bosansko – podrinjskog kantona Goražde.

48. sjednica

Besplatne udžbenike dobila još 222 učenika!

Data saglasnost za potpisivanje ugovora o zimskom održavanju cesta!

Vlada Bosansko-podrinjskog kantona Goražde održala je 09.11.2006.godine svoju 48. redovnu sjednicu kojom je predsjedavao Premijer BPK-a Goražde Nazif Uru-či.

Nakon usvajanja Odluke o odobravanju sredstava u iznosu od 100.000 KM na ime deponovanja sredstava radi formiranja kreditne linije za kreditiranje stambenih potreba boračkih populacija BPK Goražde, članovi Vlade Bosansko-podrinjskog kantona Goražde dali su saglasnost Premijeru BPK Goražde da sa Raiffeisen bankom d.d. filijalom iz Goražda potpiše Ugovor o oročenom depozitu u ovom iznosu, a u vezi sa ranije potpisanim Ugovorom o zajedničkoj saradnji na kreditiranju stambenih potreba boračke populacije, u koji Raiffeisen banka ulaže dosad najveću sumu svojih sredstava u iznosu od 900.000 KM.

Vlada je dala saglasnost RVI Behudinu Plakalo, kupcu poslovnog prostora u zgradi „Lamela-H“ u Goraždu da radi nastavka liječenja u inostranstvu i ispunjenja obaveza iz člana 8. Ugovora, može privremeno ustupiti predmetni poslovni prostor drugom licu, uz promjenu djelatnosti koja je definisana Biznis planom, a najduže do dvije godine.

Iz budžeta Ministarstva za boračka pitanja, Vlada BPK-a Goražde je odobrila isplatu jednokratnih novčanih pomoći (IV grupa korisnika) za 40 boraca i članova njihovih porodica u iznosu od 6500 KM, te sredstva u iznosu od 3500 KM za sufinansiranje troškova rekonstrukcije ratom uništenih stanova u zgradi koja se nalazi u ulici “Kulina bana” u Goraždu, za rješavanje stambenog pitanja porodica poginulih i demobilisanih boraca. Usvojene su i odluke o odobravanju novčanih sredstva u iznosima od 2.500 KM, 5.900 KM i 880 KM: za sufinansiranje troškova zajedničkog Projekta poboljšanja statusa boračke populacije, za rad udruženja boračkih populacija za mjesec oktobar 2006.godine i za učešće u finansiranju obilježavanja godišnjice pogibije Zaima Imamovića.

Vlada je dala saglasnost i na Projekat interventne finansijske podrške porodicama umrlih demobilisanih boraca BPK Goražde kao i sredstva za njegovu realizaciju u iznosu od 8.000 KM.

Iz oblasti Ministarstva za finansije, a na prijedlog resornog ministra Milenka Grujića, Vlada BPK-a Goražde usvojila je više odluka o preusmjeravanju sredstava u budžetima: Ministarstva za socijalnu politiku, zdravstvo, raseljena lica i izbjeglice Bosansko-podrinjskog kantona Goražde, JU MŠS «Enver Pozderović» Goražde i Ministarstva za boračka pitanja.

U nastavku 48. redovne sjednice, Vlada BPK-a Goražde dala je saglasnost JU “Centar za socijalni rad BPK Goražde” da u skladu sa važećim zakonskim propisima izvrši prodaju putničkog vozila marke “VOLKSWAGEN VW 70XX0B i pro-

vede proceduru za nabavku novog putničkog vozila po principu "Staro za novo", te odobrila isplatu novčanih sredstava u iznosu od 3.530 KM u korist Zavoda za zdravstveno osiguranje Bosansko – podrinjskog kantona Goražde, za finansiranje obaveznog zdravstvenog osiguranja socijalno ugroženih kategorija radnika sa prebivalištem na području Kantona koji ne ostvaruju prava iz radnog odnosa, a nisu zdravstveno osigurani po drugom osnovu. Javnoj ustanovi Dom za stara i iznemogla lica BPK-a Goražde odobren je iznos od 5.000 KM za grijanje, dok je za provođenje Projekta sistematskog pregleda aktivnih sportista u BPK-u Goražde Sportskom savezu Bosansko-podrinjskog kantona Goražde odobrena druga polovina finansijskih sredstava u visini od 2.340 KM (od ukupnog iznosa od 4.680 KM).

Vlada je dala saglasnost Premijeru BPK-a Goražde za potpisivanje Ugovora o saradnji sa humanitarnom organizacijom „HELP“ za implementaciju projekta „Stvaranje radnih mjesta kroz pomoć pokretanju malih i srednjih preduzeća u srednjoj i istočnoj BiH“. Cilj ovog projekta je da se pomogne 60 socijalno ugroženih porodica u čijem sufinansiranju će učestvovati i Vlada BPK-a Goražde, a njegova realizacija počinje u mjesecu decembru ove godine.

Članovi Vlade BPK-a Goražde usvojili su i Odluku o odobravanju isplate novčanih sredstava iz budžeta Ministarstva za socijalnu politiku, zdravstvo, raseljena lica i izbjeglice za 241 korisnika prava iz zaštite civilnih žrtava rata po osnovu usklađivanja visine mjesečnih primanja civilnih žrtava rata za mjesec januar 2005. godine u ukupnom iznosu od 39.981 KM, dok su sredstva iz budžeta istog ministarstva u iznosu od 130.700 KM odobrena kao pomoć za ugradnju građevinskog materijala za 103 korisnika. Vlada je odobrila i sredstva u iznosu od 18.787,50 KM na ime ostatka neisplaćenih sredstava za 2006.godinu, za učešće u sufinansiranju građevinskih radova za ambulante obiteljske medicine kroz projekt HSEP.

Pohvale ministricama obrazovanja i boračkih pitanja, Emiri Drakovac i Nermani Sofović za uspješnu realizaciju projekta nabavke besplatnih udžbenika socijalno ugroženim učenicima osnovnih škola na ovoj sjednici uputio je Premijer Nazif Uruči. Pored ranijih 200, besplatne udžbenike dobila su još 222 učenika, a od toga 164 učenika iz kategorije boračkih populacija, za što je utrošeno 11.100 KM.. Realizacijom ovog projekta besplatne udžbenike, kako je naglašeno, dobilo je 28% učeničke populacije, što je svakako uspjeh.

Iz oblasti Ministarstva za obrazovanje, nauku, kulturu i sport Vlada je usvojila odluke o odobravanju novčanih sredstava: Muškom rukometnom klubu "Goražde" Goražde u iznosu od 15.000 KM, za izmirenje dosadašnjih obaveza i nastavak takmičenja u jesenjem dijelu prvenstva; Ekonomskom fakultetu Univerziteta u Sarajevu u iznosu od 50.000 KM za uplatu prve rate po osnovu Ugovora o izvođenju dislocirane nastave u Goraždu Ekonomskog fakulteta Univerziteta u Sarajevu u školskoj 2006/07.godini; za plaćanje avansnog računa firmi "Goraždestan" d.o.o. Goražde u iznosu od 21.112,79 KM, a po osnovu Ugovora o rekonstrukciji dijela Mješovite srednje škole "Enver Pozderović" u Goraždu, a odobrena

su novčana sredstva i Kulturno – umjetničkom društvu “Azot” Vitkovići u iznosu od 1.000 KM za obnovu narodnih nošnji; JP RTV BPK-a Goražde u iznosu od 10.000 KM za realizaciju projekata u oblasti obrazovanja i to:

Projekat “Potrebe, želje i mogućnosti” (upis u srednje škole za školsku 2006/07) i Projekat ekološkog kviza i akcije “Zdravimo prirodu”, te JU OŠ “Ustikolina” Ustikolina u iznosu od 4.921KM za plaćanje računa Preduzeću za građenje, trgovinu i usluge “OKAC” d.o.o. Goražde, na ime izvršenih radova na izgradnji garaže.

Vlada BPK-a Goražde, na ovoj sjednici, imenovala je Komisiju za provođenje Konkursa za dodjelu studentskih kredita u studijskoj 2006/2007.godini u sastavu: Osman Somun, predsjednik, Elmedin Valjevčić i Melhudina Čamo, članovi, čiji je zadatak da po zaključenju konkursa sačini rang listu studenata u skladu sa kriterijima za dodjelu studentskih kredita u studijskoj 2006/2007.godini koje je donijela Vlada Bosansko – podrinjskog kantona Goražde.

Razmatrajući materijale iz oblasti Ministarstva za unutrašnje poslove BPK-a Goražde, Vlada je dala saglasnost resornom ministru da potpiše Ugovor o javnoj nabavci roba u provedenom postupku izbora najpovoljnijeg ponuđača za nabavku jednog motocikla za policijsko patroliranje sa firmom “AUTO CENTAR TOMIĆ” d.o.o. Mostar, a za realizaciju ove Odluke potrebno je iz Budžeta Ministarstva unutrašnjih poslova Bosansko – podrinjskog kantona Goražde izdvojiti sredstva u iznosu od 23.478,25 KM (sa uračunatom carinom i PDV-om).

Članovi Vlade Bosansko-podrinjskog kantona Goražde na 48.redovnoj sjednici usvojili su i zaključke o davanju saglasnosti Premijeru BPK-a Goražde i ministru za privredu za potpisivanje ugovora o zimskom održavanju cesta na području BPK-a Goražde sa privrednim društvima: „Okac“ Goražde, „Goraždeputevi“, Kaja Company Goražde i JKP „Prača iz Prače, u ukupnoj vrijednosti od 166.677 KM.

Prema odluci Vlade, Premijer Bosansko – podrinjskog kantona Goražde zaključio je Ugovor o zimskom održavanju cesta na području Bosansko – podrinjskog kantona Goražde u periodu od 15.11.2006.godine do 15.03.2007.godine, sa privrednim društvom “OKAC” d.o.o. Goražde, na putnim pravcima:

- *Regionalni put R 448 Goražde - Hrenovica*
- *Lokalni put Ustikolina – Cvilin - Ada*
- *Lokalni put Ustikolina - Odžak*
- *Lokalni put ul. Agana Imamovića*

Ukupna vrijednost Ugovora za sve putne pravce je 71.651 KM.

Ministar za privredu dobio je od Vlade saglasnost da zaključi Ugovor o zimskom održavanju cesta na području Bosansko – podrinjskog kantona Goražde sa privrednim društvom JKP “Prača” Prača, na putnim pravcima Prača-Datelj-Orahovice-Brzača, i ulice “Mala”, “Čemaluša” i “Himze Sablje” u općini Pale-Prača, čija je ukupna vrijednost 34.500 KM. Saglasnost ministru za privredu data je i za zaključivanje ugovora sa privrednim društvom “Kaja – Company” d.o.o. Goražde, na putnim pravcima:

- *Lokalni put Goražde – Podhranjen*
- *Lokalni put Podhranjen – Jarovići*
- *Lokalni put Dedova voda – Podborovići*
- *Lokalni put Perjani – Posestra*
- *Lokalni put Podborovići – Rešetnica*
- *Lokalni put Osanica – Zebina šuma – Njuhe*
- *Lokalni put Jarovići – Hranjen*

ukupne vrijednosti za sve putne pravce 27.846 KM, a odobreno je i zaključne ugovora sa privrednim društvom “Goraždeputevi” d.d. Goražde, na putnim pravicima:

- *Regionalni put R 448 Goražde - Podkozara*
- *Lokalni put Mravinjac - Berič*
- *Lokalni put Berič - Spahovići*
- *Lokalni put Perjani – Posestra*
- *Lokalni put Osanica - Ilovača*
- *Lokalni put Ilovača - Brzača*
- *Lokalni put ul. I.Drinske i M. Bajića Bajе*

Ukupna vrijednost ovog Ugovora za sve putne pravce je 32.680 KM.

Ministarstvo za privredu Bosansko – podrinjskog kantona Goražde dobilo je od Vlade saglasnost i za nabavku i ugradnju grijnih tijela u svojim prostorijama.

Nakon uvodnog obrazloženja sekretara Vlade Emira Sijerčića, Vlada BPK-a Goražde usvojila je Odluku o raspisivanju poziva za odabir najpovoljnijeg ponuđača za javne nabavke u Bosansko-podrinjskom kantonu Goražde za slijedeće LOT-ove:

1. *LOT 1 – Pružanje usluga osiguranja uposlenika*
2. *LOT 2 – Pružanje usluga osiguranja motornih vozila*
3. *LOT 3 – Pružanje usluga sukcesivne isporuke kancelarijskog materijala*
 - a) *Kancelarijski materijal*
 - b) *Materijal za informatičku opremu (toner, ketridž, i dr.)*
4. *LOT 4 – Pružanje štamparskih usluga*
5. *LOT 5 – Pružanje usluga sukcesivne isporuke goriva*
 - a) *Goriva za motorna vozila*
 - b) *Lož ulje za kotlovnice*
6. *LOT 6 – Pružanje usluga sukcesivne isporuke za održavanje voznog parka*
7. *LOT 7 – Pružanje usluga sukcesivne isporuke sredstava za održavanje higijene u zgradama i artikala za čajnu kuhinju*

8. LOT 8 – Pružanje usluga nabavke i isporuke informatičko-tehničke opreme

9. LOT 9 – Pružanje usluga redovnog održavanja zgrada vlasništvo BPK-a Goražde

Proceduru provedbe javnog nadmetanja i davanje prijedloga za izbor najpovoljnijeg ponuđača provest će Komisija za javne nabavke koju je Vlada Bosansko-podrinjskog kantona Goražde na ovoj sjednici imenovala posebnim rješenjem, u sastavu:

- 1. Sijerčić Emir, predsjednik**
- 2. Džaferović Sead, član**
- 3. Imamović Esad, član**
- 4. Herenda Kamil, sekretar.**

Vlada je usvojila Zaključak kojim se daje saglasnost Premijeru da potpiše Aneks Ugovora o osiguranju uposlenika Bosansko - podrinjskog kantona Goražde sa CROATIA OSIGURANJE d.d. Ljubuški kojim će se Osnovni ugovor o osiguranju produžiti do okončanja postupka izbora najpovoljnijeg ponuđača po raspisanom Javnom pozivu.

U nastavku sjednice, Vlada BPK-a Goražde odobrila je isplatu grantova općinama Foča-Ustikolina i Pale- Prača za mjesec septembar 2006. godine, u iznosima od po 45.000 KM.

Odobreno je i više zahtjeva za dodjelu novčane pomoći, od kojih izdvajamo Odluku o odobravanju plaćanja godišnje pretplate za priključak na Internet u iznosu od 70 KM dječaku Alenu Muhiću iz Goražda, kome je Vlada Bosansko-podrinjskog kantona Goražde, prošle godine poklonila računar. Jednokratnu novčanu pomoć u iznosu od 2. 000 KM za liječenje djeteta dobio je uposlenik Ministarstva za privredu Bosansko – podrinjskog kantona Goražde Emir Hodović. Sredstva u iznosu od 5.000 KM dodijeljena su Medžlisu Islamske Zajednice Sarajevo-Izvršni odbor za izgradnju-rekonstrukciju džamije u Podvitezu, općina Pale, a jednokratna novčana pomoć u iznosu od 1.500 KM odobrena je Sindikatu UNIS HI "AZOT" Vitkovići, za obilazak radnika i njihovih porodica koji su bolesni ili imali smrtni slučaj, te za obezbjeđenje paketa sa hranom za najugroženije.

Na kraju sjednice, Vlada je odobrila Udruženju građana «Fitnes Studio Firuzo» Goražde novčana sredstva u iznosu od 500 KM za unaprijeđenje rada i nabavku dijela opreme.

49. sjednica

Za rješavanje stambenih potreba boraca i članova njihovih porodica odobrena jednokratna i bespovratna sredstva u iznosu od 130.000 KM

Vlada Bosansko - podrinjskog kantona Goražde održala je 17.11.2006.godine, svoju 49. redovnu sjednicu kojom je predsjedavao Premijer BPK-a Goražde Nazif Uruči.

Na početku sjednice, Vlada je odobrila uplatu prve rate u iznosu od 50.000 KM Ekonomskom fakultetu Univerziteta u Sarajevu po osnovu Ugovora o izvođenju dislocirane nastave u Goraždu Ekonomskog fakulteta Univerziteta u Sarajevu u školskoj 2006/07.godini, te dala saglasnost Ministarstvu za finansije Bosansko – podrinjskog kantona Goražde da sa firmom «ORACLE BIH» d.o.o. Sarajevo potpiše Ugovor za tehničku podršku (kupovinu licence) i Aneks Ugovora za pružanje funkcionalne podrške.

Vlada je dala saglasnost Premijeru Bosansko – podrinjskog kantona Goražde da izvrši ovjeru i plaćanje okončane situacije u vrijednosti od 498.939,20 KM po Ugovoru o izvođenju radova na modernizaciji puta R 448 Hrenovica – Goražde zaključenim sa privrednim društvom “EURO-ASFALT” d.o.o. Sarajevo, dok je ministru za privredu data saglasnost da izvrši plaćanje fakture privrednom društvu “MTH-ARI” d.o.o. Sarajevo, u iznosu od 11.136 KM, na osnovu Ugovora o pružanju usluga nadzora na modernizaciji ovog puta.

Ministarstvo za privredu BPK-a Goražde dobilo je od Vlade saglasnost i na Instrukcije o uslovima i načinu ostvarivanja nadoknade štete za domaće životinje od najezde divljači (vuka, pasa lutilica i drugo) i elementarnih nepogoda (udara groma, poplava, požara i drugih sličnih nepogoda) na području Bosansko – podrinjskog kantona Goražde.

Vlada je Zemlji radničkoj zadruzi “Agrodrina” odobrila sredstva u iznosu od 3.000 KM za realizaciju Programa pod nazivom “Proširenje proizvodnje jagodičastog sadnog materijala”, te dala saglasnost Ministarstvu za privredu Bosansko – podrinjskog kantona Goražde da izvrši isplatu podsticaja za poljoprivredu u iznosima od 18.724,60 KM i 7.031,35 KM. Saglasnost je data i na izmjene i dopune Programa o izmjenama i dopunama Operativnog programa održavanja cesta na području Bosansko – podrinjskog kantona Goražde za 2006.godinu.

Ministar za privredu dobio je od Vlade BPK-a Goražde saglasnost i za zaključenje ugovora sa privrednim društvima: “KOTEKS” d.o.o. Tešanj o isporuci šumarske opreme, u vrijednosti od 9.962,55 KM, Kaja – Company” d.o.o. Goražde o izvođenju radova na izradi potpornog zida i saobraćajnice Obarak u Goraždu, u vrijednosti od 20.534,60 KM, „MARKAN” d.o.o. Goražde o izvođenju radova na sanaciji puteva za raseljena lica, u vrijednosti od 29.900 KM i SPD “CESTA 100” Goražde o izvođenju radova na sanaciji nekategorisanih puteva na području Općine Goražde i okolnih općina, u vrijednosti od 27.280 KM.

Vlada je dala saglasnost Premijeru Bosansko – podrinjskog kantona Goražde da

izvrši ovjeru i plaćanje II (druge) privremene situacije, u vrijednosti od 248.299,45 KM po Ugovoru o izvođenju radova na izgradnji mosta na rijeci Drini u naselju Osanica zaključenim sa privrednim društvom "HIDROGRADNJA" d.d. Sarajevo, a ministru za privredu da izvrši plaćanje računa u vrijednosti od 13.282,31 KM po Ugovoru o pružanju usluga nadzora na izvođenju ovih radova, zaključenim sa privrednim društvom "MEDIXON" d.o.o. Sarajevo.

Nakon uvodnog obrazloženja koje je dala ministrica Nermana Sofović, Vlada BPK-a Goražde dala je saglasnost ministru za boračka pitanja Bosansko – podrinjskog kantona Goražde da potpiše Ugovor o ustupanju radova na izradi i ugradnji šehidskih nišana sa d.o.o. "MERMER" Goražde, a koji je putem obnovljenog Obavještenja o javnoj nabavci metodom Konkurentskog zahtjeva, a na osnovu Zakona o javnim nabavkama, odobran kao najpovoljniji pružalac usluga ove vrste.

Za naknadu troškova banjsko-klimatskog liječenja 6 pacijenata u RRC "Fojnica", Vlada je odobrila novčana sredstva u iznosu od 3.234 KM, te usvojila Odluku kojom se odobrava isplata novčanih sredstava u iznosu od 2.080 KM Zavodu zdravstvenog osiguranja BPK Goražde na ime naknade za zdravstvenu zaštitu lica kojima je priznato svojstvo korisnika boračko-invalidske zaštite za mjesec oktobar 2006.godine. Iz budžeta Ministarstva za boračka pitanja odobrena su i novčana sredstva u iznosu od 130.000 KM za dodjelu jednokratne, bespovratne pomoći za rješavanje stambenih potreba boraca i članova njihovih porodica.

U nastavku sjednice, na prijedlog resornog ministra Muhameda Hadžića, članovi Vlade BPK-a Goražde odobrili su isplatu novčanih sredstava u visini od 57.497,36 KM firmi "Kaja-Company" d.o.o. Goražde za naknadu troškova po IV privremenoj situaciji unutrašnjeg opremanja zgrade "DOM." Usvojene su i odluke o odobravanju novčanih sredstava: Udruženju građana za pomoć mentalno retardiranim osobama Bosansko-podrinjskog kantona Goražde, u iznosu od 600 KM kao pomoć u radu Udruženja; Udruženju žena "Goraždanke" Goražde, u iznosu od 1.000 KM za realizaciju Projekta – "Edukacijom protiv karcinoma dojke", te jednokratnu novčanu pomoć u iznosu od 1.000 KM za liječenje Elvina Karkelje.

Vlada je ministru za socijalnu politiku, zdravstvo, raseljena lica i izbjeglice Bosansko-podrinjskog kantona Goražde Muhamedu Hadžiću odobrila službeno putovanje u Ankaru (Republika Turska) u periodu od 21. - 26. novembra 2006. godine, radi učestvovanja na međunarodnom simpozijumu, na kojem će učešće uzeti preko 20 zemalja iz Europe i Azije, a na poziv Uprave za međunarodnu saradnju Vlade Republike Turske – TIKa.

Nakon uvodnog obrazloženja ministra za finansije Milenka Grujića, Vlada BPK-a Goražde usvojila je zaključak u kojem se Izvještaj o izvršenju budžeta Bosansko – podrinjskog kantona Goražde za period od I – VI 2006.godine vraća Ministarstvu za finansije na doradu, uz obavezu svih budžetskih korisnika koji kod izvršenja Budžeta imaju visok indeks izvršenja za prvih šest mjeseci (preko 50% i 100%), da odmah dostave Ministarstvu za finansije obrazloženje zbog čega je došlo do ovih prekoračenja. Nakon dostave ovih obrazloženja, Ministarstvo za finansije

će Izvještaj sa potpunim obrazloženjem dostaviti Vladi Bosansko – podrinjskog kantona Goražde.

Usvojene su i odluke o preusmjeravanju sredstava u budžetima: JU OŠ “Ustikolina”, Kantonalne uprave za inspeksijske poslove Bosansko – podrinjskog kantona Goražde i JU OŠ “Fahrudin Fahro Baščelija”, te data saglasnost na Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta u Službi za zajedničke poslove kantonalnih organa Bosansko – podrinjskog kantona Goražde.

Do kraja svoje 49. redovne sjednice, Vlada BPK-a Goražde donijela je Odluku o usvajanju Programa za obilježavanje Dana državnosti BiH i imenovala Organizacioni odbor u sastavu:

- 1. dr. Alija Begović, predsjednik*
- 2. Nazif Uručić*
- 3. Emira Drakovac*
- 4. Nermana Sofović*
- 5. Anka Čurovac*

Članovi Vlade BPK-a Goražde dali su saglasnost Kantonalnoj upravi civilne zaštite Bosansko – podrinjskog kantona Goražde da izvrši plaćanje računa privrednom društvu “Tehnika” d.o.o. Goražde u iznosu od 1.240 KM, za nabavku i ugradnju dva (2) klima uređaja u prostorijama Kantonalne uprave civilne zaštite, te usvojili odluke: o odobravanju novčanih sredstava u iznosu od 11.500 KM Bošnjačko-planinarskom društvu “Goražde-Maglić” za stavljanje krova (lim i gromobranska instalacija) i potpuno građevinsko zatvaranje objekta planinarskog doma na Rudoj glavi; o jednokratnoj novčanoj pomoći u iznosu od 2.000 KM Samouk Adnanu za operativno liječenje; o odobravanju novčanih sredstava u iznosu od 1.000 KM Centru za kulturu Goražde za sponzorisane pozorišne predstave Mostarskog narodnog pozorišta i o odobravanju novčanih sredstava u iznosu od 1.000 KM UG ŠK “Vitkovići” Vitkovići za nabavku opreme i redovne aktivnosti.

50. sjednica

Usvajanjem prvih uredbi započela implementacija Zakona o policijskim službenicima!

Odobreno 3.000 KM za sanaciju kuće Uzeira Bajrice uništene u požaru!

Vlada Bosansko-podrinjskog kantona Goražde održala je 23.11.2006.godine svoju 50. redovnu sjednicu, kojom je predsjedavao Premijer BPK-a Goražde Nazif Uruči.

Na početku sjednice, članovi Vlade usvojili su Izvještaj u radu kantonalnog Ministarstva unutrašnjih poslova za mjesec oktobar 2006. godine, a na prijedlog ovog ministarstva usvojene su uredbе: o obliku službene policijske iskaznice i značke, o tekstu i načinu polaganja zakletve policijskih službenika i o privremenom ekster-nom premještanju policijskih službenika. Donošenje ovih uredbi, kako je istaknuto, početak je implementacije Zakona o policijskim službenicima. Vlada je dala saglasnost na Program o izmjeni i dopuni Programa utroška finansijskih sredstava iz Budžeta MUP-a, sa ekonomskog koda „Nabavka opreme“, te dala saglasnost ovom ministarstvu da izvrši nabavku jednog računara i dva printera za potrebe Uprave za administraciju i podršku s ciljem implementacije projekta CIPS –obrada saobraćaj-nih dozvola.

Ministar za unutrašnje poslove dobio je od Vlade saglasnost za potpisivanje ugovora o isporuci 260 komada policijskih uniformi sa firmama „Uslužnost“ d.o.o. iz Sarajeva i „SHOT“ d.o.o. iz Zenice.

Razmatrajući materijale iz oblasti Ministarstva za boračka pitanja, Vlada BPK-a Goražde odobrila je novčana sredstva u iznosu od 1.200 KM za sufinansiranje Udruženja porodica šehida i poginulih boraca BPK-a Goražde u realizaciji projekta obilaska djece šehida u povodu Kurban bajrama, a odobrena su i sredstva u iznosu od 2.156 KM za nadoknadu troškova banjско-klimatskog liječenja 4 pripadnika boračkih populacija u RRC „Fojnica“ u Fojnici.

Na prijedlog ministra za finansije Milenka Grujića, Vlada BPK-a Goražde usvojila je odluke o preusmjeravanju sredstava u budžetima za 2006. godinu: MUP-a BPK-a Goražde, Ministarstva za pravosuđe, upravu i radne odnose i JU OŠ „Hasan Turčalo-Brzi“ Ilovača.

Nakon uvodnog obrazloženja kojeg je dala ministrica za obrazovanje, nauku, kulturu i sport Emira Drakovac, članovi Vlade usvojili su Odluku o odobravanju novčanih sredstava JP RTV BPK-a Goražde u iznosu od 13.253,58 KM, za nabavku neophodne tehničke opreme, kao i Odluku o odobravanju novčanih sredstava Sportskom savezu BPK-a Goražde u iznosu od 6.840 KM, za popravku i reparaciju glavnog terena Gradskog stadiona u Goraždu. Vlada je dala saglasnost JU STŠ „Hasib Hadžović“ iz Goražda za realizaciju projekta „Uređenje dnevnog boravka za uč-nike i profesore škole“, te odobrila sredstva u iznosu od 1.150 KM za isplatu nagrada učenicima i njihovim nastavnicima, kao i za naknade članovima komisija za odabir

najboljih radova literarnih i likovnih radova u povodu obilježavanja Dana državnosti BiH. Vlada je odobrila isplatu redovnih tranši za mjesec novembar: Centru za stručnu obuku u iznosu od 6.000 KM; JP RTV BPK Goražde u iznosu od 7.000 KM, Sportskom savezu BPK-a Goražde u iznosu od 12.000 KM i JP KIC Prača- Radio Prači u iznosu od 2.000 KM. Novčana sredstva u iznosu od 2.866,50 KM iz budžeta ovog ministarstva izdvojiće se i za plaćanje računa firmi TANIWELS DIDAKTA d.o.o. iz Sarajeva za nabavku školskog namještaja za potrebe dislocirane nastave Ekonomskog fakulteta Univerziteta u Sarajevu.

U nastavku sjednice, Vlada Bosansko-podrinjskog kantona Goražde dala je saglasnost ministru za privredu Feridu Buči da izvrši isplatu podsticaja za poljoprivredu u iznosu od 25.580 KM, a odobrena su i redovna novčana sredstva na ime otplate prispjelih rata za izmirenje duga za isporučenu električnu energiju „Fabrike vode“ Vitkovići, za mjesec oktobar u iznosima od 6.285,33 i 8.483,33 KM.

Vlada je dala saglasnost Premijeru BPK-a Goražde da izvrši ovjeru i plaćanje Obračunske situacije, u vrijednosti od 43.270,38 KM i I (prve) privremene situacije, u vrijednosti od 130.085,70 KM, po Ugovoru i Aneksu Ugovora za izvođenje radova na sanaciji ulica „Zaima Imamovića“ i „Ruždije Islamagića“, zaključenim sa privrednim društvom „Goraždeputevi“ d.d. Goražde.

Saglasnost je data i na Odluku Upravnog odbora Službe za zapošljavanje BPK-a Goražde o izmjenama i dopunama Finansijskog plana ove službe za 2006. godinu, a nakon toga usvojena je Odluka o odobravanju finansijskih sredstava Direkciji robnih rezervi BPK-a Goražde u iznosu od 40.000 KM, za interventnu nabavku lož ulja za potrebe institucija Bosansko-podrinjskog kantona.

Služba za zajedničke poslove BPK-a Goražde dobila je od Vlade saglasnost da izvrši nabavku stalnih sredstava i informatičke opreme, kao i da izvrši plaćanje računa firmi „Goraždestan“ d.o.o. Goražde u iznosu od 1.612,04 KM, za usluge servisiranja i održavanja kontejnerske kotlovnice u zgradi Vlade kantona.

Do kraja svoje 50.redovne sjednice, Vlada BPK-a Goražde usvojila je odluke o odobravanju novčanih pomoći: Udruženju pčelara „Bagrem“ Goražde u iznosu od 1.000 KM, za održavanje Skupštine udruženja, Udruženju žena kućne radinosti „Motiv“ iz Goražda u iznosu od 300 KM, za redovne aktivnosti, Šahovskom klubu „Goražde“ u iznosu od 1.000 KM, za učešće na Otvorenom seniorskom pojedinačnom prvenstvu BiH za 2006. godinu, a odobrena je i jednokratna novčana pomoć Goraždaninu Uzeiru Bajrici u iznosu od 3.000 KM, za sanaciju kuće uništene u požaru.

Na kraju sjednice, Vlada BPK-a Goražde donijela je Odluku o usvajanju Finansijskog plana za obilježavanje Dana državnosti BiH u iznosu od 2.527 KM, a nakon uvodnog obrazloženja ministra za pravosuđe, upravu i radne odnose Midhata Bašića, Vlada je usvojila zaključak kojim je zadužila Ministarstvo za pravosuđe, upravu i radne odnose da za Vladu pripremi cjelovitu Informaciju o reformi sudova za prekršaje u FBiH, sa prijedlogom mjera i zaključaka koji su u nadležnosti Vlade BPK-a Goražde.

51. sjednica

Vlada odobrila 278 studentska kredita!

Kredite za studijsku 2006/2007 dobilo je svih 278 studenata sa područja Bosansko-podrinjskog kantona Goražde koji su aplicirali na konkurs za dodjelu kredita i koji ispunjavaju previđene uslove. Ovo je odluka Vlade Bosansko-podrinjskog kantona Goražde na 51. redovnoj sjednici, održanoj 30.11.2006.godine kojom je predsjedavao Premijer, Nazif Uruči.

Za 15 studenata koji spadaju u specijalnu kategoriju, a riječ je o osobama sa onesposobljenjem, deficitarnim kadrovima, djeci bez oba roditelja i učenicima generacije, Ministarstvo za obrazovanje, nauku, kulturu i sport izdvajaće u narednih deset mjeseci sredstva u iznosu od po 150 KM mjesečno po pojedincu, dok će ostali studenti dobivati po 100 KM mjesečno. Redovnim kreditiranjem studenata, a ovog puta i uključivanjem svih studenata koji su ispunjavali uslove u proces kreditiranja, Vlada Bosansko-podrinjskog Goražde provodi aktivne mjere finansijske potpore budućih visokoobrazovanih kadrova i mladih ljudi koji će nakon završenog studija svoj prvi posao potražiti u ovom Kantonu.

Učešćem u sufinansiranju dijela troškova postdiplomskih studija, o čemu je takođe, donesena Odluka na ovoj sjednici, Vlada BPK-a Goražde u narednom periodu finansijski će pomoći školovanje budućih magistara i doktora nauka.

U nastavku sjednice, Vlada je dala saglasnost OŠ „Fahrudin Fahro Baščelija“ za sanaciju ulaznih vrata u starom dijelu i mokrog čvora u novom dijelu zgrade, za nabavku nastavnih sredstava za predmete matematika i fizika kao i za nabavku školskog namještaja za dvije učionice, a odobreno je i plaćanje računa STR „MAP AUTO“ u iznosu od 1.575 KM, koji se odnosi na nabavku šest zimskih guma i lanaca za snijeg za školsko kombi vozilo.

Sredstva u iznosu od 1.440 KM odobrena su za realizaciju polaganja stručnih ispita nastavnika osnovnih i srednjih škola u oktobarskom roku, dok su sredstva u iznosima od 29.763, 51 KM i 2.936,70 KM odobrena firmama: „Goraždestan“ za rekonstrukciju dijela JU MŠS „Enver Pozderović“ i „TANIWELS DIDAKTA“ d.o.o. iz Sarajeva za nabavku školskog namještaja, za potrebe Odjeljenja Ekonomskog fakulteta u Goraždu.

Vlada BPK-a Goražde odobrila je isplatu novčanih sredstava za 243 korisnika prava iz zaštite civilnih žrtava rata po osnovu usklađivanja visine mjesečnih primanja za mjesec februar 2005. godine u iznosu od 40.148,70 KM, te donijela Odluku o učešću u sufinansiranju realizacije Projekta elektrifikacije povratničkih naselja Krč, Milatovići i Bučkovići u općini Čajniče, u iznosu od 15.000 KM, kojeg će implementirati „Švicarski Caritas“ Sarajevo.

Vlada je odobrila novčana sredstva u iznosu od 2.000 KM kao pomoć za sanaciju i rekonstrukciju lokalnog puta i mosta u povratničkim selima Popov Most, Šadići, Ćurevo i Grče u općini Foča, a na ovoj sjednici, odobrena je i pomoć za liječenje teško oboljele djece Amele Hadžović i Denisa Čarkića, u iznosima od

2.700 KM i 1.000 KM.

Odobrena je, takođe, isplata novčanih sredstava u visini od 16.906,82 KM firmi „Kaja Company“ d.o.o. Goražde za obračun konačne situacije dodatnih radova na unutrašnjem opremanju zgrade „DOM“, kao i novčanih sredstava u visini od 5.000 KM Općini Pale-Prača za sanaciju i obnovu infrastrukture u mjestima povratka (rekonstrukcija vodovodne mreže)- Donja Čemernica, MZ Hrenovica u kojoj živi osam povratničkih porodica.

Članovi Vlade usvojili su i rješenje o razrješenju Upravnog odbora JU Kantonalna bolnica Goražde i donijeli rješenje o privremenom imenovanju, na 60 dana, novog Upravnog odbora ove zdravstvene ustanove u kome se nalaze članovi iz starog saziva, izuzev dr. Huseina Praša, koji je na ovoj poziciji zamijenio dr. Fehmu Kovač.

Na prijedlog ministra za finansije Milenka Grujića, Vlada je usvojila osnovicu za plaću zaposlenih lica u kantonalnim organima uprave, kantonalnim ustanovama i drugim pravnim licima koji se finansiraju iz Buždeta BPK-a Goražde, za mjesec novembar 2006. godine, u iznosu od 308 KM, osim za zaposlene u MUP-u, čija se osnovica utvrđuje na osnovu Uredbe o utvrđivanju platnih razreda i koeficijentata za zaposlene MUP-a Goražde. Naknada za topli obrok u ovom mjesecu, po prvi put uvećana je sa 5,20 KM na 7 KM po jednom radnom danu. Vlada je dala saglasnost ministru za finansije za plaćanje računa firmi „ORACLE BH“ d.o.o. Sarajevo u sveukupnom iznosu od 37.656,49, na ime kupovine 15 programskih licenci i usluge tehničke podrške za period 01.11.2006. – 31.10.2007.godine, u skladu sa potpisanim Ugovorom. Usvojene su i odluke o preusmjeravanju sredstava u budžetima Direkcije za robne rezerve BPK-a Goražde i JU STŠ „Hasib Hadžović“ Goražde, te odobren službeni put u Austriju pomoćniku ministra za trezor Emimi Gabeli, na dvodnevni seminar o modulu stalnih sredstava.

Iz oblasti Ministarstva za boračka pitanja, Vlada je odobrila novčana sredstva u iznosu od 800 KM kao pomoć za liječenje ratnih vojnih invalida Husa Uhoće i Hilma Muhovića, te novčana sredstva u iznosu od 5.000 KM za pomoć u radu boračkih udruženja i to: Udruženju demobilisanih boraca Foča-Ustikolina- 1.500 KM, Udruženju demobilisanih boraca Kopači-2.000 KM i Udruženju veterana rata, zelenih beretki i patriotske lige- 1.500 KM. Iz budžeta ovog ministarstva odobrena je isplata sredstava u iznosu od 1.300 KM firmi „Mermer „ d.o.o. iz Goražda, za vršenje usluga brušenja i ispisivanja 5 šehidskih nišana u mezarju Kolijevke, kao i isplata sredstava u iznosima od 350 i 400 KM, za sufinansiranje učešća ekipa RVI na XI Državnom prvenstvu u šahu na Ilidži i na XIII Državnom prvenstvu u streljaštvu u Zenici.

Članovi Vlade Bosansko-podrinjskog kantona Goražde na svojoj 51. redovnoj sjednici dali su saglasnost ministru za privredu za plaćanje računa firmi „Goraž-deputevi“ d.d. Goražde u iznosima od 43.255 KM i 53.909,80 KM, za sanaciju i modernizaciju lokalnih puteva i ulica na području općine Goražde, kao i za sanaciju asfaltnih kolovoza i cestovnih objekata, a odobreno je i plaćanje računa

OTR „Toplovod“ iz Goražda u vrijednosti od 1.240,77 KM po Ugovoru o nabavci i ugradnji grijnih tijela u prostorijama Ministarstva za privredu BPK- a Goražde.

Vlada je usvojila i set odluka o odobravanju novčanih sredstava iz budžeta Ministarstva za urbanizam, prostorno uređenje i zaštitu okoline za plaćanje naknade Općini Goražde za pogodnost građevinskog zemljišta (rente) za 10 dograđenih stanova u ulici “Zaima Imamovića” 8-10 i 18-20 u Goraždu u visini od 75.734,40 KM, te za otklanjanje nedostataka navedenih u Izvještaju Komisije za tehnički prijem, u iznosima od 2.480 KM, 725,40 KM i 3.017 KM. Na ovaj način otklonjene su sve prepreke za izdavanje upotrebne dozvole, što sadašnjim korisnicima ovih stanova otvara mogućnost za njihov otkup.

Članovi Vlade Bosansko-podrinjskog kantona Goražde dali su saglasnost Ministarstvu za unutrašnje poslove BPK-a Goražde za provođenje postupka popune upražnjenog radnog mjesta načelnika Sektora za administraciju u Upravi za administraciju i podršku MUP-u BPK-a Goražde, te usvojili odluke o odobravanju grantova općinama Pale- Prača i Foča – Ustikolina za mjesec novembar 2006. godine u iznosima od po 45.000 KM.

Na kraju ove sjednice, Vlada BPK-a Goražde primila je k znanju informaciju ministra za pravosuđe, pravu i radne odnose Midhata Bašića koja se odnosi na reformu prekršajnih sudova u Federaciji BiH, a razmatrajući zahtjeve za finansijsku pomoć usvojila je odluke o odobravanju novčanih sredstava: FK „Goražde“ – 2.000 KM za redovne aktivnosti, Medžlisu Islamske zajednice Goražde- 2.000 KM za zagrijavanje mektebskih prostorija i Medžlisu Islamske zajednice Ustikolina- 1.500 KM kao pomoć za izgradnju mesdžida/mekteba u Mrđelićima.

52. sjednica

Odobrena pomoć Udruženju građana za pomoć mentalno retardiranim osobama za učešće na „Sedmici košarke“ u Prijedoru!

Vlada Bosansko- podrinjskog kantona Goražde na svojoj 52. redovnoj sjednici, koja je pod predsjedavanjem Premijera Nazifa Uručija održana 08.12.2006. godine, odobrila je Udruženju građana za pomoć mentalno retardiranim osobama BPK-a Goražde 1.500 KM i na taj način pomogla odlazak članova ovog udruženja u Prijedor na takmičenje u košarci, povodom „Sedmice košarke“. Sa 1.000 KM Vlada će sufinansirati i goraždanskog učitelja Fadila Konakovića u štampanju knjige pod nazivom „Pisma tuge i bola“. Riječ je o zbirci ratnih pisama i dnevnika bosanske djece koja su dvije godine posredstvom rahmetli Hakije Turajlića i libijske Vlade, boravila u Libiji. Ova pisma zbog ratnih dejstava ostala su u školskim klupama i nikad nisu stigla na svoja odredišta, ali su ostala trajno svjedočanstvo o tom vremenu i danima u izbjeglištvu.

Za finansiranje troškova realizacije projekata iz Programa utroška sredsta-

va, Crvenom križu BPK-a Goražde iz budžeta Ministarstva za socijalnu politiku, zdravstvo, raseljena lica i izbjeglice izdvojiće se sredstva u iznosu od 6.000 KM.

Na zahtjev ministrice Emire Drakovac, Vlada BPK-a Goražde odobrila je da se iz budžeta Ministarstva za obrazovanje, nauku, kulturu i sport izdvoje sredstva Općini Goražde u iznosu od 10.000 KM za sufinansiranje dijela programskih sadržaja 12. Sarajevo Film Festivala (SFF), održanog u Goraždu u periodu 24.08.-28.08. 2006. godine, a ista suma odobrena je i Sportskom savezu BPK-a Goražde za troškove grijanja u Gradskoj dvorani „Mirsad Huric“, u kojoj se održava nastava tjelesnog odgoja za dvije srednje škole, kao i treninzi i utakmice za dvoranske sportove. Za sufinansiranje manifestacija u 2006. godini javnoj ustanovi Centar za kulturu Goražde iz budžeta Ministarstva za obrazovanje, nauku, kulturu i sport biće izdvojeno 3.500 KM. Usvojena je i Odluka o uplati mjesečne rate u iznosu od 15.000 KM Ekonomskom fakultetu Univerziteta u Sarajevu, u skladu sa Ugovorom o sufinansiranju izvođenja nastave u dislociranom odjeljenju ovog fakulteta u Goraždu.

Razmatrajući materijale iz oblasti Ministarstva za boračka pitanja, Vlada BPK-a Goražde usvojila je Odluku o isplati jednokratnih pomoći borcima i članovima njihovih porodica (Vgrupa), u visini od 12.800 KM koju će dobiti još 76 korisnika. Odobrena je isplata novčanih sredstava u iznosu od 5.900 KM na ime pomoći za rad udruženja boračkih populacija, 2.500 KM za sufinansiranje troškova zajedničkog Projekta poboljšanja statusa boračke populacije, 2.080 KM Zavodu zdravstvenog osiguranja na ime naknade za zdravstvenu zaštitu lica kojima je priznato svojstvo korisnika boračko-invalidske zaštite- sve ovo za mjesec novembar 2006. godine, kao i 1.764 KM za troškove banjско-klimatskog liječenja 3 pripadnika boračke populacije u RRC „Fojnica“.

Na ovoj sjednici, Vlada BPK-a Goražde odobrila je isplatu sredstava za podsticaj u poljoprivredi u iznosu od 51.904 KM. Novčanu podršku dobiće poljoprivredni proizvođači koji se bave plasteničkom proizvodnjom, uzgojem priplodnih ovaca i junica, kao i za zasnivanje voćnjaka visokostablašica na kontinentalnom području, za proizvodnju rasadničkog materijala i za proizvodnju konzumne i industrijske jabuke.

Naknadu štete, koju su prouzrokovali vukovi napadom na ovce, u iznosima od 300,150 i 525 KM dobili su farmeri: Fadil Drugovac i Jusuf Čolo iz sela Datelji, općina Prača, te Milena Perišić iz Dubišta, općina Goražde.

U nastavku sjednice, Vlada je dala saglasnost ministru za privredu da izvrši plaćanje računa „Kaja Company“ u iznosu od 20.534 KM, koji se odnosi na izvođenje radova na izradi potpornog zida i saobraćajnice Obarak, kao i računa firmi „Cesta 100“ d.o.o. Goražde u iznosu od 27.280 KM, koji se odnosi na sanaciju nekategorisanih puteva na području općine Goražde i okolnih općina.

Vlada BPK-a Goražde odobrila je ministru za finansije da firmi „ORACLE BH“ d.o.o. iz Sarajeva isplati dva računa u sveukupnoj vrijednosti od 2.999 KM na ime usluga funkcionalne podrške za mjesec septembar i oktobar 2006. godine, a data

je i saglasnost za preusmjeravnje sredstava u budžetima: Direkcije robnih rezervi BPK-a Goražde, JU OŠ „Mehmedalija Mak Dizdar“ Vitkovići, JU OŠ „Husein ef. Đozo“ i JU SSŠ „Džemal Bijedić“ Goražde, dok je Kantonalnom pravobranilaštvu i Uredu interne revizije Vlada odobrila nabavku kompjuterske opreme.

Od ostalih aktuelnih informacija izdajamo davanje saglasnosti na Pravilnik o disciplinskoj odgovornosti policijskih službenika, kao i Odluku o odobravanju isplate novčanih sredstava u visini od 100.450 KM firmi „EURO PROST“ d.o.o. Gračanica za troškove izvođenja radova na sanaciji 19 devastiranih liftova na području BPK-a Goražde – I privremena situacija.

Na kraju svoje 52. redovne sjednice, članovi Vlade Bosansko-podrinjskog kantona Goražde dali su saglasnost Premijeru kantona za potpisivanje Ugovora sa Općinom Goražde, SERDOM i Elektoprivredom BiH o sufinansiranju troškova elektrifikacije povratničkog naselja Kolijevke, u kojem Vlada BPK-a Goražde učestvuje sa sredstvima od 20.000 KM.

53. sjednica

Odobrena sredstva za izgradnju i ugradnju 30 pari šehidskih nišana

Vlada Bosansko-podrinjskog kantona Goražde održala je 21.12.2006.godine svoju 53. redovnu sjednicu, kojom je predsjedavao Premijer Nazif Uruči.

Vlada je na ovoj sjednici razmatrala i usvojila Izvještaj o izvršenju Budžeta Bosansko-podrinjskog kantona Goražde za period januar-juni 2006.godine, te donijela niz odluka o preusmjeravanju sredstava u budžetima budžetskih korisnika za 2006. godinu. Ovo je u skladu sa ranije usvojenom odlukom po kojoj je svaki od budžetskih korisnika trebao da pronađe unutrašnje rezerve sredstava i preusmjeri ih na tekuće potrebe neophodne za nesmetan rad do usvajanja rebalansa Budžeta. Usvojena je osnovica za plaću i naknada za topli obrok za mjesec decembar 2006. godine, kao i Odluka o formiranju popisnih komisija za 2006. godinu, te data saglasnost na Uputstvo o obavljanju priprema za popis i o radu popisnih komisija.

Razmatrajući materijale iz oblasti Ministarstva za privredu, Vlada BPK-a Goražde dala je saglasnost ministru za privredu za plaćanje računa firmi „Goraždeputevi“ u iznosu od 57.716,70 KM za izvršene radove na redovnom održavanju makadamskih puteva, kao za plaćanje fakture u vrijednosti od 2.281,50 KM privrednom društvu „OICOS“ d.o.o. iz Sarajeva prema Ugovoru o kupoprodaji šumarske opreme za potrebe kantonalne Uprave za šumarstvo. Ministar za privredu dobio je od Vlade saglasnost da zaključi Ugovor o pružanju usluga dijagnosticanja, suzbijanja i spriječavanja širenja i iskorjenjivanja zaraznih bolesti životinja- dijagnostika bruceloze ovaca na području općine Goražde sa privrednim društvom Veterinarska stanica d.o.o. Goražde, u vrijednosti od 7.500 KM, dok će isti ugovor za općine Foča-Ustikolina i Pale-Prača, u vrijednostima od 2.700 i 2.300 KM biti

potpisan sa privrednim društvom „Veterinarska medicina“ d.o.o. Ustikolina. Vlada BPK-a Goražde dala je saglasnost Premijeru da izvrši ovjeru i plaćanje III privremene situacije u vrijednosti od 53.171,35 KM prema Ugovoru o izvođenju radova na izgradnji mosta na rijeci Drini u naselju Osanica, zaključenim sa privrednim društvom „Hidrogradnja“ d.d. Sarajevo, dok je ministru za privredu odobreno plaćanje II privremene situacije na osnovu Ugovora o zajedničkom finansiranju i izvođenju radova na izgradnji potisnog cjevovoda za vodovodni sistem Ustikoline sa privrednim društvom „OKAC“ d.o.o. Goražde u iznosu od 7.533 KM, kao i Ugovora za izvođenje radova na sanaciji klizišta na putu Prača-Dateljji-Orahovice, sa JKP „Prača“ iz Prače, u vrijednosti od 9.720 KM.

Vlada je zaključkom zadužila Ministarstvo za privredu Bosansko–podrinjskog kantona Goražde i da sačini Projekat kojim će se regulisati održavanje magistralnog puta M-5-Hrenovica Mesići, te puta Grebak-Turbeta.

U nastavku sjednice, Vlada BPK-a Goražde dala je saglasnost ministrici za boračka pitanja da izvrši plaćanje računa u iznosu od 2.695 KM za banjsko-klimatsko liječenje 5 pripadnika boračke populacije u RRC «Fojnica» Fojnica, te odobrila novčana sredstva u iznosu od 5.900 KM kao pomoć za rad udruženja boračkih populacija, za mjesec decembar 2006.godine. Odobrena su, takođe, novčana sredstva u iznosu od 20.954,70 KM na ime izrade i ugradnje 30 pari šehidskih nišana na području Bosansko – podrinjskog kantona Goražde kao i RS, a po Ugovoru zaključenom između Ministarstva za boračka pitanja i d.o.o. «MERMER» Goražde.

Nakon uvodnog obrazloženja ministra Nusreta Sipovića, Vlada je donijela Uredbu o dodjeljivanju i oduzimanju činova policijskim službenicima Bosansko – podrinjskog kantona Goražde, te dala saglasnost Ministarstvu unutrašnjih poslova Bosansko – podrinjskog kantona Goražde da potpiše ugovore o javnoj nabavci roba u provedenom postupku izbora najpovoljnijeg ponuđača za nabavku dijelova uniformi i obuće za Jedinicu za podršku, sa firmom “Koteks” d.o.o. iz Tešnja, u vrijednostima od 1.895,40 KM i 10.541,70 KM.

Uvodno obrazloženje po šestoj tački dnevnog reda dao je ministar Vladimir Nedimović, nakon čega je donešena Odluka o isplati novčanih sredstava u iznosu od 5.000 KM Službi za geodetske i katastarske poslove Općine Goražde, za podršku finansiranja Projekta obnove geodetske mreže.

Vlada je odobrila i isplatu novčanih sredstava u iznosu od 3.530 KM u korist Zavoda za zdravstveno osiguranje Bosansko-podrinjskog kantona Goražde, na ime finansiranja obaveznog zdravstvenog osiguranja socijalno ugroženih kategorija radnika sa prebivalištem na području Kantona, koji ne ostvaruju prava iz radnog odnosa, a nisu zdravstveno osigurani po drugom osnovu.

Zavodu za javno zdravstvo Bosansko-podrinjskog kantona Goražde odobrena su sredstva u iznosu od 4.000 KM za finansiranje troškova realizacije projekata iz Programa utroška sredstava, te usvojena Odluka o dodjeli jednokratne novčane pomoći u iznosu od 300 KM za liječenje Mevle Hasković iz Goražda.

Redovna 53. sjednica Vlade Bosansko-podrinjskog kantona Goražde nastav-

ljena je usvajanjem Izvještaja Organizacionog odbora 43-ih Sandžačkih igara, održanih u Goraždu od 20.07.2006. do 23.07.2006.godine. S tim u vezi, naloženo je Ministarstvu za finansije da ugasi transakcijski račun 43-ih Sandžačkih igara i preostali novac po Izvještaju prebaci na transakcijski račun Vlade Bosansko – podrinjskog kantona Goražde, te da arhivira finansijsku dokumentaciju, a Ministarstvu za obrazovanje, nauku, kulturu i sport da izvrši arhiviranje pečata i dokumentacije 43-ih Sandžačkih igara.

Iz budžeta ovog ministarstva odobrena je redovna isplata novčanih sredstava za mjesec decembar 2006. godine : JP KIC Prača-Radio Prača- 2000 KM, JP RTV BPK-a Goražde- 7.000 KM, Sportskom savezu BPK-a Goražde- 13.000 KM i Centru za stručnu obuku Goražde- 11.500 KM, za redovnu i izmirenje zastale plaće i drugih potraživanja.

Vlada je dala saglasnost JU SSŠ “Džemal Bijedić” iz Goražda da izvrši plaćanje računa u iznosu od 1.625,70 KM firmi “Goraždestan” d.o.o. Goražde za izvršene građevinsko- zanatske radove, kao i saglasnost JU O.Š. “Ustikolina” Ustikolina za plaćanje računa Izdavačkoj kući “BOSANSKA RIJEČ” Sarajevo, u iznosu od 3.789,29 KM, koji se odnosi na nabavku školske lektire (51 naslov).

Usvojena je i Odluka o sufinansiranju troškova prijevoza za redovne studente dislocirane nastave Ekonomskog fakulteta Univerziteta u Sarajevu -Odjeljenje Goražde, za studijsku 2006/2007.godinu. Vlada Bosansko-podrinjskog kantona Goražde će u skladu sa ovom odlukom, sufinansirati troškove prijevoza za redovne studente dislocirane nastave Ekonomskog fakulteta Univerziteta u Sarajevu – Odjeljenje Goražde na svim registrovanim općinskim linijama dužim od 4 km u iznosu od 50%. Prijevoz za studente, djecu šehida, poginulih i nestalih boraca, RVI sa najmanje 70 % invalidnosti, porodice čija primanja po članu domaćinstva nisu veća od 100 KM, neuposlenih demobilisanih boraca, štićenika Centra za socijalni rad, finansirat će se u iznosu od 100 %.

Vlada je odobrila i novčana sredstva u iznosu od 12.729,18 KM za sufinansiranje podstiplomskog studija i to: dijela troškova upisnine u iznosu dvije prosječne plaće (1.060,68 KM) na nivou Bosansko-podrinjskog kantona Goražde, za šest kandidata, i dijela troškova odbrane i izrade magistarskog rada u iznosu tri prosječne plaće (1.591,02 KM) na nivou Bosansko-podrinjskog kantona Goražde, za četiri kandidata.

JU OŠ “Hasan Turčalo Brzi” Ilovača dobila je od Vlade saglasnost na Idejni projekat za izgradnju fiskulturne sale i kotlovnice za grijanje koji će škola kandidovati kod Agencije za održivi razvoj (ODRAZ). Sredstva za učešće u sufinansiranju Projekta (30% ukupne vrijednosti) škola je dužna obezbijediti u svom Budžetu za 2007.godinu.

Do kraja sjednice, Vlada Bosansko-podrinjskog kantona Goražde dala je saglasnost Direkciji robnih rezervi Bosansko – podrinjskog kantona Goražde da izvrši plaćanje računa u iznosu od 1.800 KM za opravku viljuškara BOSS, Službi za zajedničke poslove kantonalnih organa Bosansko – podrinjskog kantona Goražde da

izvrši plaćanje računa u iznosu od 1.058,85 KM firmi «ONIPROM d.o.o. Goražde, za usluge servisiranja kopir aparata , te odobrila grantove za mjesec decembar 2006. godine općinama Pale-Prača i Foča-Ustikolina, u iznosima od po 45.000 KM.

Usvojen je, takođe, prijedlog da iznos od 65.000 KM koji je stigao kao namjenski grant za plaćanje dalekovoda i trafostanice bude unesen u Rebalans budžeta kao poseban kod na Budžetu Vlade BPK-a Goražde, te da poslije toga bude done-sena Odluka o plaćanju ovog iznosa Elektroprivredi F BiH.

Data je saglasnost za raspisivanje i javno objavljivanje Obavještenja o javnim nabavkama za pružanje usluga i nabavku roba za potrebe Bosansko – podrinjskog kantona Goražde, kao i saglasnost budžetskim korisnicima, da do završetka postupka izbora najpovoljnijeg ponuđača, u skladu sa raspisanim Obavještenjem, nabavku roba, ustupanje radova i usluga vrše sa punudačima koji su navedene poslove za potrebe Bosansko – podrinjskog kantona Goražde obavljali u budžetskoj 2006.godini, a prema prethodno raspisanom Javnom pozivu i izboru najpovoljnijih ponuđača.

Na kraju 53. redovne sjednice, Vlada Bosansko-podrinjskog kantona Goražde usvojila je Odluku o raspodjeli novčanih sredstava u iznosu od 43.713 KM ostvarenih u procesu privatizacije TRO «Perućica» Foča, kako slijedi:

- *za finansiranje Agencije za privatizaciju BPK* 8.742,60 KM
- *za sanaciju fonda PIO* 8.742,60 KM
- *za izmirenje unutrašnjeg duga* 26.227,80 KM

Odobrene su i jednokratne novčane pomoći: Vahidu Pašiću - 3.000 KM, za troškove liječenja i operativnog zahvata, Osmanu Kovaču - 1.800 KM, za ugradnju bifurkacione proteze i Kenanu Garčeviću - 1.000 KM, kao sponzorstvo za snimanje pjesme sa kojom će učestvovati na III Radijskom festivalu BiH.

54. sjednica

Usvojen rebalans Budžeta BPK-a Goražde za 2006.godinu u iznosu od 28.352 000 KM

Na početku 54. redovne sjednice Vlade Bosansko-podrinjskog kantona Goražde, koja je održana 25.12. 2006.godine pod predsjedavanjem Premijera Nazifa Uručija, razmatran je i usvojen prijedlog Odluke o izmjenama i dopunama Budžeta Bosansko-podrinjskog kantona Goražde i upućen Skupštini BPK-a Goražde na usvajanje. Rebalans Budžeta BPK-a Goražde nakon unutrašnjih preusmjeravanja sredstava između budžetskih korisnika, ostao je na nivou ranije utvrđene sume od 28.352 000 KM. Budući da zbog zastoja u konstituisanju nove vlasti nije usvojen Budžet BPK-a Goražde za 2007. godinu, Vlada je usvojila i Odluku o privreme-

nom finansiranju potreba Bosansko-podrinjskog kantona za period od 01.01. do 31.03.2007. godine, u iznosu od 5.530 000 KM, srazmjerno sredstvima utrošenim u istom periodu predhodne fiskalne godine. Na istom pricipu, usvojene su i upućene u skupštinsku proceduru, odluke o privremenom finansiranju JU Kantonalni Zavod zdravstvenog osiguranja u iznosu od 1.747.500 KM i Kantonalne službe za zapošljavanje, u iznosu od 396.127 KM.

U nastavku 54. redovne sjednice, članovi Vlade Bosansko-podrinjskog kantona Goražde usvojili su Odluku o utvrđivanju prestanka dužnosti za dvoje sudija i jednog stručnog saradnika u Općinskom sudu za prekršaje na osnovu zakona (ex lege), zaključno sa 30.11.2006. godine. Sudije za prekršaje i stručni saradnik, koje Visoko tužilačko vijeće nije imenovalo za sudije u sudove u Federaciji BiH, imaće prema ovoj odluci pravo na plaću u iznosu jednakom njihovoj posljednjoj plaći, kao i druge naknade, u periodu od šest mjeseci nakon utvrđivanja prestanka službe/dužnosti sudije. Vlada je donijela, takođe, i zaključak o preuzimanju jednog državnog namještenika iz bivšeg Općinskog suda za prekršaje koji je nakon pripajanja ovog suda Općinskom sudu Goražde ostao bez posla.

Na ovoj sjednici, razmatran je i usvojen Izvještaj o radu kantonalnog Ministarstva za unutrašnje poslove za mjesec novembar ove godine, kao i Odluka o ustupanju terenskog vozila, vlasništvo ovog ministarstva, Ministarstvu za privredu BPK-a Goražde.

Razmatrajući odluke iz oblasti Ministarstva za prostorno uređenje, urbanizam i zaštitu okoline, Vlada Bosansko-podrinjskog kantona usvojila je Odluku o odobravanju novčanih sredstava u iznosu od 108.681,60 KM za uplatu rente Općini Goražde za potkrovne stanove u ulici „Maršala Tita“ u Goraždu, čime je otklonjena još jedna od prepreka za tehnički prijem i izdavanje upotrebne dozvole za ove novosagrađene potkrovne stanove. Iz budžeta ovog ministarstva odobrena su i sredstva Bošnjačko planinarskom društvu „Goražde-Maglič“, u iznosu od 1000 KM za realizaciju projekta „EKO-KVIZ“, manifestacije obrazovnog, zabavnog i takmičarskog karaktera iz oblasti zaštite čovjekove okoline.

Vlada je u nastavku sjednice donijela Rješenje o imenovanju Komisije za rješavanje stambenih potreba boraca i članova njihovih porodica u drugom stepenu. Zadatak ove komisije je rješavanje po žalbama o pravu na odobravanje kredita za rješavanje stambenih potreba boraca i članova njihovih porodica, u postupku sprovedenom prema usvojenom Pravilniku o osnovama, mjerilima, kriterijima i postupcima za odobravanje kredita.

Članovi Vlade Bosansko-podrinjskog kantona Goražde na svojoj 54. redovnoj sjednici usvojili su i Odluku o odobravanju plaćanju avansa Veterinarskoj stanici Goražde u iznosu od 3.750 KM prema Ugovoru o pružanju usluga dijagnosticanja, suzbijanja i spriječavanja širenja i iskorjenjivanja zaraznih bolesti životinja-dijagnostika bruceloze ovaca, a Direkcija za robne rezerve BPK-a Goražde dobila je od Vlade saglasnost da zbog neusvajanja rebalansa Budžeta BPK-a Goražde i nemogućnosti za nabavku potrebnih količina lož ulja, koristi lož ulje robnih re-

zervi za potrebe grijanja budžetskih korisnika, koje će nadomiriti do kraja grijne sezone 2006/2007.

Vlada je odobrila Srednjoj tehničkoj školi „Hasib Hadžović“ plaćanje dva računa u iznosima od 3.829 i 4.965 KM firmama „Semikem“ iz Sarajeva i „Konjuh“ Živinice, za nabavku laboratorijske opreme, odnosno, školskog namještaja, a JP „Sportsko kulturno privrednom centru“ iz Goražda odobrena su sredstva u iznosu od 3.000 KM za nabavku i kompletiranje 4 koša za basket, dva u općini Goražde i po jedan u općinama Foča-Ustikolina i Pale-Prača.

Redovna 54. sjednica Vlade Bosansko-podrinjskog kantona Goražde završena je razmatranjem materijala koji se nalaze na dnevnom redu konstituirajuće sjednice Skupštine BPK-a Goražde, čiji je nastavak zakazan za srijedu, 27.12.2006.godine.

55. sjednica

Zdravstvenim ustanovama odobrena sredstva za grijanje i ublažavanje negativnih posljedica uvođenjem PDV-a za lijekove

Vlada Bosansko-podrinjskog kantona Goražde pod predsjedavanjem Nazifa Uručija, održala je 28.12.2006.godine svoju 55.redovnu sjednicu, posljednju u 2006. godini.

Na početku sjednice, Vlada je razmatrala materijale iz oblasti Ministarstva za pravosuđe, upravu i radne odnose i usvojila Rješenje o utvrđivanju oznaka za organe Bosansko-podrinjskog kantona Goražde za vođenje osnovnih i pomoćnih knjiga evidencije o predmetima i aktima u 2007.godini, te dala saglasnost Općinskom i Kantonalnom sudu Goražde za plaćanje računa firmi „Oniprom“ za nabavku opreme, u iznosima od 2.964,78 KM, 1.996 KM i 1.500 KM.

Razmatrajući materijale iz oblasti Ministarstva za privredu, Vlada BPK-a Goražde dala je saglasnost ministru za privredu da izvrši plaćanje računa firmi „Koteks“ d.o.o. iz Tešnja u vrijednosti od 9.962,55 KM za isporuku šumarske opreme, te da izvrši plaćanje naknade Komisiji za reviziju Glavnog projekta uređenja korita rijeke Koline u Ustikolini u iznosu od 1.200 KM. Ministar za privredu dobio je saglasnost na Projekt zimskog održavanja prohodnosti putnih pravaca Hrenovica-Mesići, Grebak-Turbeta i puteva za povratnička naselja, kao i za plaćanje računa: privrednom društvu „Medixon“ d.o.o. Sarajevo, u vrijednostima od 3.961,88 KM i 6.771,37 KM, po Aneksu Ugovora o pružanju nadzora na izvođenju radova na sanaciji ulica „Zaima Imamovića“ i „Ruždije Islamagića“ i nadzora na izvođenju radova na izgradnji mosta na rijeci Drini u naselju Osanica, a odobreno je i plaćanje računa privrednom društvu „Hidrogradnja“ d.d. Sarajevo u vrijednosti od 204.804,65 KM, po Ugovoru o izvođenju radova na izgradnji ovog mosta -IV privremena situacija. Po Ugovoru o izvođenju radova na sanaciji ulica „Zaima Imamovića“ i

“Ruždije Islamagića”, Vlada je dala saglasnost ministru za privredu da izvrši ovjeru i plaćanje okončanih situacija privrednom društvu „Goraždeputevi“ u vrijednostima od 31.577,19 KM i 1.626,48 KM.

Članovi Vlade Bosansko-podrinjskog kantona Goražde primili su k znanju i izvještaj Komisije za kontrolu realizacije ugovorenih obaveza o korišćenju sredstava za podsticaj investicija iz Budžeta BPK-a Goražde, Ministarstva za privredu.

Nakon uvodnog obrazloženja ministrice za boračka pitanja Nermane Sofović, Vlada BPK-a Goražde odobrila je novčana sredstva u iznosu od 1.200 KM na ime novčanih pomoći (po 300 KM) za liječenje ratnog vojnog invalida i demobilisanih boraca: Ismeta Nevesinjca, Ekrema Krakonje, Miralema Bašaškića i Nisada Kurtovića. Odobrena su i sredstva u iznosu od 1.500 KM za sufinansiranje Projekta pomoći porodici Alije Odžaković, demobilisanog borca iz Goražda, dok su za sufinansiranje troškova zajedničkog Projekta poboljšanja statusa boračke populacije za mjesec decembar 2006. godine odobrena sredstva u iznosu od 2.500 KM. Vlada je usvojila i Odluku o odobravanju novčanih sredstava za jednokratne novčane pomoći borcima i članovima njihovih porodica u iznosu od 1.950 KM, za 12 boraca u VI grupi korisnika, te dala saglasnost OŠ „Mehmedalija Mak Dizdar“ za plaćanje računa firmama „Baran“ d.o.o. i Hata- Comerc iz Goražda u iznosima od 1.710,40 KM i 1.885 KM, a koji se odnose na ugradnju PVC prozora, odnosno, na izradu i montažu horizontalnih oluka. Ministarstvo za obrazovanje, nauku, kulturu i sport dobilo je od Vlade saglasnost za plaćanje računa firme „Oniprom“ u iznosu od 1.493,51 KM, koji se odnosi na nabavku kompjuterske opreme za potrebe dislocirane nastave Ekonomskog fakulteta Univerziteta u Sarajevu, a Ministarstvo za unutrašnje poslove dobilo je saglasnost da izvrši plaćanje računa federalnom Ministarstvu unutrašnjih poslova u iznosima od 20,827,50 KM i 18.154,25 KM, za obuku kadeta za činove “Mlađi inspektor” i “Policajac” na Policijskoj akademiji Vraca-Sarajevo.

Nakon uvodnog obrazloženja sekretara Vlade Emira Sijerčića, članovi Vlade zadužili su Ministarstvo za finansije da za narednu sjednicu Vlade Bosansko-podrinjskog kantona Goražde pripremi prijedlog Odluke o razrezu poreza na dobit u godišnjem paušalnom iznosu za 2006. godinu, uz predhodnu analizu ostvarenih efekata od ove Odluke u 2005. godini, te predloži eventualne izmjene djelatnosti koje će se oporezivati na ovaj način.

U nastavku sjednice, Vlada BPK-a Goražde razmatrala je materijale iz oblasti Ministarstva za socijalnu politiku, zdravstvo, raseljena lica i izbjeglice, te usvojila niz odluka od kojih izdvajamo Odluku o odobravanju isplate novčanih sredstava za 247 korisnika prava iz zaštite civilnih žrtava rata po osnovu usklađivanja visine mjesečnih primanja civilnih žrtava rata, za mjesec mart 2005. godine, u ukupnom iznosu od 40.639,20 KM. Vlada je za potrebe obezbjeđenja grijanja javnoj ustanovi Dom za stara i iznemogla lica Goražde odobrila 10.000 KM, dok su za istu namjenu, sredstva u iznosu od po 5.000 KM odobrena i JU Dom zdravlja „dr.Isak Samokovlija“ u Goraždu, (za potrebe obezbjeđenja grijanja terenskih i ambulanti

porodične medicine), domovima zdravlja u Ustikolini i Prači, te Zavodu za javno zdravstvo. Kantonalna bolnica Goražde je za potrebe grijanja i potrebe organizacije rada Prijemno-urgentnog centra dobila sredstva u iznosima od 20.000 KM i 10.000 KM, a sredstva od 10.000 KM, za izmirenje obaveza prema Zavodu zdravstvenog osiguranja BPK-a Goražde dodijeljena su JU Dom zdravlja „dr. Isak Samokovlija“.

Vlada je usvojila, takođe, i Odluku o odobravanju novčanih sredstava za ugradnju građevinskog materijala i stambeno zbrinjavanje raseljenih lica-povratnika i porodica u stanju socijalne potrebe u iznosu od 21.000 KM, za 17 korisnika ove finansijske pomoći, iz sredstava Federalnog ministarstva za raseljena lica i izbjeglice.

Ministarstvo za finansije od Vlade BPK-a Goražde dobilo je saglasnost za nabavku računarske opreme, a usvojen je i izvještaj sa službenog putovanja u inostranstvo pomoćnika ministra za trezor.

Članovi Vlade do kraja svoje 55. redovne sjednice, usvojili su Odluku o odobravanju novčanih sredstava u visini od 16.417 KM firmi „Euro Prost“ d.o.o. iz Gračanice za izvođenje dodatnih radova na sanaciji 19 devastiranih liftova na području BPK-a Goražde, te ovlastili Premijera Kantona da sa firmom „Euro Prost“ potpiše Anex ugovora o izvođenju ovih radova.

Usvojena je i Odluka o davanju saglasnosti na Pravilnik o izmjenama i dopunama Pravilnika o unutrašnjoj organizaciji i sistematizaciji radnih mjesta u Službi za zajedničke poslove kantonalnih organa, te data saglasnost za popunu upražnjenog radnog mjesta namještenika, pomoćni radnik-higijeničar u ovoj službi.

Vlada je odobrila novčana sredstva u iznosu od 50.000 KM namijenjenih za rad parlamentarnih stranaka u Skupštini Bosansko-podrinjskog kantona Goražde, a usvojen je i niz odluka o isplati jednokratnih novčanih sredstava za ublažavanje negativnih uticaja uvođenjem PDV-a za lijekove i to: Kantonalnom zavodu zdravstvenog osiguranja- 119.907,94 KM ; Kantonalnoj bolnici Goražde – 25.888,06 KM; JU Dom zdravlja Goražde – 24.382,64 KM; Domu zdravlja Ustikolina – 1.124,55 KM i Domu zdravlja Prača – 1.802,90 KM, sve za period 01.01.- 31.05.05.2006.godine.

Vlada je dala saglasnost Direkciji robnih rezervi BPK-a Goražde da izvrši nabavku lož ulja po cijeni 1,55 KM, u ukupnoj vrijednosti od 90.000 KM, te odobrila jednokratne novčane pomoći: Fudbalskom savezu BPK-a Goražde 2.000 KM, za organizaciju Bajramskog turnira u malom nogometu; Udruženju građana Radio klub „Tehničar“ Goražde 3.000 KM, za nabavku neophodne antenske opreme, Enisi Hrelji 2.000 KM, za izdavanje autorskog albuma i Srpskom građanskom vijeću-Pokret za ravnopravnost Goražde 2.000 KM, za obilježavanje božićnih praznika.

Vlada je na kraju ove sjednice odobrila Službi za zajedničke poslove kantonalnih organa plaćanje računa firmi „Oniprom“ Goražde u iznosu od 1.198 KM, za nabavku računara, kao i novčana sredstva Općini Goražde u iznosu od 8.701,30 KM, za dodatne radove na projektu „Rekonstrukcija elektrodistributivne mreže na području povratničkog naselja Kolijevke“.